

12
48

DE HÆRESI ALBIGENSIUM EXERCITATIO

HABITA IN COLLEGIO ROMANO

Anno MDCCLVI. Mense Augusto Die xxvi.

AUSPICIIS.

REVERENDISSIMI PATRIS

JO. THOMÆ BOXADORS

MAGISTRI GENERALIS ORDINIS PRÆDIC.

AB ALOYSIO BRENNÄ

*Seminarii Romani Clerico, & Historiæ
Ecclesiasticæ Auditore.*



ROMÆ, MDCCLVI.

EX TYPOGRAPHIA GENEROSI SALOMONI
SUPERIORUM FACULTATE.

REVERENDISSIME PATER .



ET us Lycei nostri institutum, quo singulis annis, hic veluti aperiri campus juvenum ingeniis & diligentiae consuevit, ut quid illa valeant, quid toto anni curriculo profecerint, experiantur: & vulgè est notum, & mihi qui tertium hoc suscipio exercitationis genus, necesse est esse notissimum: in quibus exercitationibus (ut in antiquis gymnics, musicisque illis, & Poetarum agonibus factum est, quibus

hi nostri successerunt) aliquem nobis quasi Agono-
thetam adlittere & præesse, maxime expetere atque
exoptare solemus; a quo vel nostra ornetur indutria,
vel ingenii imbecillitas, sublevetur. Sed accidit, ut
hoc anno, atque hoc maxime tempore; cum, ante-
quam solemnes indicantur Scholasticæ feriæ, eramus
in litterariam hanc arenam descensuri; Tibi, REVE-
RENDISSIME PATER, magno Urbis totius plausu,
maximo Tuorum consensu, Supremum Ordinis &
Familiæ Magistratum delatum audiremus. Non equi-
dem casu accidisse arbitror, his temporum articulis,
hac in Urbe, illo etiam Scholis & parietibus nostris
proximo & quasi adjuncto loco, ut tanta res fie-
ret; & quod, auctore Gregorio XIII. ædificatum est
Athenæum Religioni & bonis Artibus, maxime
vero, quod illis temporibus necesse erat, ad Chri-
stianam Religionem tuendam & confirmandam,
exaudire prope deberet eorum voces, quibus illi Or-
dini præficeretur, qui difficillimis Christianæ Religio-
nis temporibus, cum teterrimæ Hæreses maximam ter-
rarum partem infecerant; natus, probatus, confirma-
tusque est. At quis nimirum præficeretur? Nihil est
earum rerum, quæ allicere homines possunt, ut viri
cujuspiam summi ornatissimique sibi patrocinium ad-
fiscat, quod (oro, ut sit REVERENDISSIME PA-
TER, veræ voci, & ab omni prorsus assentatio-
ne alienæ locus) in Te cumulatissime non inve-
niatur. Nam & laudes illæ, quæ externæ sunt, &
despici a sapientibus viris, sive ceteris postponi solent,
ita sunt in Te congestæ, ut solæ quemvis alium or-
nare

nare & satis illustrare possent ; ex nobilissima , inquam , familia esse progenitum , in potentissimorum Regum Aula educatum fuisse , summos esse honores consecutum , valere apud Principes auctoritate & gratia ; sed præterea quæ ad animum pertinent , & quoniam hominis propriæ sunt , majori etiam in pretio a sapientioribus viris prudentioribusque habitæ ; quas quidem , si percensendo numerare singulas vellem , & dies me tempusque deficeret , & viderer fortasse longius ab instituto meo aberrare . Brevissime hoc tantummodo dicam : qui ad supremum Magistratum honorum & munerum gradus esse solent , Te perfunctum esse omnibus , atque ita perfunctum , ut breviori tempore , majori aliorum voluntate , & quasi felicitate nemo unquam sit consecutus . Cum enim , Religiosæ præsertim familiæ ; atque ei familiæ , quæ cum virtutis laude , tum doctrinæ splendore ornatissima est , ac præterea plagis terrarum omnibus longe lateque diffusa , viros habeat multitudine innumera- biles ; populorum ac nationum varietate diversos ; genere , muneribus , auctoritate gravissimos ; par sit eum imperare , qui ceteris externis laudibus & summæ vitæ integritati ac sanctitati hoc adjuverit , ut non solum nobilissimas disciplinas præstantissimasque discendo cognoverit , sed docendo tradendoque quantum in illis valeat demonstraverit , & præterea in ipsa gubernandi arte quæ omnium difficillima est , se prudentissimum experientissimumque ostenderit . Tu nimirum is es , REVERENDISIME PATER , qui cum ætate aliquantò maturiore fueris Religiosam

vi-

vitam amplexus, atque ita rerum maximarum cognitionem atque experientiam cum perspecta jam probataque omnibus morum innocentia attuleris; paucis vel non ita multis, quibus eam professus es annis, gradus omnino omnes, qui ad docendum regendumque pertinent & summa celeritate decurristi, & qualis quantusque esses plane omnibus declarasti. Tu Philosophiam, & rerum naturalium Scientiam celebri in Urbe, quæ antiquissimum in Italia domicilium bonarum artium & disciplinarum fuit, Perusiæ professus es: Tu in hac non Imperii solum, verum etiam doctrinæ principe Civitate, Theologiæ facultatem illam, quæ in vero germanoque sensu Theologorum Principis S. Thomæ eruendo explicandoque versatur, quatuor ipsos annos, summa intelligendi perspicacia, ubertate orationis, ac differendi facilitate explicasti: Tu Provinciam Aragoniam, supremus ejusdem Tui Ordinis moderator, sanctissime, prudentissimeque administrasti: Tu denique Reverendissimo Clarissimoque Bremondio, qui in Hispanicis Provinciis gubernandis assisteres, ab eo delectus, ita Te illi, Tuis, & universo Ordini probasti, ut postquam ille huic luci ereptus est, Te dignum existimarent, cui non jam partis alicujus clarissimæ religiosissimæque familiæ, sed omnino universæ gubernacula traderentur. Itaque cum talis tantusque sis; cum hoc tempore, hoc loco ad eam quæ summa est dignitatem perveneris; non debeo hoc existimare, divinitus veluti factum esse, ut Patronus Tu mihi studiisque meis advocare? Verùm hæc sunt, quæ hætenus commemoravi, hujus-

hujusmodi , ut in quemlibet alium Lycei hujus , & facultatis cujusvis Auditorem convenire possent . Habeo aliud proprium ac plane meum , qui aliquot jam annos in Historiæ Ecclesiasticæ studio , nescio quo fructu , diligentia certe non mediocri & maxima voluntate versor . Nam Te hanc præcipue disciplinam adamasse , testantur disputationes , & concertationes tuæ , his ipsis de rebus , quæ in ea facultate tractantur , habitæ ; testatur illud maxime , quod Decessori Tuo olim in disciplinam veluti traditus , edendorum cum ipso Pontificiorum Diplomatum , quæ ad Ordinem vestrum spectant , curam suscepisti . Atque hoc nimirum Te conciliare maxime mihi studiisque meis necesse est . Nam in ea sum Historiæ parte , quæ , si ulla alia , ad familiæ vestræ gloriam & dignitatem pertinet . Dicturus enim sum de Albigenium Hæresi , ea nimirum , quam SS. Ordinis vestri auctor & parens summa dexteritate aggressus est , incredibili constantia oppugnavit ; admirabili felicitate contudit ? in qua quidem expugnanda cum ejus sanctissimi filii , veluti ad bellum Domini persequendum perficiendumque vocati essent , ceteris , qui ad reliquas deinde consequutas Hæreses edomandas atterendasque arcesserentur , præclarissimo felicissimoque exemplo præiverunt . Hæ sunt causæ , quæ Te patronum mihi studiisque meis ut adsciscerem persuaserunt . Utinam haberem alias , quæ ad id excusandum valerent , quod hac ingenii mediocritate hac tenuitate doctrinæ maximum onus ultro suscipere ac deposcere non dubitarim , in quo etiam uno Lycei hujus & Collegii fama periclitari videatur .

deatur. Unam tamen habeo, quæ satisfacere cuicumque vel foetidissimo potest, positam in Tua, REVERENDISIME PATER, humanitate ac benignitate: Hæc, quæ tenuitate ipsa mea illustrior testatiorque futura est omnibus, excusare consilium meum poterit; hæc eventum, quicumque erit exercitationis hujus ornare; hæc eadem me dicentem, hærentemque fortasse in difficillimis impeditissimisque locis sublevabit.



DE HÆRESI ALBIGENSIUM

EXERCITATIO.



Hæreses quæ Christianam Ecclesiam ab ipsa Apostolorum ætate exercuerant, postquam sæculo x. extinctæ aut consopitæ sunt, ut nullæ ferme apparerent; erupere iterum sæculo xi., & maxime xii., deinceps ad nostra hæc tempora, novis subinde nascens, succrescentibusque propagatæ. Itaque Historiæ Ecclesiasticæ partis illius, quæ errorum causas, ortus, progressionisque con-

siderat (est vero utilissima, & ad Catholicum dogma planius intelligendum & confirmandum prorsus necessaria) alter hinc veluti cursus exorditur; cui insistere diligentius omnino convenit, maxime ut Heterodoxis hominibus obsistamus, qui obiectam a nostris eorum Sæctæ, & doctrinæ novitatem, per antiquiores Hæreticos hos, tueri, & excusare conantur, atque ab illis perpetuam successionem quamdam errorum suorum & secessionis ab Ecclesia Romana demonstrare. Selegimus vero inter ceteras, Exercitationis hujus argumentum, Albigenium quæ dicta est Hæresim; quod ea quidem celeberrima sit, nec satis adhuc, ut nobis quidem videtur, explicata: hæc vero arbitramur esse præcipua capita, quæ de ea Hæresi quarri & investigari possunt; itaque nos quæremus.

De erroribus, quinam eorum, idest Albigenium, essent.

De diversis ipsorum generibus, nominibus, origine, & propagatione.

De præcipuis Hæresis defensoribus sive sanctoribus, ejusdemque expugnatoribus.

De modo, qui est ad Hæresim extirpandam adhibitus, disputationibus, colloquiis, conciliis, bellicis expeditionibus, institutisque judiciis.

C A P U T I.

De Albigenſium erroribus.

Albigenſium errores explicare non est admodum difficile; siquidem eo contenti sumus, quod nonnulli faciunt, ut præcise *novos* eos *Manichæos* dicamus, & Manichæorum veterum dogmata amplexos esse pronuntiemus. Verum & Manichæorum dogmatum descriptio non ita facilis est, atque expedita, ut quibusdam videtur; & Albigenſes fuisse Manichæos, ut plerique consentiant, sunt tamen qui negent: inter quos Jo: Christophorus Wolfius in eo libro quem inscripsit (1) *Manichæismus ante Manichæos*: quod videret nimirum, damnatis Albigenſibus, Waldenses, a quibus hominibus successionem suam Heterodoxi repetunt, salvos esse non posse (2). Nobis antiqua, & communis sententia retinenda omnino esse videtur; idque evincere arbitramur, veterum Manichæorum dogmata cum iis comparantes, quæ Albigenſibus, æquales Scriptores adscribere. *Quidam Hæresiarchæ*, ait Cæsarius (3), *collegerunt puncta ex dogmate Manichæi duo credunt cum Manichæo principia Deum bonum, & malum Deum, idest Diabolum, quem dicunt omnia creare corpora, sicut Deum bonum animas*. Petrus Monachus Cœnobii Vallium Cernaii, alter Albigenſium historiæ antiquissimus scriptor (4); *Primum sciendum, quod Hæretici duos constituebant Creatores; invisibilem scilicet, quem vocabant benignum Deum, & visibilem, quem malignum Deum nuncupabant &c.* additque, quod constat proprium fuisse veterum Manichæorum; *Novum Testamentum benigno Deo, vetus vero maligno attribuebant*: cui Cæsarius consentit, cum *Moyſen & Prophetas* recipere eos negat; imo Tolofani Comitum, Hæresis Albigenſium præcipui propugnatoris, has blasphemias Petrus refert (5); *bene apparet, quod Diabolus fecit mundum istum . . . Deus Moyſi, quem vos creditis, non poterit vos juvare &c.* Manichæi-

(1) Pag. 156. (2) Colbergius *Albigenſibus* errores hos ex vero tribui existimat, a qua tamen sententia animum non possum non proferri alienum, cum verendum sit, ne sic *Waldensibus* quoque, quos tamen ab his

placitis immunes pronuntiat, eadem dica scribenda sit. (3) *Distinct. v. cap. 21. Biblioth. Cisterc. Tiffier to. 2. pag. 138.* (4) *Hist. Albigenſ. cap. 1.*

(5) *Cap. 4.*

nichaicum est illud quoque, quod eo loco (1) sequitur apud eundem Petrum; *Christus ille, qui natus est in Bethleem terrestri, & visibili, & in Hierusalem crucifixus, malus fuit ... Bonus enim Christus, sicut dicebant, nunquam comedit vel bibit, nec veram carnem assumpsit, nec unquam fuit in hoc mundo, nisi spiritualiter in corpore Pauli. Ideo autem diximus in Bethleem terrestri & visibili, quia Hæretici fingebant, esse aliam terram novam & invisibilem; & in illa terra, secundum quosdam bonus Christus fuit natus & crucifixus. Fuisse hoc in veterum Manichæorum placitis, Christum specie tenus, sive *παρὰ τὴν φύσιν*, ut Theodoretus ait (2) pertulisse mortem, atque, ut Augustinus (3), *finxisse passionem, qui natus non esset, neque veram, sed simulatam carnem humanis oculis ostendisset*, ex his quos nominavi constat, & ex Epiphanio (4): quos quidem hujus rei idoneos esse testes judico; ut ut aliter Beausobrius censeat. Verum & hoc Beausobrius (5) ipse fatetur, & aliud de mundo invisibili pariter Manichaicum fuisse concedit (6). Quod vero Petrus addebat *secundum quosdam*; plane ostendit in recentioribus istis Manichæis, fuisse divortia quædam doctrinæ; uti etiam in paullo antiquioribus, sive Paullicianis. Nam in anathematismis, qui his præscribuntur pronuntiandi, cum ad Catholicam Ecclesiam veniunt, quosque e Regio Codice Cotelerius (7), ex Cæsareo etiam ampliores Tollius (8) edidit, hæc leguntur; *Anathematizo qui dicunt D. N. J. C. specie tenus tantum mundo manifestatum esse, quique fateri nolunt vere eum carnem e B. Virgine Maria induisse ... nobisque consubstantialem ac perfectè hominem factum esse ...* Anathematizo eos, qui contra hæc sentiunt, & alium quidem volunt esse eum, qui natus sit ex Maria, quique baptizatus, sive, ut nungantur, demersus, alium vero eum qui ex aqua ascenderit, & testimonium acceperit, quem & ingenitum Jesum, ac lumen nuncupant, qui in figura hominis apparuerit; atque illum quidem fabulantur esse a malo principio, hunc autem a bono. Anathematizo eos, qui ajunt D. N. J. C. specie sola passum esse, & alium quidem esse eum qui in cruce, alium qui procul ab ea stabat, ridebatque, tamquam alio pro se perpetiente. Pertinet, ut dixi, hæc formula ad eos Manichæos, qui Paulliciani dicti sunt sæculo VII. VIII. & IX. & quorum historiam Photius*

A 2

tius

(1) Cap. 2. (2) Lib. 1. Hæret. Fabul. cap. 26. (3) Contra epist. fundam. cap. 2. (4) Hæres. 66. num. 36. (5) Lib. 8. cap. 1. 2. 3. (6) Lib. 6.

cap. 1. (7) Ad lib. 4. Recognition. num. 27. (8) Insign. Itinerar. Ita lic. pag. 126.

4
tius (1), & Petrus Siculus, quem ex codice Vaticano Raderus (2) eruit, persecuti sunt: quorum postremus testatur; *ne quicquam divertunt a Manichæis Paulliciani... qui, tamen si se a Manichæorum impuritatibus alienos dilectant, sunt tamen dogmatum ipsorum vigilantissimi custodes, & propugnatores*. Eam vero formulam sæculo ix. non esse antiquiorem, & credo ab aliis animadversum fuisse, & colligo ego ex verbis, quibus anathema dicitur Paulo, Sergio, Tychico &c. Sed ut redeamus ad Albigenes, fuere in eorum dogmatibus, ex Petro Monacho; *Omnes veteris Testamenti Patres damnatos, Joannem Baptistam unum esse de majoribus Daemonibus*. Ex Cæsario, vero corporum resurrectionem negabant; Baptismum abjecerant; sacramentum Corporis & Sanguinis Christi blasphemant. Addit, metempsychosim ab iisdem admittam; nam militem eam inducentem, narrat; *credidit stultus, sicut, ceteri Albigenes, quod anima secundum meritum transeat per diversa corpora etiam animalium, ac serpentium*. Gulielmus de Naugis hos præterea Hæreticos Beatam Mariam Dei Genitricem blasphemasse refert (3). De Patrum veteris Testamenti salute, uti etiam de Jo. Baptista, non ita sensisse perverte antiquos Manichæos, contendit Beaufobrius (4); sed hoc ex Archelai Actis, non veris sincerisque, quæ Epiphanius, Cyrillus Hierosolymitanus, Hieronymus alique vetustissimi PP. viderunt, atque in sua ipsorum scripta intulerunt; verum interpolatis, atque ita, uti ea inventa sunt, editis a Zaccagnio: in quibus etiam nihil habetur, quod his magnopere repugnet. Recensetur a Photio inter Bibliothecæ suæ codices (5) opus Agapii inscriptum Uranix (quam cur Fabricius (6) uxorem ejus faciat, non plane videtur), in quo ille errores suos, idest Manichæorum exponit; sunt vero inter ceteros, quos Photius perstrinxit *Vetus Testamentum irridet, ac Moysen ipsam cum Prophetis; quin & Domini Præcursores subsannat*. Atque id testimonium, ut Didymi Alexandrini alterum (8) injuria Beaufobrius repudiat. In Agapio excusatione uti fortasse posset paullo commodiore, si ita antiquum eum esse negaret, ut de vetustissimis Manichæis testimonium perhibere posset. Nam ego ut Agapium credam illum, qui inter Manetis ipsos discipulos numeratur a Petro

Sicu-

(1) Edidit Montfaucon Bibl. Coisliana pag. 349. &c. (2) Ingolstadtii 1604 v. pag. 3. (3) In Chronic. tom. xi. vet. edit. D' Acherii pag. 489.

(4) Part. 2. lib. 1. cap. 4.

(5) Cod. 179. (6) Bibl. Græc. tom.

5. pag. 287. (7) Sunt Photii verba *την αὐτὴν δὲ τὴν Οὐρανίαν τὴν τῆς οὐρανίας εὐαγγελιστρίαν ἀποκαταστήσαντα αὐτὴν p. 209. ex recens. Hoeschelii an. 1607.*

(8) Auzar. Combess. tom. 2. pag. 30.

Siculo (1) non facile adducor, suspicorque potius paullo Photii ætatem antecessisse. Sed mihi quidem ætas illius, aut testimonium perinde est: constabit enim Manichæorum sequioris ævi progeniem fuisse Albigenes. Quod verum est: nam omnia quæ expressimus dogmata, in his reperiuntur; atque ita laudati Anathematismi (2); *Anathema iis, qui Sanctam Deiparam Mariam contumelia afficiunt*; (3) *Anathematizo negantes carnis resurrectionem*; (4) *Anathematizo eos, qui metempsychosim admittunt, quam ipsi animarum μεταγγισμὸν* (de vase in vas effusionem) appellant. Photius in Paulicianorum historia (5): *In Sanctissimam autem Dominam nostram Deiparam blasphemantes non horrent ea dicere, quæ nec scribi, nec audiri possunt* Pari modo communionem pretiosi Corporis, & Sanguinis Christi Dei nostri sexcentis contumeliis aspergentes . . . sacros Prophetas, omnemque veterem scripturam, aliosque sanctos aversantur, quos fures, & latrones appellant. Petrus Siculus Manichæorum sectæ sex capita, seu, ut ipse vocat, γυμνίσματα proponens (6) post primum de duobus principiis habet alterum; quod Deiparam, semperque Virginem per odium abjiciant, neque Christum ex illa natum dicant; & tertium, quod e sacris Mysteriis divinam ac tremendam Corporis & Sanguinis D. N. J. C. conversionem negent; item quintum; quod Veteris Testamenti tabulas non admittant; Prophetasque fures & latrones vocent. Sequebatur etiam apud Agapium, sive Photium de Agapio; *Abnegat omnium resurrectionem ac Judicium, vocabula hæc ad alia transferens . . . intolerabile odium, bellumque implacabile cum Deipara & semper Virgine Maria gerit . . . Corpus & Sanguinem Christi non illud agnoscit, quod Christiani veneramur, sed quod furiosa ipsius mens confixit . . . probat & metempsychoses*: quæ quidem aliis aliorum perpetuo consentiunt. Pleraque vero inveniuntur etiam in iis, qui certò sunt antiqui. Nam Theodoretus de iisdem habet (7); *Corporum resurrectionem ut fabulam rejiciant . . . animas in corpora transire dicunt; & has quidem in volucrum, alias in jumentorum, & ferarum, & serpentium corpora immitti.* De metempsychosi fuscè contra Manetem disputat Epiphanius (8), & pro resurrectione corporum (9), quam quidem cum Judicio Manichæos negasse Philaster etiam (10) prodidit; idque a Valentino eos accepisse vult Rufinus (11). Nihil dicam

(1) Pag. 30. (2) Ap. Tollium, pag. 144. (3) Ibid. pag. 140.

(4) Pag. 138. (5) Bibl. Coisl. pag. 352. (6) Pag. 17. (7) Lib. 1,

Hæret. fab. cap. ult. (8) Hæz. 65. n. 28. & 55. (9) N. 35. (10) Hæz. 61.

(11) Expos. Symb.

cam de Eucharistia. Scitum enim est, quam loco nostræ quæ sancta est, eam illi fœdam detestabilemque haberent; quod frustra quidem negat Beaufobrius (1). De Baptismo res videri potest obscurior (2): Sed vel eum illi pro arbitrio adhibebant, necessarium verò negabant, quod Tillemontius docuit (3), vel ut Photius (4) *etiamsi salutarem baptismum respiciant, se tamen ipsum admittere simulant*. Nihil dico de matrimonio; quod damnaſſe veteres Manichæos ex Augustino ceterisque omnibus constat; de Albigenſibus vero Petrus; *sacrum matrimonium meretricium esse; nec aliquem in ipſo ſalvari poſſe, filios & filias generando*, affirmasse testatur; additque, cum duas ipſi eorum claſſes diſtinguerent, *Perfectos* qui dicebantur, quique nominabantur *Credentes*; *Perfecti* & caſtitem mentiebantur, & *esum carnum, ovorum, caſei omnino detestabantur*; quæ Manichæica eſſe proſecto liquet.

II. Atque hætenus una opera duas res conſecuti eſſe videmur, ut præcipua Albigenſium dogmata, quæ eſſent, exponeremus, & veteribus Manichæis eadem aſſereremus; quarum primæ Wolfius, alteri vero Beaufobrius repugnabat. Quamquam Beaufobrianum opus longiorem proſecto, & diligentiorrem, addo etiam a doctiore homine, conſutationem deſiderat, præſertim altera ejus pars, quæ Dogmatica eſt: nam in prima, quæ eſt hiſtorica, reſellenda, Auctor Exercitationum in S. Leonis opera, recens eſt fuſeque verſatus. Sunt vero illi libri, non ſolum impie, ſed veteratorum more, ideſt aſtute & fraudulenter ſcripti, nec ita tamen, ut contemni poſſint. Ut enim curam diligentiamque probet, res minutatim partitur; in ſingula ſolicite inquiri, ad curioſa quædam digreditur, magnam auctorum nec vulgarium copiam allegat; ut nimirum alliciat, atque retineat lectores ſuos, opprimatque ſi non pondere, argumentorum numero & copia. Atque alia quidem Manichæis abjudicat, quaſi illis per calumniam impoſita, alia fuiſſe in eorum erratis fatetur, ſed excuſationem ipſe adornat; in qua quidem excuſatione Apoſtolicam traditionem obſcurare, debilitare argumenta Catholice fidei omnia ſummo ſtudio conatur. Ut vero id facere liberius poſſit, & rem quò vult adducere, veterum Scriptorum, quorum auctoritatem timet, fidem in procramio, quod ceteris libris præfixit, elevat. Alios non vidiffe Manichæorum libros; itaque incertos rumuſculos ſecutos eſſe: alios non intellexiſſe. In priorum numero Cyrillum Hieroſolymitanum habet; eſſi negare non poteſt Archelai narrationi iii-

(1) Part. 2. lib. 9. c. 7. §. 9. (2) Ibid. cap. 6. (3) Not. 1. in Manich. (4) Loc. all.

7
 ni instituisse, quam Beausobrius, ut multo incertiori hæreat, contemnit: item Theodoreti, cuius laudare eruditionem cogitur, credulitatem damnat. In posteriorum censum inferre audet S. Epiphanium, quasi Syriace nesciverit, & in *Thesauro* Manichæi libro, quem idem se legisse testatur, alia omnia, quam quæ vere erant scripta, viderit. Titum Bostrensem impense laudat; sed postquam reperit quædam dicere de Christi Œconomia, quæ systemati suo adversantur, tunc negat ei esse adhibendam fidem, quod illa credibile non sit in *Thesauro*, in quo reliqua reperit, invenisse. Leonem M., Damascenum, formulas fidei, etsi sibi & cum historicis consentientes, damnat omnes. Quid Augustinus? Inter Manichæos, inquit, *Auditor* non *Electus* erat: itaque nihil eorum scivit. At cum *Electis*, qualis Fortunatus erat, disputavit. At Tyrbo quoque in *Auditoribus* fuit. Hic Beausobrius, quando a Tyrboue adjuvari se posse credit, Auditores æque ac *Electos* vult nosse Manichæorum omnia (1). Ita qui se nullius partis studio præoccupatum subinde jactat, tanto Manichæorum suorum amore finit se abripi, ut sibi non constet. Atque idem eadem de causa peccasse videtur, dum negat quæ Augustinus de Manichæis narrat potuisse esse vera, quod non sit credibile ea portenta amplexurum fuisse, cum Manichæis se daret, Augustinum. Erroris tamen portenta, atque ut idem vocat (2) *terribile paradoxum* in PP. admittit post Concilium Nicænum: de quo quidem Concilio Nicæno portenta ipse sequitur, cum quò Patrum consensionem tantam fuisse neget, tam multos in illum gravissimum, sanctissimumque consensum Episcopos Hæreticos (3) inducit; & quæ sunt de eo communi veterum Scriptorum suffragio munita, aut inficiari audet, aut in suspicionem adducere. Sed longius progredi Instituti nostri ratio non patitur: atque ipsa hæc tacuissimus omnino, nisi fuissent ad Scriptorum eorum, quibus utimur, auctoritatem stabilendam necessaria; ne eorum nescii, quæ Beausobrius opposuisset, illos tamen compellere hac in causa videremur. Addam tamen aliud, quod pertinet ad Manichæorum placita declaranda, & quæ sunt Christianæ fidei illustrare conabor; secus ac facit Beausobrius. Nam libro III. exponere aggressus Manichæorum systema, atque eam, quam illi crederent esse Dei naturam; ait hanc Manichæum fecisse lumen quoddam sincerum, maximeque purum; id ab aliis traditum fuisse, & placuisse etiam Christianis Patribus; hoc vero lumen statuisse Manichæos nequaquam esse corporeum.

(1) V. Tom. I. pag. 251. n. 8. (2) Ibid. pag. 521. (3) Tom. I. lib. 3. cap. 6.

poreum. Hactenus non male. Sed extremum quod posuerat, statim evertit, decernens illud tamen corporis istis oculis videri potuisse, modò cælesti, & Divina virtute roborarentur; hanc eandem extitisse Græcorum Patrum magno numero sententiam; nec tamen appellat alios, quam Damasцени nescio, quod carmen, & ex Nazianzeni oratione xl. locum qui rem nullo modo conficit; totum se reservat Græcis sæculò xiv. de lumine Thaboritico disputantibus, de quibus jampridem Petavius (1), Thomassinus (2), & Theologi alii; quibus addit Leonis Allatii auctoritatem (3). Itaque apparet illudere incautis, aut imperitis voluisse. Et Allatium quidem (4) Trevoltienfes acerbius increparunt; ignoscimus nos viro docto, Græcis suis nimium tenaciter inhærenti, atque hic Grammaticorum more magis, quam Theologorum Patres tractanti. Beaufobrio ignoscere nullo modo possumus, cum Lib. i. l. c. i. & 2. Christianum dogma de Dei natura a materia omni & corpore libera, convellere nititur, negatque Fidei Christianæ adversari qui neget illam spiritalem omnino esse, qualis credi & dici consuevit. Doceri hic poterat a Manichæis suis, nisi ad Worsium & Socinianos divertere hoc loco maluisset. Nam Manichæi Deum ita dicebant lucem, ut alterum principium ei omnino adversum, & quod nihil haberet cum eo commune, statuerent esse materiam; ab omni ergo materia remotus erat Deus. Testes autem hujusce rei non modo nostri, ita hoc, quod eorum dogmatum præcipuum erat, enuntiantes; inter quos Theodoretus (5); *Hic duos ingenitos & æternos esse dixit Deum & materiam, appellavitque Deum lucem, materiam tenebras, & lucem bonum, tenebras malum . . . remotum esse a materia Deum dixit, prorsusque ignorari, & ipsum a materia, & ab ipso materiam; verum ipse quoque Manes, sic exorsus celebrem illum Thesaurum suum, teste Epiphanio (6); Erat Deus, & materia, lux & tenebræ, bonum & malum, quæ tam penitus sibi invicem erant contraria, nulla ut alterum cum altero communione jungeretur.* Quid ergo dicemus? nisi cum lucem esse Deum dicebat, ita lucis nomine Deum nuncupasse Manichæum, ut pictores nostri, hominis animam flammulæ aut ignis specie representare consueverunt; quoniam, ut illis specie quadam sic nobis nomine aliquo exprimere rem quam volumus necesse

(1) Theol. Dogm. lib. i. cap. 12.

(2) Theol. Dogm. Tract. i. lib. 4. cap. 1. (3) De consens. lib. 2. cap. 17. col. 837. (4) a. 1636. art. 1. pag. 14.

(5) L. all.

(6) Har. 66. n. 14.

ἢ Θεός ἢ ὕλη, οὗτος, ἢ σκοτός, ἀνὰδεν, ἢ κακόν τοῖς πᾶσι ἡρώς ἐναντία, ὡς κατὰ μὴ δὲ ἐπικεινῶν δὲ τῆς αὐτῆς.

esse est . Quod si nomen est illud rei corporeæ ; idest luci huic nostræ commune ; hoc evenit in vocibus aliis , atque ipsi , quæ significantissima omnium putatur , latinæ *spiritus* , Græcæ πνεύμα , Hebraicæ מֵט . Quæ de ὕλη Beaufobrius (1) disserit , quali Manichæi *materia* non recte eo nomine explicetur , nec de eo PP. sollicitos fuisse ; eodem pertinent , quò cetera , adversus eorum auctoritatem & testimonia ab eo prolata . Tantum ergo abest , ut Manichæorum hoc dogma , Dogmati Christiano adversetur , ut inveniatur maxime consentire . Quod eò etiam valet magis , quod unum Deum vere admittebant Manichæi ; itaque nos decernimus , Polytheos eos nequaquam fuisse , ac duo quidem principia admisisse , neutiquam Deos duos ; atque hoc (ne inimici hominis esse dicamur) recte statuisse Beaufobrium . Uti vero Patres de Deo loquentes lucemque eum aut ignem esse enuntiantes , hoc modo dicimus esse intelligendos ; ita & multos eorum , eadem fere in sermone de Angelis efferentes ; etsi fateamur omnes ita explicari omnino non posse . Sed hic quoque exaggeratione utitur Beaufobrius (2) ; & licet Theologi ferme de eo consentire videantur , fide certum definitumque habendum non esse , etiam post Lateranensem Conciliuin , Angelos , maxime malos ab omni prorsus materia & corpore omni vacuos & liberos esse ; esse vero id asserere temerarium ; nihilominus nos opinamur , in Ecclesia fidem & traditionem semper extitisse de eo quod Angeli *incorporei* sint , *imateriales* , denique *spiritus* , quamvis ea traditio , non his fuerit nominibus vocibusque concepta , sed prorsus aliis , quæ idem tamen , quod nunc ex voces , eo tempore significabant .

III. Atque hætenus de Albigenensium erroribus , in quibus recentiores hi veteribus Manichæis consentire prorsus deprehenduntur . Cæsarius addit ; *quicquid beneficij mortuis a vivis impenditur irridet ; ire ad Ecclesias , vel in eis orare , nihil dicunt prodesse* . Petrus Monachus iisdem , quos præcisè Hæreticorum nomine compellare videtur alia tribuit ; *Item dicebant Hæretici bonum Deum duas habuisse uxores Collant , & Colibant , & ex ipsis filios & filias procreasse* . De aliis Hæreticis subjicit quædam ; omnibus vero hæc tribuit ; *Hi omnes membra Antichristi , primogeniti Satana ... provinciam Narbonensem veneno suæ perfidiæ infecerunt ; fere totam Romanam Ecclesiam speluncam latronum esse dicebant , & quia ipsa erat meretrix illa , de qua legitur in Apocalypsi* . Guillelmus de Podio Laurentii ce-

B

lebreum

(1) Lib. 5. cap. 6. (2) P. 2. lib. 5. cap. 6.

lebrem disputationem narrans (1) habitam a Catholicis cum Albigenſibus apud Montem Regalem: ait, *fundamentum fuiſſe a parte Hæreticorum*, quod qui erat inter eos præcipuus appellavit Eccleſiam Romanam, quam Episcopuſ Oxomendiſ deſcenderat, non eſſe ſanctam Eccleſiam neque Sponſam Chriſti, ſed Eccleſiam Diaboli, & doctrinam Dæmoniorum, & eſſe illam Babylonem, quam Joannes appellabat in Apocalypſi matrem fornicationum & abominationum: ebriamque ſanguine Sanctorum & Martyrum J. C., ejuſque ordinationem non eſſe ſanctam neque bonam, neque ſtatutam a D. J. C. & quod nunquam Chriſtus neque Apoſtoli ordinaverunt, aut poſuerunt Ordinem miſſæ, ſicut hodie ordinatur. Simile eſt illud, quod legitur in Vita Gregorii IX. quæ Bernardo Guidonis tribuitur (2) de Albigenſibus: *Dicunt enim Hæretici infideles Catholicos Miniſtros Romanæ Eccleſiæ, Diaboloſ, & ipſam Eccleſiam, Satanæ ſynagogam*. Et Cæſarii quidem illa vel Albigenſibus vel eorum fautoribus tribuit Lucas Tudenſis; *Audent enim*, inquit (3), *contendere, nos Sanctorum auxiliis in nullo penitus adjuvari . . . His videntur in parte ſcrvire . . . aſſeſſentes, Prælatos Eccleſiæ Chriſti, animabus mortuorum fidelium remiſſionum Indulgentiis non poſſe ullatenus ſubvenire*. Eſt etiam apud eundem; *Corpuſ factum a Diabolo mentiuntur . . . nullius Sancti animam ante diem iudicii cælum aſcendere, atque naſquam pati pænas animas, niſi tantummodo in Inferno: neque habere etiam notiſſiam eorum, quos dum viverent in ſaculo dilexerunt*. An hæc omnia veterum Manichæorum, aut Paulicianorum fuerint non auſim affirmare. Apud Petrum Siculum legitur (4) dumtaxat *Quod arceant ab Eccleſiæ adminiſtratione Presbyteros, & Seniores; & Photiuſ neque Catholica Eccleſiæ Presbyteros, atque Sacerdotes admittunt* (5). Affirmat tamen Cæſarius, aliunde etiam hauſiſſe dogmata ſua: *quædam in erroribus quæ in Perſarchon ſentur ſcripſiſſe Origenes, plurima quæ de corde etiam ſuo ſuxerant adſcipientes*. Sed in eo ipſo, nec a veterum Hæreticorum inſtituto diſceſſere, qui prioribus Majorum ſuorum erroribus novos ſubinde addere conſuevere; & inſtitere præſiſ Manichæorum ipſorum veſtigiiſ, qui non uniuſ pravitatiſ ſpeciem, ſed omnium ſimul errorum impietatumque mixturam generaliter poſſidebant, ut ait S. Leo (6); atque ex diverſiſ hæreſibus & gentilibuſ dogmatibuſ banc ſuam perverſam conſtituerant opi-

(1) cap.9. (2) Tom.3. Scriptor. edit. Lugdun. pag.194. (4) Pa-
Murator, pag.371. (3) Præf. ad- rad.6. (5) Pag.354 (6) Serm.
verſuſ Albigenſeſ (tom.25. Bibl. PP. 15. cap.4.

opinionem; quemadmodum legitur in Vita S. Porphyrii, a Marco ejus discipulo saeculo v. scripta (1).

IV. Verum hoc loco examinanda est quorundam opinio, qui cum hæc Albigenſium in dogmatibus fuiſſe legant, Waldenſes atque Albigenſes confundunt; atque eadem de cauſa Petrobuſianis eoſdem accenſent, ſive Petrobuſianos novis Manichæis. Primum illud, ideſt Albigenſes non diſtinxiſſe ab Waldenſibus, multos feciſſe, imo pleroſque qui de Albigenſibus ſcripſere, queſtus jampridem eſt in ſua Albigenſium Hiſtoria Joannes Benediſtus (2); poſtea vero in Diſſertatione de Waldenſibus (3) Thomas Auguſtinus Ricchiniuſ vir doctiſſimuſ, a quo multum nos profeciſſe lubentes agnoſcimuſ, atque etiam præſerimuſ & gloriamur. Sed omnino eſſe diſtinguendos Hiſtorici noſtri docent, Caſariuſ dico qui alioſ ab aliis diſerte ſecernit (4), & Petruſ Vallicernenſem (5), qui pariter hoſ, nimirum Waldenſes appellat nominatim, poſtquam de Hæreticis ſuiſ, ideſt Albigenſibus diſſeruerat; quin etiam diſerte affirmat, hoſ *longe minus* fuiſſe quam alioſ *pervorſoſ*; & quatuor capitibuſ erroreoſ eorum præcipuoſ circumſcribit; *pertrans diſciplinam ſandaliuſ more Apoſtoloruſ, & in eo quod dicebant nulla ratione jurandum, vel occidendum; in hoc inſuper quod aſſerebant, quemlibet eorum in neceſſitate, dummodo haberet ſandalia, abſque ordinibuſ ab Epſcopo acceptiſ, poſſe conſecrare Corpus Chriſti*. Alia & multo gravioſa Waldenſibuſ tribuuntur ab iis, qui adverſuſ eoſdem Tractatuſ ſcripſiſſe putantur; editi autem ſunt a Gretſero (6), Ebrarduſ, Bernarduſ, Ermengarduſ; ex quibuſ Bernarduſ, quem eruditioſiſ alioſ Gretſeruſ prædicat (eſt fortaiſſe etiam antiquioſ, ſi, ut apparet, interſuit diſputationi, ſeu judicio habito contra Waldenſeſ a Bernardo Narbonenſi Epſcopo qui eam Sedem tenuit ab anno 1181. ad 1191. (7)) hæc ipſiſ dogmata attribuit; *non eſſe obediendum ſummo Pontifici, aliſque Prælatiſ; ſpectare etiam ad laicoſ & mulieſeſ prædicare; deſunctiſ fidelibuſ non prodeſſe eleemoſinaſ, jejania, Miſſarum ſolemnia, aliaſ orationeſ; non eſſe Purgatorium, ſed ſpirituſ a carne ſolutuſ continuſ ire ad cælum, vel infernum; non eſſe orandum in Eccleſia, nec Eccleſiaſ eſſe nuncupandam*. Atqui hæc erant ipſa, quæ Albigenſibuſ tri-

B 2

buebat

(1) Ap. Bolland ad d. 16. Febr.

(2) *Hiſtoire des Albigeoiſ, & deſ Vandoiſ, ou Barbetſ par le R. P. Benoîſt Par. 1691.*

(3) *Apparat. ad Monet. diſſ. 3. cap. 4.*

(4) *Diſſ. 5.*

cap. 20. (5) Cap. 2. (6) Tom. XII. Part. II. Operum edit. Ratiſb. a. 1738. & Bibl. PP. Lugd. edit. tom. 25.

(7) *Sanmart. Gall. Chriſt. tom. 6. col. 97.*

buebat Casarius . Ebrardus quoque hæreticorum , quos refutat , hos esse errores significat , quos nos tribuimus Albigenſibus : idemque affirmare poſſumus de Ermengardo . Atque hoc nimirum fuit , quod viris ceteroquin doctis impoſuit , fecitque ut Albigenſes confunderentur cum Waldenſibus ; inſcriptiones illæ *contra Vvaldenſes* . Sed illas eſſe ab alia quam Auctoris manu , bene Cl. Ricchinius animadvertit : itaque hi qui a Gretſero ac ſi contra Waldenſes ſcripſerint , producuntur , vere adverſus Albigenſes pugnarunt : niſi vero hoc malumus ; Waldenſes eos oppugnallè , qui jam Albigenſium errores imbibérant , & totam eorum labem contraxerant . Verum hoc fuiſſe , teſtis eſt inter ceteros Stephanus de Borbone , ſeu de Bella villa in libro *de ſeptem donis Spiritus Sancti* , cujus libri ms. particulam Cl. Argentrè nobis repræſentavit (1) . Is enim ubi Waldenſes ita deſcripſit , ut præcipuum eorum errorem in eo ſtatueret , quod Apoſtolorum vitam præpoſtere omnibus præſcriberent , damnantes *Omnes terrena poſſidentes* , ſubdit ; *ſi ergo primo ex præſumptione & officii Apoſtolorum uſurpatione ceciderunt in inobedientiam , demum in contumaciam , demum in excommunicationis ſententiam . Poſt expulſi ab illa terra ad Concilium quod fuit Romæ ante Lateranenſe , vocati , & pertinaces fuerunt Schiſmatici poſtea judicati . Poſtea in Provinciâ terra & Lombardia cum aliis Hæreticis ſe admilcentes & errorum eorum bibentes & ſequentes , Hæretici ſunt judicati , Eccleſiæ infeſtiſſimi & periculoſiſſimi* . Hæc ergo noſtra ſententia eſt , quam video eſſe etiam virorum eruditilſimorum . Petrus Claudius Fontenai (2) Waldenſes non continuò a Catholica fide deſciviſſe putat ; ſed poſtquam vitæ eorum approbationem quam a Romano Pontifice poſtulabant (ut Abbas Urſpergenſis (3) narrat) obtinere non potuerunt . Eadem ferme eſt opinio Cl. Ricchini (4) ; principio a Waldenſibus erratum in paucis , erraſſe vero enormiter poſt Lateranenſe IV. *Sive* , inquit , *quod Albigenſibus intermixti ex eorum prava conſuetudine multas etiam ebiberint ipſorum opinionationes , ſcæ quod a veritate Fidei atque unitate ſemel declinantibus , facilis eſt per prærupta ad novos ſemper errores caſus* . Quantum vero erraverint , bene idem demonſtrat ex antiquo Scriptore Reinero Sacchono .

V. Petrobuſianos , atque Henricianos Manichæis annumerandos eſſe contendit doctiſſimus Meldenſis Antiſtes Boſſuetius

(1) Colleſt. Judic. tom. 1. pag. 86.

lib. 63. ad a. 1184. (3) ad a. 1112.

(2) Tom. X. Hiſtoir. de l' Eglif.

(4) Diſſert. 2. cap. 3.

G allic. liv. 29. pag. 298. V. & Fleury

tius (1), cui accessit Mabillonius in Præfatione ad opera S. Bernardi (2). Et Manichæos quidem si intelligimus quicumque aliquid eorum, quæ novi isti Manichæi efferebant, admiserit; Manichæos dicamus: si vero hoc nomine eos contineri tantummodo volumus, qui illa adoptabant quæ Manichæorum doctrinæ erant præcipua capita, & quasi *γυμνασια*: vereor, ut Manichæi vere dici & haberi possint. Abaelardus, qui Petrum de Bruis nobis describit (3), ita eum errasse affirmat *ut multos rebaptizari cogeret, & venerabile Dominicæ Crucis signum removendum penitus censeret, atque altaris Sacramentum nullatenus celebrandum esse amplius adstrueret*. Præterea quæ de baptismo hic habentur; coegisse scilicet Petrum multos baptismum iterum suscipere, quod necessarium eum voluisse significat, aut saltem non omnino superfluum: cum, ut de veteribus Manichæis taceam, de quibus antea dixi, novi certe, sive Albigenes, Petro Vallicernensi teste (4), affirmarent *sacri baptismatis undam ab aqua fluviali non distare*. Sed ut hoc præteream, nihil ibi, unde Manichæos possis agnoscere. Petrus Cluniacensis, uberius ejusdem Hæresis descriptionem instituit, & capita numerat quinque (5) *I. Parvulos infra intelligibilem ætatem constitutos Christi baptismo non posse salvari: itaque cum adoleverant, pervenerantque ad eam ætatem ad baptismum cogebat: II. Templorum vel Ecclesiarum fabricam fieri non debere, fastas insuper subruí oportere: nec esse necessaria Christianis sacra loca ad orandum. III. Cruces sacras præcipiebat confringi, & succendi: IV. Non solum veritatem Corporis & Sanguinis Domini quotidie & continue per Sacramentum in Ecclesia oblatum negabat, sed omnino illud nihil esse, neque Deo offerri debere, decernebat: V. Sacrificia, Oblationes, Eleemosynas, & reliqua bona pro defunctis fidelibus a vivis fidelibus facta deridebat, nec ea aliquem mortuum vel in modico posse juvare, affirmabat*. Neque hic ullus Manichæismi odor; nisi vero malumus Manichæorum propria facere, quæ communia cum aliis habuere, aut quæ ejus sectæ nonnulli Manichæis veluti corollaria addidere. At eodem pacto permiscebimus sectas omnes, & erunt Manichæi Pelagiani; nam convenisse in multis, Augustinus ipse (6) animadvertit. Quod de Petro Bruis dixi, idem valet in Henrico, quem in iisdem erroribus im-

(1) *Histoire des variat.* lib. XI §. 36. *bus.* Tom. XXII. *Bibl. PP.* edit. Lugd.
 (2) *Num.* 75. (3) *Lib. 2. Intro.* pag. 1034.
 ad Theol. (4) *Cap. 2.* (6) *Lib. 2. contr. duas epist. Pelag.*
 (5) *Præfat. Tractat. advers. Petro-* *cap. 2.*

immoratum, pariter Cluniacensis tradit; quosque addidit, pauci sunt, & fere similes, ut quem unum ipse commemorat, & ex Cluniacensi Baronius (1), *Irrideri Deum canticis Ecclesiasticis*. Non sunt ergo aut Petrobusiani, aut Henriciani Manichæi. Manichæismi characteres hi fuere; ut vel rerum assererent duo Principia, vel si unum creatorem faterentur, dicerent tamen a Diabolo visibiles res distinctas esse sive perfectas; quod ex Vener. Moneta præsertim cognovimus (2). Atque hinc, quod Diaboli opus caro esset, conjugia damnabant, aut illorum conjugium dumtaxat admittebant (quod Eckbertus (3) tradit) qui Virgines conveniunt; nec ipsi tamen salvi esse poterant nisi aliquando segregarentur: hinc etiam carne vesci & lacte vetitum. Non dico simul hæc extare debere; præsertim cum studiose hæc illi occulerent (quod inter Manichæismi characteres ponendum esse censuit Bossuet (4);) sed aliquid tamen eorum semper emanat, vel observatione Hæreticorum disciplinæ, & loquendi usus extunditur. Hinc qui Petrobusianos & Henricianos Manichæos esse negavi, Manichæos facio Colonienfes Hæreticos, adversus quos egit S. Bernardus *sermone* LXV. & LXVI. in *Cantica*. Mabillonius (5) hos ab Henricianis aliquantum diversos fatetur. vult tamen ex eadem radice produsse; imo ex Tanchelini officina. Fateor me hic quoque viro docto assentiri non posse. Catharos eos dicendos, atque eos esse Catharos ipsos, contra quos eodem ferme tempore Eckbertus pugnavit sermonibus illis suis, prorsus mihi persuadeo, credoque daturum me indicia non obscura. Primò ipsi quoque, quod Mabillonius adnotavit, conjugium damnabant, excipiebantque illud quod Virgines inibant. Hoc sermone I. de Catharis suis narrat Eckbertus; quod quidem sermone V. affirmat esse ex doctrina Hartuvini. II. *Persuasum habent*, ait Bernardus (6) de Colonienfibus quos oppugnat, *potestatem se habere quotidie in mensa sua Corpus Christi & sanguinem consecrandi, ad nutriendum se in Corpus Christi, & membra*. Eckbertus vero de snis (7): *Ab uno viro qui de angustiis vestris exierat unam talem sapientiam vestram audiui; corpus vestrum, Domini est, & Corpus Domini facitis quando panem vestrum benedicitis, atque ex eo corpus vestrum reficitis... nusquam tamen hic modus loquendi in scripturis invenitur, ut corpus alicujus hominis quantumlibet Sancti vocetur Corpus Domini.*

III. Quæ.

(1) Ad ann. 1197. num. 13.

(2) Lib. 1. (3) Sermon. 5.

(4) L. all. §. 12. (5) In Præf. all.

num. 78. & ad serm. 66. in Cantic.

(6) Sermon. 66. num. 8. (7) Sermon. XI.

pag. 628. Bibl. PP. tom. 23.

III. *Quare ab illis sua secta Auctorem; neminem dabunt*, ait Bernardus (1); & paulo post (2), *jactant se esse successores Apostolorum, & Apostolicos nominant*. Illi quoque Eckberti neminem sectæ suæ parentem appellabant; Catharos se, *Piphlos*, sive *Tæxerant* dicebant; ac præterea *Apostolorum vitam agere se dicunt*, ait Eckbertus (3); *sed contrarii sunt fidei sanctæ &c.* Prætereo quæ de Hypocrisis, & occultata doctrina uterque narrat de suis, & Bernardum affirmare (4), quos ipse arguit *de insaniam Manichæi præscribere*. Et Colonia quidem Catharos, sive Manichæos extitisse his temporibus non Eckbertus solum, sed alii testantur. Cæsarius refert Hæreticos ibi quosdam deprehenso, atque igne damnatos; inter hos verò Virginem egregia forma, quæ flammis erepta, in eas ultro se injecit. Eandem Historiam narrat Godefridus in Annalibus (5), atque expresse Hæreticos eos *Catharos* appellat, atque anno rem consignat MCLXIII. Cæsarius vero cum unum ex eorum dogmatibus fuisse dicat (6), *quod rusticus quilibet in mensa sua & de pane suo, quo vesceretur, conficere potest Corpus Christi*, se nimirum, corpusque suum; nonne Catharos eosdem subindicat quos Eckbertus atque Bernardus significarunt?

VI. Redeo ad Albigensum dogmata; quæ quidem, si, cum Waldensibus, qualia initio eorum fuisse conferantur, dicenda sunt prorsus diversa fuisse: si Petrobusianorum, sive Henricianorum secta, cum secta Albigensum & novorum Manichæorum componatur; aliæ prorsus æstimandæ sunt. Nihilominus & Waldenses postea se in Albigensum labem demisisse videntur, & Albigenfes Manichaica sua, Petrobusianorum & Henricianorum fœcibus exornasse. Quod facile profecto fuit. Nam de Petri Hæresi, Cluniacensis (7); *A Septimania vestra, vobis persequentibus expulsa, in Provincia Novempopulana, quæ vulgo Gasconia dicitur, & in partibus ei adjacentibus sibi foreas præparavit*. Henricum vero, in Cenomanensium regionem, cum venisset, atque ibi summum populi odium in Clerum concitasset (ut tradunt Acta Episcoporum Cenomanensium, quæ Mabillonius vulgavit (8)), hinc pulsum ab Episcopo descendisse in Tolosanas terras, eruitur ex S. Bernardo, ejusque vita a Gaufrido scripta (9). Nec vero abnuo, quæ superiori sæculo Hæresum monstra educta sunt, ad Albigensum se cau-

las.

(1) Num. 2.

(2) Num. 8.

(6) Dist. 5. cap. 19.

(7) Præfat.

(3) Serm. 1. pag. 601.

(4) Num. 5.

(8) Tom. 3. Analect.

(9) Lib. 3.

(5) Tom. 1. Scriptor. German. Fre.

cap. 6.

heri edit. Argentor. a. 1717. pag. 336.

tas recepiſſe; Tanchelini dico, quem *Sacramentorum omnium hoſtem* dicit Hugo in vita S. Norberti (1), & *nihil Papam, nihil Episcopos, nihil Archiepiscopos, nihil Presbyteros & Clericos* eſſe affirmat, legitur in Epistoła Traiectensis Ecclesiæ ad Colonienſem Episcopum (2). Præterea Arnaldum de Brixiā, quem poſt Lateranenſe Concilium an. 1139. Italia cedere coactum in Galliam veniſſe, ex S. Bernardo (3) colligitur; dogmata vero ipſius Otho Friſingenſis (4) non hæc ſolū fuiſſe tradit; nec *Clericos proprietatem, nec Episcopos Regalia, nec Monachos poſſeſſiones habentes aliqua ratione ſalvari poſſe; cuncta hæc Principis eſſe, ab eiſque beneficentia in uſum tantum laicorum cedere oportere*: ſed addit præterea; dici, *de Sacramento Altaris, de baptiſmo parvulorum non ſane ſenſiſſe*. Bonaccuſus (5) hunc Arnaldiſtis errorem tribuit, atque reſellit; quod pro malitia Clericorum ſacramenta Eccleſiā dicunt eſſe vitanda.

C A P U T II.

De diverſis Albigenſium generibus, atque nominibus, origine Hæreſis, & propagatione.

I. **A**lbigenſes, uti cujuſcumque ſectæ Hæreticos alios, non eadem ſenſiſſe omnes, etſi per ſe eſt credibile; quòd qui a veritate diſceſſerunt, nec ſibi conſtare perpetuo poſſunt; *dum unusquiſque, ut Tertullianus ſcripſit (6), ſuo arbitrio modulatur, quæ acceperit, quemadmodum de ſuo arbitrio ea compoſuit ille, qui tradidit*; tamen indicare videtur Petrus Vallicernenſis. Eum diximus *Hæreticorum* nomine, Albigenſes de quibus ſcribit, compellare. Ubi ergo Albigenſium communia veluti dogmata expoſuit, ſubdit; *Erant alii Hæretici, qui dicebant, quod unus eſt Creator, ſed habuit filios Chriſtum & Diabolum. Dicebant & iſti omnes creaturas bonas fuiſſe, ſed per filias, de quibus legitur in Genefi, omnia fuiſſe corrupta*. Poſtquam etiam alia, quæ Albigenſibus omnibus tribuit, explicavit; iterum ſubjungit; *Non credimus autem ſilendum quod & quidam Hæretici dicebant, quod nullus poterat peccare ab umbilico & inferius. Imagines quæ ſunt in Eccleſiis dicebant Idolatriam, campanas eorum tubas demonum affirmabant. Item dicebant, quod non peccabas quis gravius dormiendo cum matre vel ſore ſua, quam cum quali-*

(1) Ap. Bolhand. ad d.6. Jun.

(2) Ibid. (3) Epiſt. 195.

(4) Lib. 2. de reb. geſt. Frider. c. 20.

(5) Vit. Hæret. tom. 13. Spicil.

Dacher. vet. edit. pag. 85.

(6) De præſcript. cap. 42.

qualibet alia. Albigenſium diverſa, ut dixi genera, hæc fue-
re; quod Auctor ipſe in *Prologo* (ut inſcribitur apud Tiſſie-
rum) ad Innocentium III. teſtatur, ſcribens; *In prima autem ha-*
jus operis parte breviter tango de ſectis Hæreticorum, & quali-
ter Provinciales infidelitatis lepra infecti fuerint a temporibus
retroactis &c. Unde ſciant, qui lecturi ſunt, quia in pluribus
huius operis locis Tholoſani & aliarum civitatum & caſtrorum
Hæretici & deſenſores eorum, generaliter Albigenſes vocantur:
eo quod alia nationes Hæreticos Provinciales, Albigenſes conſue-
verint appellare. Atque hinc quidem, illud primò capimus
emolumenti, quod non eſt exiſtimandum, qui eodem unius ſe-
ctæ nomine compellantur, eadem proſus eſſe ſecutos; ut ſi
alia alios dixiſſet, Hiſtorici narrent; labet continuò veterum Scrip-
torum fides. De Chriſto Domino quam diverſa, ac plane
contraria Manichæi ſentirent, ſuperius attigimus. Verùm hic
denuo manum iniecit Beaufobrius (1), & Manichæos eòdem
omnes, non in diverſa abire compellit. Quamobrem quod Au-
guſtinus Manichæos aſſerat, Chriſtum intellexiſſe ſerpentis no-
mine, qui Evam decepit, turpiter hallucinatum, aut aperte
mentitum putat. Cur? Quia Agapius, atque apud Epiphanium
Tyrbo Chriſtum faciunt non ſerpentem ſed arborem ſcientiæ,
quæ in Paradifo fuit. Nos quidem conciliari iſta poſſe aliquan-
do putabamus perlevi unius, vel alterius litterulæ transmuta-
tione in Epiphanio & Photio, legentelque τὸν ὄπιν loco τὸ φύρον;
habebamus vero iſtius emendationis hanc cauſam, quod magis
ſibi cohærere Epiphanii orationem, quo dogma ex Tyrbone
hautum repetit, arbitrabamur: non dubitabamus vero, ſi Epi-
phanius corrigendus eſſet, eſſe etiam Photium, qui forte cor-
ruptum Epiphanii locum in eo Manichæorum dogmate eſſe iſſe-
rendo ſpectaſſet, Agapiumque ſuum ita explicafſet. Eſt autem
hic Epiphanii locus (2): Porro lignum illud, quo bonum di-
gnoscitur, ipſemet Jeſus eſt, ſive ſcientia, qua in hoc mundo re-
ſidet; quam qui accipit bonum a malo diſcernit. Viades ut iſte
quicquid rectum eſt diſtorquere ſtudeat, cum Apoſtolus diſerte cla-
met ac prædicet, „Timeo ne ſicut ſerpens decepit Evam aſtutia ſua
ita corrumpantur cogitationes veſtra & caſtitate & ſimplicitate
in Chriſtum,“. Quid cum ligno illo hic ſerpens; quid ad il-
lud reſellendum Apoſtoli hic locus, niſi pro ligno legamus ibi
ſerpentem? Sed mſs. codicum ope deſtitutus vereor antiquis
Scriptoribus manus inferre; & ex Manichæorum diverſitate,
ut dixi, tota hæc controverſia decidi poteſt. Ceterum Hære-
tici

C

(1) Tom. 2. pag. 453. (2) Hæref. 66. num. 54.

tici illi, quos primo loco designabat Vallicernensis iidem sunt, aut eis omniuo similes, quos Catharorum alterum genus facit Vener. Moneta, describitque initio libri 1. & 11. (1), & ex eo Argentrè (2); qui unum principium ponunt, sed qui duos filios habuerit, alterum malum, alterum bonum. Quos secundo loco descripsit, Runcarii fuere, de quibus Reinerius (3); *Runcarii in magna parte concordant cum Patarinis, nisi quod dicunt, quod a cingulo deorsum non committatur mortale peccatum, quia Dominus dicit, quod ex corde procedunt fornicationes; unde omnes abominationes etiam contra naturam.* Atque hos quoque inter Catharos fuisse computatos, ibidem innuit Reinerus, & Pilichdorffius (4). Catharorum vero in numero collocandos Albigenfes constare omnino debet.

II. Interim de nominibus dicemus Albigenfium diverfis, Provinciales primò dicti fuere; a loco nimirum in quo Hæretici degebant. Et quamquam ab anno mxcvi., ut ex Urbani II. litteris constat, in quibus Raimundus vocat *Comitem Tolosanorum, Ducem Narbonæ, & Marchionem Provincie*, Provincia distingui a Tolosano Comitatu, & Narbonensi Ducatu videatur; tamen bene Hadrianus Valesius (5) admonuit; Petro huic Historico, totam terram Comiti Tolosano subjectam, nimirum Septimaniam totam, & partem Aquitanix, ac Provincie inter Druentiam & Iſaram uno & communi nomine *Provinciam*, incolas *Provinciales* esse. Ab Innocentio quidem in litteris, quas Petrus Vallicernensis (6) recitat, reprehenditur *prava generatio, & perversa Provincialium*, ac deinde; *huiusmodi siquidem pestilentes Provinciales non tam jam nostra diripere, sed nos perimere moliantur.* De Provincia tamen Auxitana, sive Novempopulana loqui tantummodo videtur. Sed, utcumque sit, rem certam facit Prologus, quem laudavimus, Petri Vallicernensis. Secundò fuit aliud nomen, quo *Boni homines* vocabantur. Testis est Concilium Lumbariense, quod adversus Albigenfes esse coactum omnes fatentur. In eo enim primis statim litteris hæc habentur (7); *Anno ab Incarnatione Domini mclxv. talis diffinitiva sententia lata est super altercatione & assertionem, &que impugnatione fidei Catholica, quam expugnare nitebantur quidam qui faciebant se appellari boni Homines; ac deinde Interrogavit Lodovensis Episcopus eos, qui faciunt se nuncupari boni Homines jussu Episcopi Albiensis &c. Ego Gaucelinus Lodovensis Episcopus*

ex

(1) Pag. 5. & 109. (2) Tom. 1.
collect. Judicior. pag. 47. (3) Cap. 6.
(4) Cap. 12.

(5) Notit. Galliar. pag. 458.
(6) Cap. 8. (7) Collect. Hard.
tom. 2. p. 2. col. 1643.

ex praecepto Albienſis Episcopī adſeſſorumque ejus, judico iſtos, qui vocant ſe bonos Homines Hæreticos eſſe. Petrus Vallicer-
nenſis (1) de Albigenſium fautore præcipuo Comite Tolofano
narrat; cum quædam die quæretur ex eo, cur cum tanta ſeſſina-
tione ſe faceret deportari, cum tam graviffima infirmitate labora-
ret, reſpondit miſer; quia non ſunt Boni homines in terra iſta,
inter quorum manus poſſim movi: Hæretici enim a fautoribus ſuis
boni homines vocabantur. Subdit aliud ab eodem Comite dictum;
Scio me exheredandum fore pro bonis hominibus iſtis. Populicanos
appellatos, qui poſt arma iſſis illata dicti ſunt Albigenſes, con-
tendit Argentre (2): cui quidem non magnopere repugno;
cum conſtet hoc nomine illos fuiſſe appellatos, qui Hæretici
in Gallia atque in Gaſconia maxime invaleſcebant. Ms. cod.
apud eundem Argentre Radulphi Cogeshalenſis Monachi, qui
Philippi Auguſti ætate ſcripſit; *Temporibus Ludovici Regis Fran-
cia, qui genuit Regem Philippum, cum error quorundam Hære-
ticorum, qui vulgo appellantur Publicani per plures Gallia Pro-
vincias proſperperet &c.* Guillelmus Neubrigenſis (3); *iſſem die-
bus erronei quidam venerunt in Angliam ex eorum, ut creditur,
genere quos vulgo Publicanos vocat. Hi nimirum olim ex Ga-
ſconia, incerto auctore habentes originem &c.* Monachus Altif-
ſiodoreſis (4); *Illorum, quos Puplicanos, vel Catharos, vel Pa-
ſberinos Populicanos vocant: hæreſis execranda, quæ Chriſti abne-
gat ſacramenta per id tempus, clam quidem pluribus in locis ir-
repperat, ſed palam in Gaſconia maxime populos occupat. Ve-
rum ſi rem ſubtilius aliquanto æſtimemus, hoc nomine, qui
tunc erant Manichæorum labe infecti, omnes appellati videntur,
itaque appellat Philippopoli degentes Villharduinus (5); atque
in Ludovici VII. epiſtola ap. Freherum (6), & (7) Duchefnium
legitur; Archiepiſcopus Remenſis H. frater tuus nuper in Flan-
driarum terram proſectus, ibi invenit homines depravatos erroris
peſſimi ſeſſitatores, in Manichæorum lapſos Hæreſim, qui vulgo Po-
pulicani vocantur. Decretum vero Lateranenſis III. (8) *Quis
in Gaſconia, Albegeſio, & partibus Tolofanis & aliis locis, itæ
Hæreticorum, quos alii Catharos, alii Paterinos, alii Publicanos,
alii aliis nominibus vocant, invaluit damnata perversitas &c.*
Publicanos ergo, ſive Populicanos, ſive etiam Poplicanos du
Cangius (9) dictos putat Paulicianos, quos ſuperius diximus*

C 2

Mani-

(1) Cap. 4. (2) Tom. 1. Judic. pag. 81. obſervat. 1. (3) Lib. 1. de reb. Franc. (4) Cap. 27. (5) Tom. 3. p. 2. Coll. Hard. col. 1683. (6) Ad Villard, an. 1181. (7) Num. 108. (8) To. 1. pag. 341.

Manichæos fuisse. Alia quæstio est de *Albanensibus*, utrum hoc nomen idem valeat ac *Albigenses*. Nam S. Antoninus (1) ubi id tradidit, quod ante cum multi; *Fuerunt tres sectæ Hæreticorum, scilicet Albanensium, Bagnolensium, & Concordensium, qui in multis erroribus eorum pessimis conveniunt, licet in paucis discordent. Hi dicunt quod sunt duo principia &c.* subdidit; *Nota quod isti Albanenses sunt Albigenes: contra hos Albigenes misit Innocentius III. &c.* Idem subindicare videtur Guido de Perpiniano, postquam Catharorum errores recensuit, narrans de erroribus eorum, qui sunt de *Correrio* (2), atque aliorum de *Barulo*, tum de hæresi *Albanensium*, cui subijcit hæresim *Valdensium*; alios enim esse, quos *Bagnolenses & Concordenses* vocavit Antoninus, lectis eorum dogmatibus constat. Atque harum trium sectarum, quæ in plerisque conveniebant, nomina alibi ita exprimuntur, ut non *Albanensium*, sed *Albigensium* illa dicatur. Extat præclarum Peregrini Prisciani monumentum de *Armanni Pungilupi* erroribus, quod Ludovicus Antonius Muratorius produxit (3), atque ex eo Cl. Ricchinius, ubi hæc habentur; *Et quoniam in Hæresim Bagnolensem Armannum prolapsus fuisse, testes superscripti affirmant, idcirco necessarium duximus, Hæreses ipsius capitula, & errores, brevissime tamen, scribere... non prætereuntes & eisdem fere temporibus tres viguisse sectas, Albigensum scilicet, illorum de Bagnolo, & illorum de Concoretio.* Deinde in quibus hæc conveniant (sunt autem fere in omnibus) siglis designat A.B.C. Rem hanc decedit omnino Reinerus cum in ea summa ampliori, quam Gretserus edidit, tum in breviori, quam in lucem primo emisit Martene (4) deinde Argentre (5). Nam Hæreticorum sectas sive sectarum nomina recensens, hæc scribit (6) *Sectæ Catharorum divisa est in tres partes, sine sectas principales; quarum primi vocantur Albanenses, secundi Concorezenses, tertii Bagnolenses; & hi omnes sunt in Lombardia. Ceteri vero Cathari, sive sint in Tuscia, sive in Marchia, vel in Provincia, non discrepant in opinionibus a dictis Catharis, seu ab aliquibus eorum.* Paulo post Catharorum Ecclesias numerans hæc habet (7); *Sunt autem XVI. omnes Ecclesia Catharorum.... quarum nomina sunt hæc; Ecclesia Albanensis vel de Sensano, (in breviori summa sive de Donzenacho) Ecclesia de Concorezo; Ecclesia Bagnolensium, sive de Bagnolo,* (in

(1) Summ. Theol. Part. IV. tit. XI. cap. 7. (tom. 4. col. 596. edit. Veron. a. 1740.) (2) Summa de Hæres.

(3) Antiqu. med. æv. tom. 5. dis-

sert. 60. pag. 94. (4) Tom. 5. Anecd. col. 1759. (5) Tom. 1. coll. jud. pag. 48. (6) Cap. 8. pag. 32. edit.

Greif. (7) Pag. 35.

(in brev. *Bajolensium* sive de *Bajolo*) Ecclesia *Vicentina* vel de *Marchia*. Ecclesia *Florentina*; Ecclesia de *Valle Spoletana*; Ecclesia *Francia*; Ecclesia *Tolosana*; Ecclesia *Carthagensis* (in brev. *Carcassensis*, *Albigensis*), Ecclesia *Albigenis*; Ecclesia *Sclavonia*; Ecclesia *Latinorum* de *Constantinopoli*: Ecclesia *Græcorum* ibidem; Ecclesia *Philadelphe Romaniole*; Ecclesia *Bulgaria*, Ecclesia *Dugranicia*. Et omnes origines habuerunt a duabus ultimis. Primi, scilicet *Albanenses*, morantur *Veronæ*, & in pluribus civitatibus *Lombardiæ* ... Illi autem de *Concorezo* sunt fere per totam *Lombardiam* ... *Bagnolenses* morantur in *Mantua*, *Brixia*, *Bergomi*, & in Comitatu *Mediolanensium*, sed pauci, & in *Romaniole* ... Ecclesia de *Marchia* nihil habet *Veronæ*, sed sunt circiter 150. Ecclesia *Tolosana*, & *Albigenis* & *Gharbagenis* cum quibusdam, quæ olim fuerunt, ut Ecclesia *Auscensis* (in brev. *Agenensis*) quæ fere destructa est, sunt fere 300. Ecclesia *Latinorum* in *Constantinopoli* sunt fere 50. Item Ecclesia *Sclavonia*, *Græcorum Philadelphe*, *Bulgaria*, & *Dugranicia* sunt omnis gentis simul. Addit, de propriis opinionibus *Catharorum*. *Albanenses* divisi sunt in duas partes in opinionibus contrariis, & diversis. Unius partis caput est *Gelesmanse* (in brev. *Belasimanza*) *Veronensis* eorum *Episcopus*, & hunc sequuntur plurimi antiquiores, & pauci juvenes ejus sectæ. Alterius vero sectæ caput est *Jo. de Lugduno Bergomensis* eorum filius major & ordinatus *Episcopus*: & hunc e contrario sequuntur juniores & pauci antiquiores. Et ista pars satis est major quam prima. Prima pars tenet opiniones antiquiores; quas omnes *Cathari* antiquiores habebant in annis Domini currentibus 1230. Sigillatim peculiare horum opiniones recenset, ac denique (1); Ultimo nota, quod *Cathari* Ecclesiæ *Tolosana* & *Carthagensis* (in breviori summa) Ecclesiæ *Tolosana*, *Albigenis*, & *Carcassensis*) tenent errores *Gelesmanse*, & *Albanensium*, & Ecclesia omnes *Catharorum* de ultra mare, quas ultimò scripsi similiter. Nulla vero Ecclesia *Catharorum* concordat in omnibus cum *Catharis* Ecclesiæ de *Concorezo*. Ecclesia *Francia* concordat cum *Bagnolensibus*; illi vero de *Marchia Tervisina*, *Tuscia*, & *Valle Spoletana* concordant cum *Bagnolensibus* in pluribus, quam cum *Albanensibus*, sed paulatim trahuntur ab *Albanensibus*. Fusiùs hæc descripsimus ex *Reinero*, quod multa inde colligere in rem nostram, atque etiam emendare nonnulla aliorum liceat. Et est *Reinerus*, cui vel propter eruditionem, vel propter pietatem fidem adhiberi, eruditissimi viri ju-

jubent (1). Peritissimum certe earum rerum esse oportuit ; cum fuerit eorum Antistes, sive Episcopus, ut cum Leander (2) & Sixtus Senensis (3) appellant. Ipse se *Heresiarcham* vocat (4) quod non Hæresis auctorem semper significat, sed fautorem præcipuum, vel qui principem locum inter Hereticos habet: quare matrem Comitis Fuxi *Heresiarcham maximam* appellat Petrus (5). Hoc sensu atque hac significatione occurrit apud eundem *Heresiarcha Balduinus* (6), atque initio Historiæ; *vicinæ urbes & oppida radicatis in se Heresiarchis, infestebantur mirabiliter & miserabiliter peste ista*. Obiter hoc monui, quod Glossariorum illorum Auctores præterierit. Ex Reinero ergo emendandus est primò Du Canguis, qui (7) *Bagnolenses* Hæreticos dictos vult a Bagnolo oppido Provinciæ *Bagnols*. Italos omnes, sive in Italia fuisse eas sectas, significat aperte Reinerus. Itaque *Bagnolenses* malo a Bagnolo ad Lenzam fluvium, ubi habet Leander (8); uti *Albanenses* ab Alba Pompeja. *Concordenses* sive, ut aliquando appellantur *Concorezenses*, & Guidoni, qui nomina hæc omnia transformat *Correerius*, dici a Concordia Lombardiæ oppido, consentit idem Du Canguis. Deinde constat ex eodem Reinero Albanenses ab Albigenisibus alios & diversos esse, si homines ita nuncupatos, aut urbes spectes, unde nomen habuerunt; si vero dogmata atque errores, quibus infecti sunt, ferme eosdem fuisse. Atque inde, opinor, hos illi Scriptores nominant, horum doctrinam exponunt, nec de Albigenisibus, quos eadem profiteri noveant, cogitarunt.

III. Sed præcipuum illud ex Reinero colliges, Catharos fuisse Albigeneses, & Catharorum dogmatibus imbutos, idest Manichæorum. Ex veteribus quoque Manichæis quosdam *Catharistas* fuisse appellatos idest *mundatores vel purgatores*, qui execrabili quodam modo substantiam divinam, quam in Eucharistia sumebant, purgarent, testis est S. Augustinus (9); qui etiam ibidem perhibet, Manichæos Dei substantiam, quam alimentis putant esse commixtam, existimasse purgari eo genere vitæ quo eorum Electi vivunt. Atque eandem nominis hujus rationem in novis his Manichæis fuisse, recte omnino Cl. Bossuetus (10) arbitratus est. Paulo aliter nominis hujus causam explicare videtur Synodus

Atre-

(1) Sixt. Senens. Bibl. Gretser. Prolegom. cap. 4. Echard. tom. 1. Bibl. pag. 154. Martene tom. 5. Thef. Anecd. vol. 1779. Argentré tom. 1. pag. 46. &c.

(2) V. Echard. (3) L. all.

(4) In summ. ap. Martene.

(5) Cap. 44. (6) Cap. 3. (7) In Glossar. (8) Leander Alberti It. I. pag. 364. edit. Venet. 1568. (9) De Hæresib. ad Quodu. cap. 46.

(10) Histoir. des variat. tom. 1. lib. XI. n. 22.

Atrebatensis (1); Remensis vero a. 1157. (2) repetere ex eo videtur, quo conjugium damnabant; sic enim habet Titulo de Piphilis; *Quoniam imparissima Manichæorum secta tergiversatione lubrica sub specie religionis, apud imperitissimos se occultans, simplicium animas perditum ire molitur, & per abjectissimos textores, qui sepe de loco fugiunt ad locum, nominaque commutarunt, captivas ducunt mulierculas oneratas peccatis; . . . flatuimus, ut quoniam inter sacrilega nefandaque quibus non inquinare solum, verum etiam inficere Ecclesiam conantur, conjugium, quod a Domino institutum, sanctumque est, ut quasi puriores mundioresque valeant apparere, impudenter damnant &c.* Catharos hos esse liquet ex Eckberto (3), *Hos nostra Germania Catharos, Flandria Piphles, Gallia Texerant ab usu texendi appellat.* Atque ex eodem habemus, in Catharis quos confutat dogmata fuisse ferme omnia quæ de Albigenisibus Cæsius, & Petrus Vallicernensis narrabant; ut illud de Corpore Christi Domini; *etsi magnitudinem Alpium in se contineret, jamdudum a comedentibus consumptum fuisset.* Eckbertus enim narrat (4); *vir quidam nostri temporis, qui infamatus erat, quod de Catharia vestra gustasset, cum interrogaretur in extremis suis, an vellet dari sibi Corpus Domini, dixisse memoratur; si esset illud Corpus Domini tantæ quantitatis, ut esset petra Erenberti, jamdudum esset consumptum.*

IV. Atque hæc de Catharis quæ persecuti sumus, pertinent ad Albigenisium originem inveniendam. Si *Albigenisium* nomen velis, serius hoc auditum est, neque apparet in Concilio Lumbariensi a. 1176. celebrato, ut vulgo creditum est, ut alibi dicemus. Hæreticos dico; nam *Albigenes equites*, & *Albigensem urbem*, etsi non apud antiquissimos sive Geographos sive Historicos; multo tamen ante hanc ætatem invenes (5). Si homines vero ipsos Hæreticos eorumque dogmata quæras, sunt in Gallia vicinisque regionibus suo nomine antiquiores. Et Hæreticos quidem illos, de quibus modo ex Cæsario & Godefrido diximus, ex Catharorum secta fuisse etiam animadvertimus, id est eorum qui ad has regiones postea venientes Albigenes dicti sunt. Hujusmodi etiam Hæretici illi, quos S. Bernardum refutasse narravimus, atque ex Evervini etiam Abatis litteris (6), constat confedisse Coloniae. Addas Eckbertum, quem modo nominabamus. Jam vero Coloniam venisse Catharos de Flandria partibus Godefridus

(1) Soicll. Dach. tom. 12.

(2) Ton. 7. ampliss. collect. Marten. pag. 72. (3) Serm. 1. adv. Cathar. tom. 23. Bibl. PP. pag. 601.

(4) Serm. 11. pag. 629. (5) V. notitiam Galliarum Hadrian. Valesii pag. 10. (6) Vol. 1. oper. S. Bern. ex recens. A. Mabill. col. 1490.

fridus testatur. Atque in Flandria, sive in vicino Belgio fuisse antea hujusmodi Hæreticos, testis est Synodus Atrebatensis (1), in qua hæc habentur; *Anno Domini Incarnationis mxxv. Indictione viii. Domino Gerardo Ecclesiam Kamaracensis, seu Atrebatensis urbis regente, quodam annua observationis more contigit, ut . . . idem Praesul per aliquot dies stationem in sede Atrebatensi facere deberet. ubi . . . relatum est ei, quosdam ab Italia finibus viros eo loci advenisse qui quamdam novæ hæreseos sectam introducetes, Evangelica atque Apostolica sanctionis disciplinam pervertere tentabant, & quamdam justitiam præferentes, hac sola purificari homines asserebant. En Catharorum nomen; Catharorum vero dogmata sequuntur; Additur enim, & Sacramenta omnia eos respuere, legitima connubia execrari &c. de erroris vero auctore; illi referunt, se esse auditores Gandulphi cujusdam ab Italia partibus viri. Ergo hæc labes in Gallias ex Flandria, in Flandriam ex Italia profluxisse videri potest. Et Italiam quidem, veluti hæresum sentinam, unde in Galliam præcipue sparsæ sint, multi accusant: in quibus Mabillonius ex Italia etiam Henricum, Petri de Brui sectatorem deducit. Nam, ubi ejus itinera persequens, Lausanæ invenit, nihil habens aliud, unde reliquam ejus viam colligere possit, subdit (2); *Et fortasse Lausanam venerat ex Italia, ex qua ejusmodi facies in partes Gallicanas transmigrarunt, reliquæ Manichearum.* At quodnam profert atque habet suspicionis suæ argumentum? quod nimirum ita sint illi Cameracenses Hæretici ex Italia advehi qui a. 1025. damnati sunt in Synodo Atrebatensi. Albigensem Hæresim ipsam ex Italia in Galliam irrupisse, decernit, elegantissimus Gallicæ Historiæ Scriptor P. Daniel (3), ex eo nimirum, quod Glaber Ropulphus scripserit (4); *Tertio de vicesimo infra jam dictum millesimo anno reperta est apud præfatam Aurelianensem urbem cruda nimium atque insolens Hæresis . . . Fertur namque a muliere quadam ex Italia procedente, hæc insanissima hæresis in Galliis habuisse exordium.* Quin ex ipsis Italis Scriptoribus Ludovicus Antonius Muratorius, relato hoc testimonio Glabri, (5) concedere idem videtur; quod præterea ex Landulphi senioris (6) historia habeatur, jam a. 1040. in Castello Montisfortis diocesis Taurinensis ab Heriberto Archiepiscopo Mediolanensi Manichæos hæreticos inventos fuisse. Verum aliud longe est, Hæreticos in aliquam regionem venisse, & infecisse etiam Hæresi*

ali-

(1) Spicil. Dacher. tom. 13. pag. 2.

(2) In præf. ad op. S. Bern. num. 73.

(3) Hist. Philipp. Aug. ad a. 1208.

& in V. Robert. ad a. 1017. (4) Lib.

3. cap. 8. (tom. 4. Scriptor. Franc.

Duchesn. pag. 32.) (5) Tom. 5. antiq.

med. æv. diss. 60. pag. 83. (6) Lib.

2. cap. 27. (tom. 4. Script. Ital. p. 88.)

aliquos; atque aliud, ex illis, primo veluti ex fonte Hæresim ipsam repetendam; ita ut non earum regionum alii aliunde hauserint. Ex Flandria sive ex Belgio irrepere potuisse in Gallias, aut ex Colonienſi urbe vidimus, atque id ſignificare Cæſarium: imo ſi antiquiora monimenta excutiamus, antequam Aurelianum afferretur ab Itala muliere, Manichæorum Hæresim in Gallia conſediſſe reperiemus. Illud enim factum narratur a. 1017. At Ademarus Chabannensis in Chronico, ubi res geſtas a. 1010. expoſuit, narrat (1) *Paucos poſt tempore per Aquitaniam inventi ſunt Manichæi ſeduccentes plebem, negantes baptiſmum & ſanctæ Crucis virtutem, & quicquid ſanæ doctrinæ eſt, abſtinentes a cibis &c.* Deinde multis interjectis illud idem Glabri de Aurelianenſium Hæreſi & Liſoi ſupplicio refert (2), de Itala tamen muliere tacet. Ergo ante illud tempus erant in Gallia Manichæi. Sed rem ipſam attentius conſideremus. Hæc Manichæorum, ſive Catharorum hæreſis quæ in Gallia his temporibus invaluit, *Bulgarorum Hæreſis* appellatur. Monachus Altiffiodoreſis in Chronologia (3) de Philippo Auguſto, atque ipſa Hæreſi Albigenſium; *Hæreticos quos Bulgaros vocant vehementer ſtudit inſectari Per idem tempus Bulgarorum Hæreſis execranda, errorum omnium ſex extrema multis ſerpebat in locis, tantò nocentius, quantò latentius. Sed invaluerat maxime in terra comitis Tolofani & Principum vicinorum Quocirca de Conſilio Domini Papæ, Cifterciensis Abbas, alique Abbates circiter XIII. delegantur &c. & ad a. 1201. Eurandus miles, quem Henricus Nivernenſis Comes terra ſua præfecerat, hæreſis illius quam Bulgarorum vocant coram Legato arguitur Idem iuſdem verbis in Chronico Matthæus Paris ad a. 1236. Circa dies autem illos invaluit Hæretica pravitas eorum qui vulgariter dicuntur Paterini & Bulgares in partibus tranſalpinis . . . adeo quod fidei puritatem in finibus Francia, & Flandriæ auſi ſunt perturbando violare. Sed diligenti miniſterio, & indefeſſa prædicatione Minorum & Prædicatorum &c. Hic Bulgares editiones nonnullæ (4) repræſentant: ſed palam eſt, Bulgaros intelligi debere; Ita ad a. 1238. (5) de F. Roberto Ordinis Prædicatorum; *In regno Francorum multos comperis hæretica pravitate maculatos, præcipue tamen in Flandria . . . ipſos autem nomine vulgari Bugaros appellavit, ſive eſſent Paterini, ſive Joviniani vel Albigenſes . . . Ipſemet enim Robertus memoratus antequam habitum Religionis ſuſcepiffet Bugarus extiterat.* Idem iuſdem verbis*

D

Guil-

(1) Tom. 2. nov. Bibl. ms. Labbæ Altifs. (4) Londin. 1640. pag. 429. pag. 176. (2) Pag. 181. (3) Robert. (5) Ib. pag. 482.

Gulielmus de Nangis in Chron. ad a. 1207. (1). Historia Francorum ms. ap. Ducangium (2) ad a. 1223. de Philippo Aug. *Envoja son fils en Albigeois pour destruire l'Hereſe des Bougres du pays*. Alia Gallice scripta monumenta præferre hoc nomen, testatur in Bearnensi Historia (3) Petrus de Marca; qui etiam explicat eam vocem, idest Hæresim qua Bulgari erant infecti, Nam Petrus Siculus Paulicianorum, idest Manichæorum qui in Armenia erant consilium declaras; *ab ipsismet*, inquit (4), *impiis & delirantibus cognovi, quod e suo Conciliabulo missuri essent qui in Bulgaria quoscunque possent a Catholica religione ad suam execratam & nefariam sectam averterent*. Executos esse consilium suum, colligi ex Reinerio potest, qui inter Ecclesias Catharorum numerabat Bulgariæ, & Dugraniciæ. Ubinam terrarum Dugranicia sit, quærunt multi, nec sane interest scire; & si augurari licet *Dragovintiam* interpretarer, quam apud Codinum legit Ortelius, creditque Thraciæ Præfecturam, quæ sane erit Bulgariæ proxima. Sed Reineri verba maxime attendenda sunt, quibus Catharorum omnes Ecclesias a duabus ultimis, idest Bulgariæ & Dugraniciæ origines habuisse dicebat. Ergo & Albigenſis, quam supra memoravit. Bene ergo constant omnia, & Bulgarorum nomen, quod Albigenſibus, sive Albigenſium Hæresi tribuitur, & Rainero auctoritas. Addo & rei per se spectatæ rationem. Ut enim Petrus de Marca adnotavit egregie (5); cum Franci Sæculo XI. Hierosolymā potiti essent, & XIII. Orientale imperium fundassent, maximum erat inter Francos, Bulgarosque commercium; cum horum regio terrestri itinere Constantinopolim versus jaceret. Nihil autem fuit facilius, quam & errores quo infecti erant haurire. Et ante quidem ea tempora idest Sæculum XI. nullum Manichæorum hæresis aut in Gallia, aut in Italia, aut in toto Occidente vestigium. Patet ergo, si in re dubia conjecturis agendum est, Manichæorum sive Catharorum Hæresim non in Galliam ex Italia, sed ex Gallia profectam in Italiam; adeoque Albigenſium originem ex eorum Francorum, qui cum Bulgaris commisti sunt, erroribus esse aliquando repetendam. Sed de nominis ipsius *Albigenſium* origine erit fortasse qui quærat, a quam civitate sint nuncupati. Hoc

Reve-

(1) Tom. XI. Spicil. Dacher. vet. edit. pag. 484. (2) Gloss. v. Bulgari.

(3) Lib. 8. cap. 14. pag. 728.

(4) Pag. 3. edit. Rader. (5) *Le Manichéisme avoit esté introduit en France des les tems du Roi Robert; mais cette impiété y fut prouvée*

au moyen de la communication, que les François eurent avec les Bulgariens, depuis la conquête de Jerusalem: cette region se trouvant sur le chemin de terre vers Constantinople.

Reverendis. P. Antonini Bremond Ordinis Prædicatorum Generalis Magistri, eruditioni, ac diligentiae debemus, ut ab Alba Augusta, a qua multi arcessiunt hoc nomen, *Albigam*, seu Albiam, quæ *Alby* vulgo appellari solet, distinguentes, ab altera hac, non vero a prima, ut nonnulli fecerunt, derivemus. Sed totum hoc fuse atque ita accurate in Ordinis Prædicatorum Annalibus, qui nuper elegantissimi prodierunt, pertractatum est (1), ut nihil addi possit: ubi, & illud quæsitum est, quare ab hac potissimum civitate nomen invenerint Albigenes. Accedimus vero sententiæ, quæ ibidem laudata est, quod magna eorum in Albigeni tractu multitudo esset olim, ideo de iis tollendis serio cogitatum. Nec tamen nou sunt aliis aliarum regionum, sive oppidorum nominibus insigniti. *Tolosates* vel *Tolosanes* vocatos, ostendunt Maurini, qui Occitanie historiam percripserunt (2). Agenenses etiam vocatos liquet ex Roberto de Monte, qui ad a. 1178. scribit; *Hæretici, quos Agenenses vocant, & alii multi convenerunt circa Tolosam male sentientes de Sacramento Altaris, & de conjugio & de aliis Sacramentis; ad quorum confutationem Petrus Legatus Romanus & multa alia religiosa Persona cum prædicatoribus convenerunt, & parum profecerunt.* Ita in probatioribus editionibus (3). Agennensem nimirum urbem infecerant, ut Radulphus Ardens (4); *Tales sunt hodie, fratres mei, hæretici Manichæi, quia sua hæresi patriam Agennensem maculaverant.* Itaque imperite nonnulli emendare maluerunt *Albigenes*.

V. Atque hic quidem locus postulat, ut de propagatione hujus hæresis tandem dicamus. Valebit enim ad alia eorum Hæreticorum nomina internoscenda. Et Cæsarius quidem *in tantum Albiensium errorem invaluisse* dicit (5), *ut in brevi intervallo temporis infecerit ad mille civitates*, additque; *& si non fuisset gladiis fidelium repressus, puto quod totam Europam corrumpisset.* Horum civitatum aliquæ erant ita populosæ, ut in ea quæ *Biders* (Biterre) vocabatur *plusquam centum millia hominum* esse dicerentur. In Concilio Lateranensi, uti superius monuimus, dicuntur Hæretici, qui Albigenes fuisse nonnullis videntur, invaluisse in *Gascunia, Albe gesio, & partibus Tolosanæ & aliis locis.* Bernardus Guidonis in Vita Innocentii III. (6) narrans Cistercienses adversus Albigenes allegatos, *in terram Albigenium, & in Tolosanum, & in Carcaffesium* transmissos ait, atque iterum postea *Albigenes Tolosa-*

D 2

(1) Pag. 86. (2) Tom. 3. pag. 554.
(3) In collect. Pistorii Script. German. tom. 1. pag. 663. de la Barre Histor. Christi. pag. 471. &c. (4) Ser-

mon. Domin. ocl. post Trinit.

(5) Dist. 5. cap. 31. (6) Tom. 3. Script. Murator. pag. 481.

Iosanos Carcaffonenses nominat: idemque Almaricum filium Simonis Comitis Montisfortis, cui cesserant regiones hæresi infectæ atque armis expugnata, resignasse dicit Regi Franciæ *Comitatum Tolosanum*, totamque terram aliam, quam Pater suus, & ipse habuerat adquisitam & sibi datam in *Agenesio*, & *Albigeso*, *Caturcino*, & *Carcafeso*. Tolosanus & Conforanensis Episcopi Romam venerunt, ut Petrus Vallicernenfis habet (1): *Supplicaturi Domino Papa, ut periclitanti in Narbonensi Provincia, & Bituricensi, & Burdegalensi pro pace Ecclesiæ, ut quasi penitus naufraganti manum porrigat adiutricem*. Guillelmus de Podio Laurentii in Prologo Historiæ suæ; *Cum inter hæc quæ gesta referuntur ab annis c. circa, inter hæc nostra maria in Europa illud valde dignum memoria sit habendum, quod ceptum pro fide Catholica defendenda, & pravitate Hæretica extirpanda in Provincia Narbonensi, & Albienfi, Ruthenensi, Caturcensi, Agennensi diœcesibus, & quibusdam terris ultra Rhodanum Domini Comitis Tolosani*. Egressam tamen hos etiam fines hanc Hæresim testatur Matthæus Paris ad annum 1214. (2) *Circa dies istos. Hæreticorum pravitas qui Albigenfes appellantur, in Vvasconia, Arumpnia & Albigeso, in partibus Tolosani & Aragonum regno adeo invaluit &c.* Non facile est, quæ regio sit *Arumpnia* divinare; quæ quidem non longe ab Albia sive Tolosa fuisse videtur. Suspicionem *Arverniam* ita nominasse. Suspicionis hujus meæ causam dedit Aimoinus; nam in descriptione ejus Aquitaniæ, lego; *Secundum quam traditionem in Aquitania continentur urbes egregiæ Narbona, Arunnias, quæ nunc Clarus mons vocatur, Cadurx, Tolosa &c.* ita in editione Parisiensi recensente Jacobo de Breul (3), etsi in aliis quibusdam (4) reperitur *Arvernus*. Si ergo *Arunnias* urbs erat *Arvernus*; quin & *Arvernu* regio *Arunnia*, sive illi consueto pronuntiandi modo *Arumpnia* diceretur? Ceterum ex eo habetur & in Aragoniam penetrasse hanc pestem, quod factum puto cum in Raimundi Comitis Tolosani auxilium idest Albigensum Rex Aragonum venit. Verum de Hispania ab Albigensum Hæresi attentata, testis est luculentissimus Lucas Tudenfis, libris tribus adversus Albigenfes scriptis, ubi (5) & Legionem quid conati sint falsorum miraculorum opera, tradit. In Angliam pervasisse, multi narrant, præsertim Anglicani Scriptores, ut Henricus de Knyghton ad annum Innocenti III. 5. (6) *Albigenfes Hæretici venerunt in Angliam, quorum aliqui comburebantur vivi*. Verum

maxi-

(1) C1p. 9. (2) Pag. 241. edit. London. a. 1640. (3) Paris. 1603. p. 7. (4) Tom. 3. S.riptor. Duchesa. p. 5.

(5) Lib. 3. cap. 9. § tom. 25. Bibl. PP. pag. 244. (6) Inter Script. Angl. Tuyden col. 2418.

maximā eorū multitudo Galliæ incubabat; atque apud Petrum Vallicernensem, ut vidimus, Provinciæ nominantur Narbonensis Bituricensis, Burdegalensis; apud Guillelmum de Podio Laurentii, Provincia Narbonensis; Diœceses vero Albiensis, Ruthenensis, Cadurcensis, Agennensis; in litteris Innocentii III. Provincia appellabatur Auxitana. Supervacaneum est admonere; apud hos Provincias non Civiles sed Ecclesiasticas nominari; item Diœceses illas in Narbonensi provincia nequaquam fuisse. Albiensis antequam Metropolis esset, quod Innocentio XI. factum est, in Bituricensi provincia erat, ut legitur etiam in Notitia, quam ex Regio codice Holstenius edidit; atque in eadem erant, ut ibidem habetur, Ruthenensis, & Cadurcensis, quæ Albiensi Episcopo nunc subduntur; in Burdegalensi vero Aginnensis. Auxitana Provincia, quæ Aufciensis nunc appellari solet, Episcopatus habebat Aquesem, Convenarum, Conseranensem, qui in Albigensum Historiam sæpe nominantur, eosque nunc habet. Metropoles nunc quoque sunt, Narbonensis, Bituricenses, Burdegalensis; subdunturque Narboneusi, Episcopatus Biterrensis, Carcassonensis, Monspelienfis, Lodovensis, Uceticensis, pariter in hac historia celebres; quamquam Uceticensem urbem, & Episcopum Petrus Vallicernensis Uticensem sæpius nominat; & Uticensis quoque dicitur in laudata Notitia. De Narbona vero ipsa, hoc vel ex nostra Historia constat, Archiepiscopo jus in eam fuisse. Atque eum quidem Narbonensem fuisse Ducem ajunt ad Sæculi XI. finem, dum Tolosanus Dux Raimundus de S. Ægidio titulum jusque illi auferre voluit: Archiepiscopos tamen in ea se possessione tenuisse ad nostra hæc tempora constat ex Innocentii III. litteris, atque ex Vallicernensis Historia (1). Itaque Narbonenses Vicecomites sæpius occurrunt. Aymericus *Dei gratia Vicecomes Narbona* subscribit Diplomati S. Ludovici (2). Aymericum *Dominum Narbona* nominat Petrus Vallicernensis (3). Ita & apud eundem (4) *Raimundus Rogerii nomine Vicecomes Biterrensis*; atque alibi (5) *Vicecomes Biterrensis Raimundus Rogerii qui apud Carcassonam tenebatur in palatio in infirmitate laborans defunctus est*. Bernardus Guidonis, sive Auctor Vitæ Innocentii inter Scriptores Muratorii (6) *Rotgerius seu Raimundus Rotgerii Vicomes Bitterrense, & Carcassone nepos Comitum Tolosani*. Primorum Vicecomitum Biterrensiū origo non satis in aperto est. Petrus Raimundus Vicecomes Biterrensis apparet a. 1040. item Carcassonensis. Carcassonam pertinuisse postea

(1) Cap. 81. pag. 657. (2) Ap. Duchesne. pag. 816. (3) Cap. 17. & 76.

(4) Cap. 6. (5) Cap. 16. (6) Tom. 3. pag. 481.

postea ad Reges Aragoniæ; testatur Petrus Vallicernensis non uno in loco (1).

VI. Sed ut ad regiones revertamur, quas Albigensum Hæresis pervasit, principem earum urbium Petrus facit Tolosam (2) *Hæc Tolosa*, inquit, *tota dolosa a prima sui fundatione, sicut asseritur, raro vel unquam experta hujus pestis, vel pestilentie detestabilis, hujus hæreticæ pravitatis, a patribus in filios successore veneno superstitione infidelitatis diffuso*. De Biterrensi urbe postea (3); erat autem Biterris civitas nobilissima, sed tota veneno hæreticæ, pravitatis infesta: & de Carcassona (4) *cives etenim Carcassonenses pessimi erant Hæretici, & peccatores coram Domino nimis*. Sed infinitum foret singula oppida aut castella: enumerare; cum frequentissimas fuisse eas regiones omnino constat ex Albigensum Historia Petri Vallicernensis, & ex Guidonis epitome ejusdem (5), sive ex Innocentii atque Honorii III. Vita nomine ejusdem Bernardi (6). *Et in Albigeni quidem territorio* Petrus narrat (7) castrum fuisse nobilissimum quod dicitur *Castra quasi caput totius territorii Albigenis*. Itidem aliud castrum nobilissimum appellat *prope Albiam nomine Lumbers*. Alibi (8) in eodem territorio Albigeni *Castrum Rabatense nominatur Monsacutus, Galliacum, Causacum, S. Marcellus, Guepsia, S. Antoninus*; sex hæc postrema Comes Tolosæ Raimundus abstulerat hoc tempore Vicecomiti Biterrensi, nimirum Raimundo Rogerii, Comitis Tolosani nepoti (9). His alibi cum recensentur (10) a Petro Monacho additur castrum de Grava. In diocesi Tolosana ibidem hæc collocantur Podium Laurentii, quod alibi (11) vocat *castrum Podii Laurentii*, additque; *erat autem Podium Laurentii quoddam nobile castrum tribus leucis distans a Vauvo in diocesi Tolosana*: premiserat ejus Dominum fuisse Sicardum; item Casser, S. Fœlix, Mons-Ferrandus, Avinio, S. Michael, Cuc (quod aliàs (12) Mons-Cuc dicitur) & Saverdunum. Alibi Apamiæ (13) circa Carcassonam, præcipuum oppidum Albigensum, & in hac historia celeberrimum (14) *tria castra munitionissima* collocantur (15) *in quibus*, ait Petrus Vallicernensis, *habitabant tunc temporis præcipui fidei nostræ inimici*. Minerba hoc quoque in historia celeberrimum (16), castrum Finarum, Cabaretum (17). In territorio Caturcensi quod (18) magna

(1) Cap. 16. 47. & c. (2) Cap. 1.

(3) Cap. 16. (4) Cap. 16.

(5) Histoire des Comtes de Tolose. par Catel. pag. 37. App. (6) Tom. 3. Script. Ital. Murat. pag. 480. & 568.

(7) Pag. 575. tom. 5. Script. Duchesne. c. p. 22. (8) Pag. 601. c. 54.

(9) Ibid. (10) Pag. 609. cap. 58.

(11) Cap. 53. (12) Pag. 615. c. 63.

(13) Cap. 24. pag. 576. (14) Vid. cap. 16. pag. 570. (15) Pag. 474. c. 20.

(16) V. cap. 37. pag. 583.

(17) V. cap. 23. pag. 575.

(18) Cap. 55. pag. 602.

gna saltem ex parte Comiti Tolosano parebat terras fuisse multas idem Petrus indicat (1) nominatque Caslutium. In territorio Aginnesi Marmanda (2) Penna (3) &c. Nihil necesse est recensere singula. Illud hic adnotare non pigebit, postremum hoc castellum Penna, ita a Petro vocatum, intelligi debere in Vita Innocentii, Guidoni tributa (4) ubi legitur; *Anno eodem Domini prætaxato MCCXII. nonis Junii castrum pene Agennensis fortissimum a Comite Simone Montisfortis cum exercitu crucefiguratorum in manu validu obsidetur, & post plurimos insultus & conatus bellicos castrum capitur & obtinetur in festo S. Jacobi Apostoli.* Hoc enim totum narrat Petrus (5) concluditque; *Anno igitur Incarnati Verbi 1212. mense Julii in festo S. Jacobi, ejectis adversariis, recepit Comes nobile castrum Penna.* Omisimus tamen quod erat præcipue commemorandum, quod valeat aliquid ad Albigenis Historiam illustrandam Arrium, sive Castrum Arrii. Meminit hujus Petrus Vallicernensis (6) Britones tendentes ad Comitem venerunt ad Casellum nomine Arrii, quod adhuc erat Comitibus Tolosa, in territorio Tolosano. Sæpius apud eosdem Castrum novum de Arrio nominatum invenitur; quod mortuo Simone Comite Montisfortis, Comiti Tolosano redditum narrant iisdem fere verbis Guillelmus de Podio Lanrentii (7) & Auctor Vitæ Honorii nomine Bernardi Guidonis (8); *Vacillante igitur terra casibus inopinatis satis post paucos dies Castrum novum quod dicitur de Arrio redditur Comiti Tolosano:* quin etiam solemnibus illa Amalrici, filii Simonis Montisfortis inauguratio in militem facta est, convenientibus Episcopis, & Principibus viris, ut Petrus Vallicernensis docet (9), *apud Castrum novum Arrii.* Atque idem castellum postea præcise nominatur *Castrum novum*; Comes autem quia tempus æstivum erat; & quia Castrum novum non poterat competenter capere tantam multitudinem, eò quod jam semel, vel bis fuisset destructum &c. Quo quidem ex loco atque ex historia ipsa patet; hoc nimirum esse castellum illud, quod antea fusc obsessum fuisse narraverat (10), & post acerrimum conflictum atque illustrem victoriam ad S. Martini arcem, obsidione liberatum (11). Itaque omnino liquet, celeberrimum in Albigenis Historia esse. Verum quorsum tam multa de illo, & quid lucis hoc asserre Historiæ nostræ potest? Mirum vide-

ri po-

(1) Ib.

(2) Bernard. Guid. in Vit. Honorii III. ad a. 1219. (3) Cap. 63. p. 616.

(4) Ad a. 1212. pag. 482. Script. Murat. (5) Pag. 619. cap. 63.

(6) Cap. 40. (7) Cap. 31.

(8) Tom. 3. Scriptor. Murat. p. 568.

(9) Cap. 70. (10) Cap. 56.

(11) Cap. 58.

ri solet, miratique sunt viri docti; Albigenſes nonnunquam apud veteres ſcriptores, Arrianorum nomen obtinere. Non nego perverſe faltem aliquos de Chriſti perſona & divinitate ſenſiſſe. Id ex Moneta (1) cognoscere ſatis poſſumus. Addo, alios ut Gulielmum de Podio S. Laurentii in *Prologo*, ejuſque Epitomen Bernardi Guidonis, & Auſtarium Aquicinctinum a Miræo cum Sigeberto editum, cum Manichæorum, Valdenſium, Cataphrygum etiam erroribus, numerare, atque his adſcribere ſimul Arrianorum. Verum Arrianos præciſe atque ablolute vocari, quis non miretur? Atqui, ut ſileam ceteros, ita vocantur ab Hovedeno, qui Concilio Lumbarienſi adverſus Albigenſes coaſto titulum hunc præfixit (2) *Hæreſis Arriana ejuſque damnatio*; Arrianam verò Hæreſim ſæpius deinde vocat. Et Baroniſ quidem Concilium hoc ex Hovedeno eodem producturus ſcribit (3); *Hoc item anno detecti ſunt Hæretici Tolofates ſive Abienſes dicti, Manichæis potius quam Arianis affines, licet Ariani nominati inveniantur*. Du Cangius in Gloſſario *V. Arriani*, ab illis antiquis hos diverſos fuiſſe fatetur, licet eodem nomine nuncupentur. Equidem ita diverſos exiſtimo, ut nominis quoque ratio in utriſque ſit longe diverſa. Ut id ſuſpicarer monuit me leviuſcula illa unius litterulæ & discrepantia. Nam Arium illum & Arianos ab illo, probatiores libri editi & ms. efferunt; hos autem video omnes *Arrianos* communi conſenſu pronunciare. Ergo non ab Ario homine & Hæreſiarcha, ſed a caſtello Ario diſtos credo. Et a regionibus quidem ſive oppidis, ſectas recentiorum Manichæorum ſive Albigenſium dictas (quod forte inter ſe diſſiderent ſententiis, ſive, quod magis puto, quod non tam quid crederent, quam cui ſe domino deberent, ſpectaretur, atque alios aliàs ſequerentur) probant alia nomina Tolofanorum Hæreticorum, Agénneſium, Bagnolenſium, Concordienſium, Albanenſium &c. de quibus diximus. Si ergo Arrium celebre Comitſ Tholoſæ caſtellum memorant harum rerum Hiſtorici Petrus Vallicernenſis, Guillelmus a Podio, Auctor vitæ Honorii III., quin nos dicamus, quod apud Hovedenum ita ſæpe habetur *Hæreſis Arriana ejuſque damnatio*, ubi Concilium refert Lumbarienſe: & ad a. 1178. *Interim Arriana Hæreſis, quæ damnata erat in provincia Tolofana &c.* non ab Ario Hæreſiarcha, ſed ab Arrio caſtello, quod famoſiſſimum eſt in Albigenſium Hiſtoria dictum fuiſſe? Verum ni hoc ſit aut plane falſum ſi ſit, doceri equidem velim.

C A-

(1) Lib. 2. cap. 3. §. 1. pag. 234.

(2) In Henrico II. pag. 155. Scri-

ptor. rer. Anglic. Savillii edit. Wechel.

a. 1601. (3) Ad a. 1176. num. 3.

*De Albigenſium Hæreſis propugnatoribus, atque
ejuſdem expugnatoribus.*

1. **A**lbigenſium Hæreſis nullum certum auctorem hiſtem-
poribus proferri poſſe, ſuperius admonui, & ex iis
qui de ea ſcripſerunt antiquis probatiſque Auctoriſus ſatis liquet.
Itaque valet in hiſ omnibus quod de Hæreticiſus Colonienſiſus
S. Bernardus (1); *Quare ab illiſus ſecta auctorem; neminem da-
bunt.* Et tamen nonnulli ſunt, qui quod eam in alienas terras
advexerint, vel quod illi propagandæ maxime ſtuduerint, no-
minatim ab iſiſdem Hiſtoriciſus appelluntur. Et primo ſi Albigen-
ſes ſunt Colonienſes illi Hæreticiſus, quos Cæſariuſus narrat, fuit in-
ter eoſ præcipuiſus, & Magiſter ceterorum Arnolduſus. *Sub Ar-
chiepiſcopo Reinaldo, ait Cæſariuſus (2), Colonia plureſ Hæreticiſus
ſunt comprehenſi, qui a litteratiſus viriſus examinati, & viſi, per
judiciuſus ſeculare damnati ſunt. Data vero ſententia cum ducendi
eſſent ad ignem, unuſus illorum Arnolduſus nomine, quem ceteri Ma-
giſtruſus ſuum fatebantur, ſicut narraverunt qui interfuertunt,
panem & pelvim cum aqua ſibi dari petivit &c.* Albigenſeſ autem,
aut Albigenſiſus ſimileſ hoſ fuiſſe, ſuperius diximuſus. In Chroni-
co Jo. Brompton Gerarduſus prætereâ Hæreticorum id genuſ prin-
ceps appellatur; Eodem quoque tempore ait ad a. 1159. (3) quidam
Hæretici Angliam ingreſſi ſunt in univerſo circiter xxx. homineſus,
& ſemina quaſi linguæ Theutonice, quemdam Gerarduſum nomine
aliqualiſus litteratuſus, tamquam præceptorem, & principem, imper-
ti ydota ſequentes. Rex vero ipſoſ in cuſtodia deprehenſoſ inliſcuſ-
foſ vel impunitoſ dimittere nolent, præcepit Epiſcoporum Conci-
liuſum apud Oxoniâ celebrari. Ubi de Fidei articuliſus interrogati,
ille litteratuſus pro omnibuſus una voce reſpondit, ſe eſſe Chriſtianoſus,
& doctrinam ſe velle Apoſtolicam venerari: ſacruſus vero baptiſma,
Eucharistiâ, & conjugiuſus deteſtanteſ aſuſu nefario unanimiter
reſpuerunt. &c. Idem & ſuſiſus aliquantò narrat Gulielmuſus Neu-
brigenſiſus (4), Gerarduſum hunc eorum ducem appellant; duce quo-
dam Gerardo, in quem omneſ tamquam præceptorem ac principem
reſpicebant, Prætereâ Hartvvinuſum ejus dogmatiſus auctorem,
quod illud conjugiuſus ſoluſuſ juſtuſuſ eſt, in quo virgineſ conjuguntur,
& quod unam tantuſum prolem gignere debent, ſuperjuſus ex Eckber-

E to

(1) Serm. 66. in Cant. n. 2. col. 1497. ptor. Angl. Tuiſdeni col. 1050.

(2) Cap. 19. diſt. 5. (3) Inter Scri- (4) Lib. 2. cap. 13.

to (1) narravimus. Sed certiores Albigenſium principes ſive doctores nobis ſufficere videtur Hovedenus, hæc referens ad anno 1178. (2) *Inter hæc pervenit ad aures illorum (qui nimirum ad Arrianam, idest Albigenſium hæreſim exciſiendam miſſi fuerant) quod quidam falſi fratres Raimundus videlicet, & Bernardus Raimundi, & quidam alii hæreſiarchæ transfigurantes ſe in Angelos lucis, cum ſint ſathanae, & chriſtiana fidei contraria prædicantes, multorum animas falſa prædicatione ſua decipiebant, & ſecum traxerant ad inferos. Accuſati vero fuerunt ab iis, qui affirmabant ſe auſiſſe a quibuſdam illorum, quod duo dii exiſſerent alter bonus, & alter malus; bonus qui inviſibilia tantum, & ea quæ mutari aut corrumpi non poſſunt feciſſet, malus qui calum, terram, hominem, & alia viſibilia condidiſſet. . . . Alii autem dicebant ſe auſiſſe ab eis in prædicatione ſua, virum cum uxore non poſſe ſalvari, ſi alter alteri debitum reddat. . . . baptiſmum parvulis non prodeſſe. . . . cum iuramentum tamquam rem execrabilem & a Domino prohibitam abborrerent &c.* Eorum vero condemnationem poſtea ſubdit Hovedenus, & litteras recitat de eo ſcriptas Catholicis a Petro Cardinali Legato. Sed alius eſt apud eundem, ſive in epiſtola quam recitat Henrici Abatis Clarevalleſis, Tolofatium Hæreticorum idest Albigenſium Doctores, quem ita, peccatis exigentibus diabolus excacaverat, ut ſe ipſum Joannem Evangeliſtam diceret, & verbum quod erat in principio apud Deum, ab alio quodam rerum principio, tamquam a Deo altero ſegregaret: atque additur. *Hic erat in urbe illa pereuntium caput, & princeps Hæreticorum.* Erat huic nomen, ut ex eadem Epiſtola habetur, *Petrus Moranus*, cujus poſtea iudicium, & pœnitentia deſcribitur. Serius aliquanto, & miſſis in Narbonenſem Provinciam Prædicatoribus, cum hi veniſſent ad Caſtrum, quoddam Carmanum, invenerunt, ait Petrus Vallicernenſis (3), quemdam Hæreſiarcham Balduinum nomine, & Theodoricum quemdam filium perditionis, & ſtipulam incendi. . . . Iſte de Gallia oriundus, erat quidem nobilis genere, & Canonicus fuerat Niverneſis. Poſtea vero cum quidam miles qui erat avunculus ipſius, & hæreticus peſſimus in Pariſienſi Concilio, coram Oſtaviano Cardinale, & Apoſt. Sedis Legato fuiſſet de hæreſi condemnatus; videns iſte, quod diutius latere non valeret, ad partes ſe tranſtulit Narbonenſes, ubi ab Hæreticis in maximo amore ac veneratione eſt habitus, tum quia aliquantulum ceteris acutior videretur, tum quia gloriabatur, ſe habuiſſe de Francia, ubi eſſet fons ſcientiæ, & Religio-

(1) Serm. 5. adv. Catharos (tom. Inter Angl. Script. Savil.
3. Bibl. PP. pag. 608. (2) Pag. 573. (3) Cap. 3.

ligionis Christianæ, suæ iniquitatis socium, suæ nequitie defensor. Preter hos Bernardum de Cirona alium hæresiarum maximum memorat idem Petrus (1).

II. Sed nemo, cum de Albigensum propugnatoribus aut fautoribus agitur, recensendus est ante Comites Tolosanos, Quare Historiam suam aggressus Guillelmus a Podio S. Laurentii, Comitum Tolosæ progeniem omnem initio (2) explicat. Separatim vero & seorsum de iis egit Bernardus Guidonis (3), sive qui Albigensum ipsam Hæresis historiam, & vitam Innocentii atque Honorii executus est. Et Laurentius quidem orsus est a Raymundo, qui a. 1098. Antiochiæ, & a. 1099. Hierosolymæ expugnationi interfuit. Guido ante hunc nominat Ysauretum sive Ysauretum, Bertrandum, Gulielmum, Raimundum l. de S. Egidio, Gulielmum Talhaferri, Pontium, quem ait Comitem fuisse a. 1060. Aymericum. Brevior eorum historia sive Genealogia, quam ex veteri codice imaginibus eorum insignito Guillelmus Catelus edidit (4) his omnibus præponit Torsinum quem alii Chorsonem vocant; atque hunc ait a Carolo M. accepisse Comitatum. Verum hac de re, & varias scriptorum sententias Catelus (5) explicavit, & diligentissime PP. Congregationis S. Mauri (6), ex quibus alii sua (7). Incidit vero hæc Hæresis in tempora Raimundi illius, qui Genealogiæ illius auctori Comes est xiv., Guidoni hoc Raymundi nomine iv., Catelus vi. numerat. Antea tamen Tolosæ hæresim grassatam, ex iis quæ modo dicebamus liquet; atque illi se Raimundus, Raimundi huius quem diximus pater opposuit, & Cistercienses monachos ad eam suffocandam evocavit. In Gervasii Chronico (8) hæc habentur; *Pullulaverat his diebus in Tolosani Comitibus territorio hæresis maligna, quæ fidem, & Orthodoxorum Patrum Ecclesiastica instituta evacuans, non solum vulgus simplex, sed & Ecclesiæ Dei Sacerdotes, & Episcopos cum principibus laicis tabe consecit nefanda. Ejus hæresis detestanda perversitas in litteris Comitibus Tolosæ facilis poterit agnosci, quas idem Comes generali capitulo misit Cisterciensi.* Subjicit deinde litteras ipsas, in quibus hæc præter cetera in earum fine; *Nunc igitur ad vestrum confugiens subsidium, humili, cordis imploro affectu, quatenus ad extirpandum tantum infidelitatis malum, manum consilii vestri, & auxilii cum virtute orationis porrigatis. Scitote etenim, quia in tantum hæ-*

E 2

resis

(1) Cap. 6. (2) Cap. 5.

(3) In App. Catel. Histoir. des Comt. de Tolos. (4) Ibid. (5) Ib. p. 20. & c.

(6) Hist. de Languedoc. tom. 2.

(7) V. Genealogie Histoir. tom. 4.

(8) Inter Scriptores. Tugd.

col. 1446.

resis virulenta inviscerata manet; quod nisi manu Dei valida, ejusque brachio extento extirpari non potest. Additque; Quoniam igitur spiritualis gladii virtutem nil perficere posse cognoscimus ad tantam hæresis pravitatem extirpandam, oportet ut corporalis gladii animadvertione compellatur. Ad quod peragendum dominum Regem Francorum accersiri vestris ex partibus persuadeo, quia per ipsius præsentiam tanta mala finem suscipere suspicor. Ipsi quippe præsentì civitates aperiàm, vicos & castella sub ejus censura tradam, hæreticos ostendam, & usque ad sanguinem in quocumque nostri indiguerit negotio, ad conterendos hostes, & omnes Christi inimicos illi assilam. Hæc plane eximiam ejus in tuenda fide curam, & diligentiam declarant. Refert vero Gervasius ad a. 1177. Itaque his ea antecessisse videntur, quæ ex Hovedeno modo retulimus, de Concilio habito, Hæreticisque damnatis. Puto tamen illis hæc esse antiquiora. Utcumque; sit cum Raimundus hujus filius paternam Hæreditatem & Comitatum regendum suscepisset, Quasi a primis incunabulis, ait Petrus Vallicernensis (1), semper hæreticos dilexit & fovit, & eis in terra sua habens, quibuscumque modis potuit honoravit, usque hodie etiam, sicut asseritur, ubicumque pergit, hæreticos sub communi habitu secum ducit, ut si ipsum mori contigerit, inter manus ipsorum commuratur: fufe ibidem ejus mores vitamque describit. Hunc cum esse, qui Legatum Pontificium Petrum de Castronovo per satelites suos occiderit, qui armis ad hæreticos suos tuendos contra Catholicos abusus sit, qui simulatione usus cum ad Montilum a Pontificis Romani Legato reconciliationem obtinuisset, iterum arma in Catholicos verterit: quare terris suis & ditione spoliatus ad Franciæ Regem & Pontificem ipsum confugerit; denique a. 1222. subita morte interierit, ex eodem Petro & Guillemo, ceterisque historicis cognoscimus. Et Guillelmus quidem signa quædam penitentia dedisse significat (2); quæ tamen etiam a filio Romano Pontifici significata, ut constat ex diplomatibus quæ Catelus (3) adducit, tamen apud Pontificem, ut sepulturam obtineret, non valuerunt. Huic fratres fuisse duos Talhaferum, & Balduinum Bernardus Guidonis narravit (4). Catelus in antiquis monumentis ejus se fratrem invenisse ait (5) Petrum Raimundum. Sed qui sæpius in Albigenium Historia nominatur est Balduinus, sive Baudonus, ut Guillelmus de Podio cum appellat (6) qui natus, ut idem ait, in Francia & nutritus venit ad fratrem suum, moraturus cum eo: non tamen fuit

ab eo

(1) Cap. 4. (2) Cap. 34.

(3) Pag. 368. 369. &c. (4) In Co-

mit. Tolos. pag. 38. ap. Catel.

(5) Pag. 319. (6) Cap. 12.

ab eo, sicut sperabat, cognitus, nec receptus. Itaque necesse fuit, ut ab iis qui cum noverant, litteras auferret, quibus eum filium demina Constantia matris pradii Comitis & sororis Ludovici Regis Francia testibantur. Ita Raimundus eum retinuit, sed privato beneficio, & honore tamen guerra, quam habebat in Provincia cum Principibus de Baucio, eum proposuit bellatorem. Hunc Monte Ferrando amisso, dedisse se Comiti Montisfortis Simoni, & reconciliatum fuisse Ecclesie, tradit Petrus (1), atque ita laudat; reconciliatus est Comes Balduinus Ecclesie & de ministro Diaboli factus est minister Christi: fideliter quippe se habens toto nisu hostes fidei ab illo die & deinceps expugnavit. Miserum tamen ejus casum, quo in proditorum manum cum venisset, fratris jussu necatus est a Comite Fuxi, filioque ejus, & Bernardo de Portellis, alibi refert (2); quod & Guilielmus de Podio facit (3). Habuit Raimundus filium cognominem: quare ipse Raimundus senior aut vetus a Bernardo Guidone (4), aliisque appellatur, quem genuerat ex Joanna sorore Ricardi Regis Angliæ a. 1197. apud Bellicardum Diocesis Arelatensis, ut testis est idem Bernardus (5) ex Gulielmo nimirum de Podio, qui annum tamen numerat 1196. (6). Raimundus hic junior (7) dictus, iisdem bellis cum patre implicitus, eo mortuo, etsi vi nonnulla ditionis suæ recuperasset paci consensit, atque Ecclesie reconciliatus & absolutus fuit, Cruce etiam suscepta ad transmarinam expeditionem a. 1228. mense Aprili; eratque pietas, virum tantum videre, qui tanto tempore, tot & tantis nationibus potuerat vestitisse, duci nudum in camisia & braccis & nudis pedibus ad altare, ait Gulielmus (8) iisdemque verbis Bernardus (9): Similem ritum quo pater olim reconciliatus Ecclesie fuerat describit Petrus Vallicernensis (10); Adductus est Comes nudus ante fores Ecclesie B. Ægidii, ibique coram Legato, Archiepiscopis & Episcopis, qui ad hoc conveniant plusquam xx. juravit super Corpus Christi, & Sanctorum Reliquias, quæ ante fores Ecclesie expositæ cum magna veneratione & in multa copia a Prælati tenebantur, quod mandatis S. R. E. in omnibus obediret. Mox Legatus stolam ad collum Comitis poni fecit, ipsumque Comitem per stolam accipiens absolutum cum verberibus in Ecclesiam introduxit. Conditiones quibus id impetravit in Actis reperiuntur, quæ Catelus protulit (11): ex quibus etiam

(1) Cap. 54. (2) Cap. 75.

(3) Cap. 23. (4) In Com. Tolof. p. 42. 43. &c. & in V. Honorii p. 368.

(5) Pag. 39. (6) Cap. 5.

(7) Ap. eumd. Guid. pag. 43. & in V. Innoc. III. p. 485. (8) Cap. 39.

(9) Pag. 44. (10) Cap. 12.

(11) Pag. 333. &c.

etiam constat (1) Parisiis in custodia esse voluisse, dùm ejus filia obies Gallix Regis Legatis Carcastonæ traderetur. Cum, suis restitutus a. 1244. *Curiam magnam*, quæ dicitur, Tolosæ tenuisset, atque a. 1245. Lugdunensi Concilio interfuisset, a. 1249.; annos agens 51. v. Kal. Octobr. mortuus est Emiliani (2) (et si nominis cujusdam similitudine, sunt, qui Mediolani mortuum scripserint) relicta unica filia, quæ nupta est Alphonso fratri Ludovici IX. Gallix regis; mortui vero sunt sine liberis a. 1271. *ut videatur*, ait Bernardus Guidonis, *deleta tota illa linea & abraza*. Nomen autem erat filix Comitis Tolosani *Joanna*. Eam natam a. 1221. scribit idem Bernardus (3), Guillelmus verò de Podio (4) a. 1220. quæ quidem diversitas, nescio an ulla ratione excusari aut explicari possit. Etenim non modo Guillelmum, sed & Bernardum Guidonis veteri Gallorum more, idest a Paschate vel ab Incarnatione putasse annos, observarunt diligentissimi Annalium O. P. Scriptores. Et, si quidem is est Auctor Vitæ Innocentii III. & Honorii, quæ apud Muratorium leguntur (5), illud profecto liquet. Nam ex. c. in Vita Innocentii A. mcccxi. prius res gestas narrat Junio mense, dein de mense Februario (6). Dicam tamen, quod observare viros eruditos non pigebit; quæ vitarum illarum titulo Muratorius exhibuit, edita fere omnia jam fuisse a Catel in Appendice ad Historiam suam Tolosatium Comitum alio titulo, *Præclara Francorum facinora, seu Chronicon ab A. D. mcccii. ad A. ejusd. D. mcccxi. Incerto Auctore*; eadem rursus inveniri vulgata a Duchesinio titulo hoc alio (7); *Præclara Francorum facinora varique ipsorum certamina pluribus in locis tam contra Orthodoxæ fidei quam ipsius Franciæ gentes non impigre* (id. impigre) *gesta ab A. D. mccc. usque ad A. mcccxi. quæ vulgo Chronici Simoni Montisfortis nomine designatur, Auctore, ut quidam putant, Petro Lodovensis Ecclesiæ Episcopo*. Sed Bernardum ipsum, more illo veteri numerare annos, negare nolim. Et fieri tamen potuit ut paululum ab aliis dissideret. Non solum enim aliqui a Nativitate, sed alii a Paschate, alii ab Annuntiatione Virginis, sive Incarnatione Christi annos ducebant. Et nostros quidem, idest Albigensum rerum Scriptores Guillelmum & Petrum, omnino existimo (quod in ambiguo alii reliquerunt) postremo hoc modo fecisse; atque hoc colligo ex Statutis hoc sæculo scriptis Ecclesiarum Cadurcensis, Ruthenensis, & Tulen-

(1) V. pag. 338. (2) V. Gulielm. (5) Tom. 3. Scriptor. Ital. de Pad. cap. 47. & 48. (3) Comit. (6) Ibid. pag. 481. (7) Tom. 5. Tolos. pag. 43. edit. Catel. (4) C. 33. Scriptor. Franc. pag. 764.

telenſis apud Martene (1); *Nota quod numerus Lunarum & littera Dominicalis mutatur annuatim in feſto Circumciſionis: anni vero Incarnationis Domini mutantur in terra iſta in feſto Annuntiationis B. Mariæ; & in quibuſdam regionibus in feſto Nativitatis Domini*. Sunt autem ea ſtatuta edita, ut ibidem legitur (2), A. D. MCCCLXXXIX. Ex regionibus, quas poſtremis verbis appellat, erat Delphinatus, ubi annos a Nativitate computatos fuiſſe, docet ejus Hiſtoriæ Scriptor Cl. de Valbonays. Quis autem dubitet Guillelmum his terris ortum, ſive educatum, quem de Podio S. Laurentii ideo dictum arbitror, gentis ſuæ morem fuiſſe ſecutum? idemque valet in Petro Valli-cernenſi, quem pariter eum numerandi veterem modum tenuiſſe, ejus Hiſtoria (3) teſtis eſſet, vivebatque in his regionibus, ut de ſe ipſe prodit (4).

III. Præter Tolofanos Comites, qui Albigenſium Hæreſim præcipue foverunt nominantur in libello a Rege Aragonenſi propoſito Patribus Vaurenſis Concilii; quem libellum Petrus Valli-cernenſis inferuit Hiſtoriæ ſuæ (5). In illo ergo, poſtquam Rex pro Tolofano Comite egit, ſubjicit; *Et quoniam Comes Convenarum nec fuit unquam Hæreticus, nec eorum ſuſceptor, ſed potius impugnator, & ideo terram dicitur amiſſiſſe, quod aſliterit conſobрино & Domino ſuo Comiti Tolofano &c. Item Comes Fuxenſis, cum nec ſit, nec fuerit Hæreticus, pro eo memoratus Rex petit & rogat, ſicut pro conſanguineo ſuo cariffimo &c. Item pro Gaſtone de Bearno Vaſſallo ſuo &c. Ab Hæreſi omnes hi excuſantur; ſed Hæreſim maxime omnium tutatos fuiſſe ex Hiſtoricis conſtat, atque ex iis, quæ Concilii Patres reſponderunt, ſubjecitque idem Petrus. Horum nomina inveniuntur in Actis quibuſdam A. MCCXII. ſcriptis ob eam cauſam: cum ex illis Petrus Aragonum Rex exegiſſet, ut de eorum reconciliatione agere poſſet. Legitur vero in illis, quæ Cate-lus producit (6); *Nos Bernardus Comes Convenarum, & Bernardus filius ejus &c. Nos Raimundus Rogerii Dei gratia Comes Fuxenſis, & Rogerius Bernardi filius ejus &c. Ego Gaſto Dei gratia Vicecomes Bearnenſis & Comes Bigorra &c.* Negotium fa-cceſſit, quod hic exprimitur Comitis Fuxenſis nomen Raimundus, Nam Guillelmus de Podio (7), iisdemque verbis Auctor Vitæ*

(1) Tom. 4. Theſ. Anecd. col. 764.

(2) Col. 764. (3) Vid. cap. 68. & 70. Poſtquam enim res geſtas narravit menſe Februarii a. 1212., referens ea quæ in feſto S. Jſ. Baptiſtæ continuo

facta fuerunt, annum ponit 1212. *Verbi Incarnati.* (4) Cap. 60.

(5) Cap. 66. (6) Pag. 276. 277.

(7) Cap. 34.

Vita Honorii, nomine Bernardi Guidonis (1); *Eodem quoque anno moritur Bernardus Rogerii Comes Fuxi in obsidione Castri Mirapicis; non vulnere, sed magno ulcere praegravatus; subditque Bernardus Guidonis; cui successit filius ejus Rogerius Bernardi*. Contra, Aëtis illis consentit Anonymus in Chronico apud eundem Catelum (2) scribens ad hunc annum idest 1222. *Eodem anno obiit Raimundus Rogerii Comes Fuxi*. Et, si adjecta quidem nomina illa gignendi casu Patrem significarent, res esset expedita; cum filius, Rogerius Bernardi dicatur. Sed profecto videtur, res aliquando aliter se habuisse, nec Patrem semper sed virum aliquem maxime ex majoribus suis illustrem compellabant, quod in nobilissima familia, quæ Ursina deinde est appellata, adnotavit Muratorius (3); ab antiquiore enim Urlo abnepotes etiam dicebantur *ex filiis Ursi*. Malim tamen Guillelmo credere & Bernardo Guidonis; vel quod ita frequentius omnino factum est, quod idem Muratorius (4), & Mabillonius (5) docuerunt, vel quod causa nulla apparet, quod pater *Raimundus Rogerii*, filius vero *Rogerius Bernardi* diceretur. Adnotandum tamen duco, varie aliquando esse idem nomen. Itaque Vicecomes Biterrensis, qui a Petto Vallicernensi appellatur (6) *Raimundus Rogerii nomine*, a Bernardo Guidonis, sive Auctore vitæ quæ dicitur Innocentii (7), *Rotgerius; seu Raimundus Rogerii*; a Nangio (8) *Rogerus de Biterri*: quod, *Rogerus* cognomen fuisse significare videtur. Ceterum Vicecomes hic *Rogerus*, a Nangio *vir perfidus* nominatur, *per cujus nequitiam pestilens error creverat*, a Petro Vallicernensi (9) *nepos Comitis Tolosani, qui sectans avunculi pravitatem in nullo Hæreticos comprimebat*: multo vero gravius Comes Fuxi (10) accusatur ab eodem, diciturque *peffimus traditor, crudelissimus persecutor Ecclesie, Christi hostis*; atque alibi (11) necem Cisterciensium Monachorum per Gulielmum de Rupeforti factam illi tribuit; injecisse etiam manus in Clericos eisdemque in cacerem detrusisse; cædibus grassatum esse in Crucesignatos, eidem objicitur a PP. Vaurenfibz. Filius Rogerius patri *non impar malitia* (12) a Petro vocatur, narraturque Crucesignatos multos per insidias occidisse (13). Comes Convenarum Bernardus nominatur etiam a Bernardo Guidonis, ubi ejus obitum describit (14) *Anno Domini 1225. Mense Februarii obiit Bernardus Comes Convenarum maritus Domina Maria de Monte-Pe-*

(1) Pag. 569. (2) Pag. 161.
(3) Dissert. 42. tom. 3. antiqu. med.
æv. (4) Ibid. (5) De re Diplom.
lib. 2. cap. 7. (6) Cap. 15.

(7) Pag. 481. (8) Ad 2. 1209. &
1214. (9) L. all. (10) Cap. 6.
(11) Cap. 30. (12) Cap. 56.
(13) Cap. 50. (14) Pag. 569.

re-Pesulano quæ postmodum fuit mater Regis Aragonum Domini Jacobi, fuitque sepultus Comes ad Montem Salves. Huic maxime imputatur a Vaurenſi Concilio, quod Comitem ipſum Toſolanum impulſit ad bellum contra Eccleſiam ſuſcipiendum; unde, ait, idem Comes actor per hoc guerræ & malorum, quæ Eccleſiæ multipliciter provenerunt, extitit. Gaſto de Bearno dicitur a Petro (1) homo peſſimus, qui ſemper adbaſerat Comiti Toſolano: obicitur vero a Vaurenſibus PP. venit in auxilium Toſolanorum ad obſidionem Caſtri novi; interfectorem Fr. P. de Caſtronovo Apoſtolica ſedis Legati habet ſecum: ruptarios diu tenuit atque tenet. Alii præter hos Albigenſium fautores præcipui nominantur ſimulque junguntur a Petro Capite xxxvi. Tempore illo Petrus Rogerii dominus Cabareti, & Raimundus Termarum, & Aimericus Dominus Montis regalis, & alii milites, qui Eccleſiæ & Comiti reſiſtebant, mandaverunt Regi Aragonenſi, qui erat in partibus illis, ut veniret ad eos, & conſtituentes illum dominum ſuum, traderent ei totam terram. Primus ita ab eodem alibi deſcribitur (2) Petrus Rogerii inveteratus dierum malorum hæreticus erat & hoſtis Eccleſiæ manifeſtus. Poſtea a. 1210. ut Bernardus Guidonis narrat in vita Innocentii (3); Petrus Rogerii qui erat Dominus Cabareti, quod eſt caſtrum fortiſſimum in Carcaſeſio, timore ductus compoſuit cum Comite Simone, Caſtrumque Cabareti ſibi redidit, & Comes dedit ei terram aliam competentem. Hoc & Petrus Vallicernenſis (4). De altero hæc idem Petrus (5) ubi Caſtrum Termarum deſcribit; Caſtri ſi quidem bujus dominus erat miles quidam nomine Raimundus ſenex, verſus in reprobum ſenſum, & manifeſtus hæreticus; ut ſummatim ejus malitiam exprimamus nec Deum timebat, nec homines verebatur. Narrat deinde (6), cum Divina ope caſtrum expugnatum eſſet, Raimundum hunc a Carnotenſi quodam vili abjectoque homine comprehenſum, traditumque Comiti Montisfortis; qui eum in fundo turris Carcaſſonenſis retrudi fecit, ubi per plures annos dignas pro meritis pœnas & miſerias ſuſtinuit. De Aimerico pariter, qui ab eo dicitur miles, quo in tota terra illa poſt Comites potentior ſibi nobilior nullus erat, refert, primò Simoni Comiti adhæſiſſe, deinde ab eo deſeciſſe. Finis ejus ita a Bernardo deſcribitur (8) A. 1211. . . . Simon Montisfortis Aymericum magnatem nobilem Dominum Montis Regalis & Lauriati, qui caſtrum ſuſceperat defendendum, cum quibusdam nobilibus ſuſpendio elevavit, ceteroſque generoſos pluſquam

F

(1) Cap. 63. pag. 619. (2) Cap. 26.

(3) Cap. 43. (4) Pag. 482.

(5) Cap. 40. (6) Cap. 42. pag. 591.

(7) Cap. 31. (8) In V. Innocen.

pag. 482.

quam 80. gladio consumavis . Geraldum vero dominam dicti castri sororemque dicti Aymerici hereticam proiectam in puteum fecit lapidibus cumulari . Hæc item Petrus Vallicernensis (1) . De Rege Aragonensi iidem multa ; interfuisse colloquio Narbonæ instituto cum Sedis Apostolicæ Legatis (2), ad eum confugisse Raimundum ut auxilia impetraret (3), Tolosam venisse & cum Simone Montisfortis & Apostolicæ Sedis Legato collocutum, atque eas petitiones, de quibus diximus, Patribus Vauri congregatis proposuisse (4), Comiti etiam Montisfortis indixisse bellum (5), qui tamen in Murelli campo celeberrimam victoriam retulit (6) Rege ipso interfecto . De hujus vero matrimonio inito cum Maria filia Guillelmi de Monte Pessulano, ex qua Jacobum, ipsum quoque Regem Aragonum suscepit, in Albigensum Historia Guillelmus (7) . Addere his quamplures possumus, apud eisdem Scriptores, & in Albigensum historia celebres Guillelmum de Rupeforti, quem superius etiam nominavimus; vocatur autem a Vallicernensi (8) *crudelissimus, unusque de peioribus pro posse sue Ecclesiæ inimicis*, & alibi (9) *immanissimus hostis Christi, ferocissimus persecutor*, qui cum Cistercienses Monachos interfecisset sortitus est *sue crudelitatis mercedem . . . non multo post vulnera recipiens infinita* . In ipsa porta Tolosæ a Christi militibus digno pro merito est occisus; Savaricum de Malleone (10), *Apostatarum principum &c.* qui ab eodem appellatur [Nangio ad a. 1203. Savaricus de Malo-leone]; Folcaudum de Belgeno, qui a Guillelmo de Podio dicitur (11) *vir crudelissimus & superbus qui statutum, ut dicebatur, apud se fecerat, ut omnis homo captus de guerra nisi daret centum solidos moreretur*; Joannem ejus fratrem &c. Postremo loco nominandi sunt Archiepiscopus Auxitanus, & Raimundus de Rebastenchs, qui quondam, ait Petrus Vallicernensis (12), *fuerat Tolosanus Episcopus, sed meritis suis exigentibus erat depositus*. Hi missi Romam fuerant a Comite Tolosano, cum illò ad Innocentium Papam venissent Fulco Tolosanus, & Navarrus Conforanensis Episcopi, supplicaturi, inquit idem Petrus, *Domino Papæ, ut periclitanti in Narbonensi Provincia & Biterrensi, & Burdegalensi, pro pace Ecclesiæ, ut quasi penitus naufraganti manum porrigat adjutricem*. Auxitanus sive Ausciensis, erat Bernardus, adversum quem Innocentius III. sæpius scripsit . Ab hoc diversus Auxitanus ille Archiepiscopus qui inter

(1) Cap. 52. (2) Petrus cap. 43.

(3) Cap. 64. (4) Cap. 66.

(5) Cap. 67. (6) Cap. 72. & Guillelm. de Podio cap. 22. Bernardus

Guid. in V. Innoc. pag. 483.

(7) Cap. 16. (8) Cap. 42.

(9) Cap. 30. (10) Cap. 57.

(11) Cap. 33. (12) Cap. 9

ter Crucesignatos recensetur a Bernardo Guidonis in Vita Honorii ad a. 1227. cum Bituricensi & Burdigalensi .

IV. Sed veniendum aliquando est ad ipsos Albigensum expugnatores . Adversus eos, quos modo nominavimus, Comitem Tolosanum ejusque affectas, & Albigenfes excitati sunt Christiani omnes . Summus autem Pontifex, ait Vallicernensis (1), ut ad extirpandam pestem hareticam fideles populos efficere promptiores, generales miserat litteras ad omnes Praelatos, Comites, & Barones, & universum populum in Regno Francia constitutum, monens efficaciter, & exhortans, ut festinarent ad vindicandam in Narbonensi Provincia injuriam Crucifixi, scientes, remissionem omnium peccaminum a Deo, ejusque Vicario universis indultam, qui Orthodoxae fidei zelo succensi ad opus se accingerent hujus pietatis, dummodo contriti essent pariter & confessi . Eos qui Lugduni convenerunt inter alios principes postea nominat (2); Inter eos autem qui ibi affuerunt isti praecipui habebantur Archiepiscopus Senonensis, Episcopus Eduensis, Episcopus Claromontensis, Episcopus Nivernensis, Dux Burgundia Odo, Comes Nivernensis, Comes S. Pauli, Comes Montisfortis, Comes de Barro supra Secanam, Guicbardus de bello joco, Vvilhelmus de Rupibus, Senescallus Andegavia, Gualchenus de Jovinjaco, Guido de Levis, Lambertus de Tureyo . Tempus vero, quo apud Lugdunum convenerunt adnotat A.D. 1206. circa festum S. Jo. Baptista . Senonensis Archiepiscopus Petrus erat de Corbeis . Magister Petrus de Corbolio a Gulielmo de Nangis (3) appellatur, ubi ejus obitum consignat a. 1222; & a. 1199. Petrus de Corbolio quondam Innocentii Papae didascalus . A. 1200. fuerat ad hanc Ecclesiam e Cameracensi Cathedra translatus . Eduensis Episcopus Galtherus hoc nomine II. erat, cui & Innocentii III. extat epistola de Abbatia Eduensi reformanda (4) . Claromontensis erat Robertus d'Avvergne, de quo Albericus in Chronico (5); Apud Claromontem in Alvernia post Episcopum Pontium praefuit Episcopus Sigebertus, & post eum dictus est Episcopus Robertus frater Guillelmi, & Guidonis Comitum Alvernia, filius Comitis Roberti de sorore Ducis Burgundia, de genere Comitum Campaniae . De eo in Epistolis Innocentii saepius mentio : fuere enim ei maximae cum fratre Guidone discordiae . Ab eodem Petro (6) nomine suo compellatur, cum describitur obsidio Montis Grenarii : Interea Comes nobilis Montisfortis castra quae apostataverant

F 2

ipso

(1) Cap. 10. (2) Cap. 14.

(4) Lib. 1. (5) Pag. 418.

(3) In Chron. (tom. XI. Spicil.

(6) Cap. 84.

Dacher. vet. edit. pag. 512.

ipso anno in diœcesi Nemaufensi fortiter impugnabat. Venerant autem in ejus auxilium Girardus Bituricensis Archiepiscopus & Robertus Clarimontensis Episcopus viri potentes, qui anno præcedenti crucem assumpserant contraturbatores pacis, & fidei subversores. Annum præcedentem nominat 1215. Nec tamen, ut ex distis constat, tunc primum crucem sumpserunt; sæpius enim idem faciebant. Nam ut Ecclesiasticam Indulgentiam adipiscerentur satis erat ut quadraginta dies in exercitu morarentur. Hoc idem Petrus sæpius significat; *Archiepiscopus*, inquit (1) *Robertomagensis & electus Laudunensis, & ceteri qui cum eis erant expleta quadragena sua recedere volebant; singulis etiam diebus completa quadragena sua recedebant Peregrini*. Paulo superius; *Peregrini* siquidem qui erant cum eo peracta quadragena sua in exercitu, volebant fere omnes ad propria remeare. Peregrinos hic atque alibi sæpissime ipsos Crucesignatos qui ex alienis terris acvenerant, intelligit: quare ibidem (2) *cum præ paucitate peregrinorum non possemus castrum undique obsidere . . . crescente igitur peregrinorum multitudine occupaverunt dictum montem, venientibusque paulatim peregrinis castrum fere undique obsederunt; & alibi (3) milites peregrini dicuntur*. Quadragena hac expleta, recedere nunc quoque voluisse Claromontensem Episcopum una cum Archiepiscopo Bituricensi, idem narrat; *Circa idem tempus Archiepiscopus Bituricensis, & Episcopus Claromontensis peracto suæ peregrinationis termino, videlicet quadraginta dierum, ad propria remearunt*. Juvit hæc adnotare, quod horum nominum congestores, & Lexicographos hoc præterisse videtur. Episcopum Nivernensem Gulielmum de S. Lazaro multi ob vitæ innocentiam laudant (4). De Duce Burgundia, & Comite Nivernensi meminit sæpius idem Petrus; præcipue cum Comes Montisfortis electus est, qui urbibus expugnatis præficcretur; *Consilium habuerunt Barones ad invicem, ait Petrus (5), quem deberent præficere terræ prædita. Et primo quidem oblatum fuit terræ dominium Comiti Nivernensi, postea Duci Burgundia; sed accipere noluerunt*. Comes tamen Nivernensis, Simone electo, ab expeditione discessit, uti idem habet (6). Postquam electus fuit Comes; statim Abbas Cisterciensis, & ipse

Duce

(1) C. p.63. p.618. (2) Pag.620.

(3) Cap.64. Interea Carcassonensis Episcopus, qui cum quibusdam peregrinis in Castro Marelli remanserat, circa munitionem Castrî ipsius assidue laborabat. Peractis Comes noster in

Wasconia negotiis pro quibus perrexe-
rat, rediit Murellum non enim babe-
bat milites peregrinos, nisi Comitum
Tullensem, & quosdam alios milites
paucissimos. (4) Nangius, Bellovacen-
sis &c. (5) Cap.17. (6) Cap.20.

Ducem Burgundia advenit & Comitem Nivernensem orantes & deprecantes, ut in servitio J. C. dignarentur adhuc aliquantulum commorari. . . . Dux autem Burgundia, utpote benignissimus, benigne deprecantibus acquievit. . . . Comes autem Nivernensis nullo modo voluit deprecantibus obaudire, sed statim ad propria remeavit: non enim bene conveniebant Dux & Comes ille. Maximam partem exercitus cum Comite Nivernensi recessisse, idem addit (2). Aliorum sapius postea idem Petrus, atque alii meminere. Vix tamen occurret, qui inter illos recensetur, Comes S. Pauli. Guidonem eum esse puto, de quo Auctor de Gestis Ludovici VIII. narrans hunc, atque omnes Cruce signatos an. 1226. Avenionem Urbem fortissimam, & quasi inexpugnabilem, ab Ecclesia Romana per VII. annos excommunicationi subjectam propter hæreticam pravitatem obsedisse, subdit; moritur ibidem Guido Comes S. Pauli percussus lapide petrararia, vir armis strenuus, catholicus, & bonus (2). Magna erat fama Comiti de Barro; itaque cum de ejus adventu nuncius allatus esset Simoni Comiti, gavisus est gaudio magno valde; magna enim dicebantur de Comite illo (3). Et obsidioni quidem Tolosa, cum primò facta est, interfuit, ut ibidem testatur: fuit in obsidione illa Comes de Barro, & plures nobiles viri de Alemannia, quod item testatur Bernardus Guidonis in V. Innocentii ad an. 1211. Erat autem in exercitū ejus Comes Barrensis, & multi nobiles de Alemannia. Atque his quidem locis indicatur ex Alemannia eum venisse; Idem Petrus, cum postea Comes militia hujus pertaxus recessit, refert (4); Tunc rogavit Comes nobilis Comitem de Barro, & nobiles de Alemannia, ut irent cum eo, qui omnes concesserunt & se ituros promiserunt. Ire igitur cæperunt, sed, cum venirent prope Castrum novum, Comes de Barro a promissione, quam Comiti fecerat, resiliit. . . . mox quæsit nobilis Comes ab Alemannis si vellent ire cum eo; qui promiserunt, libentissime se ituros. Itaque nihil fere expeditioni huic commodavit. Sed quid illud supra Secanam? A Sequana fl. est? An id adjungitur, ut alius hic de Barro, & homo Gallus significetur? Nil horum mihi constat. Lamberti de Turejo nota est ex eodem Petro historia, quam eo pariter loco narrat; cum Galtero scilicet de Langatone sive Langetona, ut apud Parisium ejus frater Episcopus Cantuariensis nominatur, a Comite Fuxensi captum, atque in teterrimum carcerem detrusum. Guidonem de Levis

Mare-

(1) Cap. 17. (2) Tom. 5. Script. (4) Ibid. pag. 601.
Duchesa. pag. 188. (3) Petrus c. 55.

Marescallum Comitis Montisfortis *virum fidelem & armis strenuum*, Petrus pariter (1) alibi vocat. Guichardus de bello-joco *Imberus de Bello-joco* a Bernardo Guidonis in Vita Gregorii IX. (2) appellatur, & in Vita Innocentii (3), ubi etiam laudatur *vir bellicosus & labori dispositus*. Alibi ejusdem expeditionis focii nominantur (4) Carnotensis Episcopus, Belluacensis Episcopus Philippus, Comes Robertus de Drois, Comes Pontivi, *habentes secum peregrinorum multitudinem copiosam*: parum tamen per eos Christiana res profecit. Laudatur tamen ibidem, *Vir Venerabilis Guillelmus Archidiaconus Parisiensis qui zelo fidei Christiana succensus, totum se pro Christi servitio laboriosis sollicitudinibus exponebat*: atque additur; *Pradica-bat quotidie, insistebat, collectas in sumptum machinarum, ceteraque hujus necessaria sedulitatis officia providus exercebat. Ibat sapissime ad nemus ducens secum multitudinem peregrinorum, & ligna ad usus petrariarum deferri copiosissime faciebat*. Hunc alibi laudat (5); eique jungit Episcopum Carcassonensem, & Archiepiscopum Remensem; *Viri autem venerabiles, & hujus negotii rectores & magistri, scilicet Episcopus Carcassonensis, & Guillelmus Archidiaconus Parisiensis in his, quæ obsidioni erant necessaria, instantissime laborabant*: Archiepiscopus etiam Remensis qui ibi erat *verbum predicationis, & exhortationis sapissime & libentissime peregrinis ministrans, & in his quæ opus erant obsidioni, se humiliter exponens, & sua liberalitate expendens, valde erat necessarius negotio Jesu Christi*. Obsidebant nimirum Castrum Mosayci: qua quidem in obsidione Archiepiscopi Remensis nepotem cum comprehendissent Albigenes, occisi membra ad eos, qui in obsidione erant, projecerunt; idque cum Archiepiscopus vidisset, tanta constantia pertulit, ut eximium ejus fortitudinis exemplum omnes mirarentur. Erat hic Albericus de Humbert ex Archidiaconatu Parisiensi ad eam Sedem vocatus an. 1207., ut Albericus ad h. a. narrat; tenuitque ad an. 1218. . Episcopus Carcassonensis, qui nominatus fuerat, est Guido Abbas olim Vallium Sarnaii, quem sæpe Petrus Monachus ejusdem Monasterii laudat (6) seque ejus nepotem vocat: narrat id præsertim cum de Albia civitate loquitur (7); *Electus autem Carcassonensem erat in civitate illa, & ego cum eo; me enim adduxerat secum de Francia, ob solatium suum, in terra aliena peregrinus, cum essem Monachus, & nepos ipsius*. His
codem

(1) Cap. 56. (2) Cap. 41.

(3) Pag. 571. (4) Pag. 570.

(5) Cap. 63. pag. 620.

(6) Cap. 28. cap. 60. 62. 63.

(7) Cap. 60.

eodem quem supra adduximus loco adjungit Uticensem & Tolosanum Episcopos. Tolosanum, Fulco erat, Abbas olim Grandis Silvæ, atque ad hanc Sedem e Massiliensi translatus, ut præfertur Gulielmus de Podio narrat (1), pulso Raimundo de Rabastens: non enim inducendum esse Bernardum quemdam, quem *lib. 8. Philippidos* inducit Gulielmus Aremorius, ab aliis animadversum est. Uticensis sive Ucticensis Episcopus (*de Uctia* enim se Episcopum nominat Probatius in C. Agathensi an. 506. & *Civitatis Uctia* Firminus in Aurelianensi IV. an. 541. alibi etiam *Castrum Uctiense* invenitur) erat Raimundus hujus nominis IV. ex Canonico Magalonensi erectus ad eam Sedem a. 1212. Alios nominatos invenies eodem loco Archiepiscopum Rotomagensem Robertum, & electum Laudunensem Robertum, & Ingerrannum de Bova. Manassem Aurelianensem, & Gulielmum Antissiodorenses Episcopos præcipue memorat Petrus, qui, *viri*, ait, *per omnia laudabiles & constantes, duo magna, imo præcipua tunc temporis Gallicana Ecclesia lumina, fratres insuper secundum carnem germani, crucem assumpservant contra hæreticos. collectis secum militibus quotquot potuerunt, miro fervore spiritus, & virtute iter arripuerunt contra hæreticos, parati non solum sua expendere, sed & se ipsos, si oportuerit, periculis & morti exponere pro servitio Jesu Christi*: Item Episcopum Parisiensem Ingerrannum de Cociaco, Robertum de Tornaco, Ivellum de Meduana (2). Sed infinitum esset recensere omnes. Albericus hos nominat (3) ad an. 1209. *Crucesignati contra Albigenses proficiscuntur per turmas suas ad visitandum terram provincialem Albigensem, ad extirpandum hæreses varias, quæ in partibus illis pullulaverant, & fidem catholicam pro posse suo confundebant & enervabant. Fuerunt autem hi, qui in pectore erant signati cruce; Albericus Remensis, Petrus Senonensis, Robertus Rotomagensis, Archiepiscopi: Galterus Eduensis, Renaldus Carnotensis, Robertus Bajocensis, Jordanus Lexoviensis Episcopi, Episcopus Lemovicensis, & plures alii Episcopi & persona Ecclesiastica; Odo Burgundia Dux, Hervetus Comes Nivernensis, & multi alii Barones, & milites, & populi infiniti.*

V. Sed nullo modo, qui expeditionis Dux, atque imperator fuit, prætereundus est, Simon Comes Montisfortis. Et eum quidem superius inuimus, expugnatis Biterrensi, & Carcastionensi urbibus, electum esse, qui in eas, quæ Tolosani Comitis fue-

fuerant, dominaretur. Fuisse id narrant Cæsarius (1), Petrus Vallicernenfis (2), & Gulielmus de Podio (3), atque ex his Bernardus (4). Omnes vero mire eundem laudant, Petrus præsertim, hæc de eo inter cætera scribens (5), *Licet aliqui possent reperiri, qui in aliqua ei gratia æquipollerent, audaciter dico, vix aut nunquam reperietur, in quo tanta simul donorum, tam naturalium, quam gratuitorum confluerit plenitudo. Laudatum ab ejus ipso inimico Comite Tolosano, narrat Gulielmus (6). Eundem sacram Palaestinae expeditionem suscepisse, tradit deinde Petrus. Postquam multa prospere feliciterque gessit, cum Tolosam urbem iterum obsideret, dum staret Comes fortissimus cum suis ante machinas suas, ne hostes denuo exirent ad sæpeditas machinas diruendas, ecce lapis mangonello adversariorum projectus percussit in capite militem f. C. qui iclu lethali recepto, pectus suum bis percutiens, Deoque & B. Virgini se commendans, mortem imitatus B. Stephani & ipsius lapidatus in urbe, cum ipso in Domino obdormivit. Hæc Petrus (7) S. Stephani urbem Tolosam vocat, quod Martyri illi princeps sit templum dedicatum. Antea in fluvium delapsus divinitus servatum narraverat (8). Amalricus successor ejus & hæres, ipsius filius (9), a Petro (10) dicitur juvenis bonus & strenuus imitator per omnia bonitatis & strenuitatis paternæ. Non fuit tamen patri felicitate aut gloria par. Itaque videns incolarum terræ inconstantiam, & quod de die in diem in contrarium abirent, terram illustri Regi Franciæ Ludovico resignavit, & in jure suo fecit totaliter successorem.... quam idem Rex tamquam Deo devotus, atque magnanimus acceptavit, collato Constabulatus officio in Francia Comiti Amalrico, quod noverat providum, atque strenuum & expertum in exercitio militari; ut Gulielmus (11), ejusque verbis Bernardus Guidonis scribit (12) ad annum referens 1224. Alter erat Simonis Montisfortis filius Guido, cui dederat uxorem Comitissam Bigorræ, ut latera Comitatus a parte Vasconia roboraret, quemadmodum Gulielmus (13) narrat. Simoni tamen non diu superstes fuisse videtur; nam continuo post illius mortem refert idem Gulielmus (14), factum est una die, quodam insultu cecidit Guido Comes Bigorræ frater Comitis Almarici, & confectus vulneribus expiravit, cujus*

cor-

(1) Diff. 5. c. 21. (2) C. 17. 12. & c.

(3) Cap. 14. (4) In Comit. p. 39. & in V. Innoc. pag. 431. (5) Cap. 18.

(6) Cap. 30. (7) Cap. 86.

(8) Cap. 85. (9) Gulielm. c. 31.

(10) Cap. 86. (11) Cap. 34.

(12) In V. Honorii pag. 56.

(13) Pag. 26. (14) In V. Honorii pag. 568.

corpus decenter curatum, in tabulato purpura cooperto remissit ad fratri suo: quæ more suo descripsit Bernardus (1), ad annum tamen referens 1218. qui est Simonis obitum consecutus. Lapsus memoria videri potest Petrus, cum Guidonem, Comitis Simonis fratrem appellat (2), Comes cum suis militibus obsedit castrum a parte Occidentis... Guido vero frater ejus ab alia parte, scilicet ab Oriente fixit tentoria. Verum alius hic est; & Guidonis quem diximus avunculus, qui nimirum, ut habet idem Petrus (3): cum ipso (Comite Simone) ierat ultra mare, sed redeunte Comite, remansit iste Guido in partibus transmarinis; quia duxerat ibi uxorem nobilissimam de regio semine, quæ erat domina Sidonis. Ergo ad hunc diem in illis transmarinis regionibus cum fuisset, nunc primò memoratur. Inter omnes tamen qui militiæ ad Albigenes excindendos nomen dederunt præcipue commemorandus Ludovicus VIII. Galliæ Rex. Anno D. 1212., ait Bernardus Guidonis (4), in mense Februarii Ludovicus primogenitus Regis Franciæ Philippi, mitissimus juvenis, & bona indolis adolescens signo crucis se consignavit contra hæreticos credentes, & defensores eorum Albigenes & Tolosanos, & ejus amore ac emulatione plurimi milites ejusdem crucis vivifica signum acceperunt, fuitque motionis dies Cruce-signatorum contra Hæreticos præfixus in octabis Paschæ. Sed propter guerras Regis Franciæ iterum suscitatas, oportuit ipsum Ludovicum & Cruce-signatos ab executione ejus propositi triennio retardari. Itaque eam expeditionem postea ipse narrat ad an. 1215. Idem refert Petrus Vallicerneus (5). Nemini vero ignota est acerba Regis ejusdem mors. Nam Rupella capta, aliisque oppidis expugnatis, Avenione etiam accepto in deditionem (6), cum in Franciam reverteretur, apud Montem-Pancerium Alvernæ Castrum obiit an. 1226. tempore autumnali, cujus erat propositum reverti ad terras istas, vere, si viveret, subsequenti, ut ait Gulielmus (7). Addam his Leopoldum Ducem Austriæ, & cæteros, quos Cæsarius memorat. Quod si Gallis insistimus non prætereundus videtur Robertus Malufvicinus, qui a Petro laudatur, miles Christi nobilissimus, vir mira probitatis, perfecta scientiæ, incomparabilis bonitatis, qui a multis annis Christi servitiis exposuerat se & sua, & præcipue negotium istud ardentissime, & efficacissime promovebat. Hic est enim ille, per quem post Deum præ ceteris reviguit Christi militia.

G

VI. Le-

(1) Cap. 63. pag. 618. (2) C. 60. a Pod. cap. 31. 35. &c. (6) Cap. 36.

(3) In V. Innocent. pag. 481.

(7) Cap. 39.

(4) Cap. 68. & 81. (5) V. Gulielm.

VI. Legati Romani Pontificis Albigenſium cauſa miſſi hi ab Hiſtoricis commemorantur . Primò , ut Petrus initio hiſtoriæ ſuæ habet , *Monachi duo Cifterciennes zelo fidei ſuccenſi , F. Petrus videlicet de Caſtronovo , & F. Radulphus auctoritate Summi Pontificis , contra peſtem infidelitatis inſtituti Legati* . Iſdem (1) poſtea jungit *venerabilem virum Arnaldum Abbatem Cifterciensem . Caſarius* (2) , ubi Cruce-ſignatos aliquot nominavit ; *horum omnium* , inquit , *predicator , & caput erat Arnoldus Abbas Cifterciensis , poſtea Archiepiſcopus Narbonenſis* . Brevi tamen priores illi duo mortui ; mortuus eſt Radulphus in quadam Abbazia Ordinis Cifterciensis prope S. Egidium , quæ dicitur Francia Valis (3) ; Petrus vero de Caſtro novo crudeliſſime eſt a ſatellitibus Comitum Toſani occiſus , ut Innocentius III. ſcribit in litteris , quas idem Petrus recitat (4) . In his hæc leguntur ; *Speramus quod præſati hominis Dei mors venerabili fratri noſtro Conſorranenſi Epicoſpo & dilecto filio A. Abbati Cifterciensi Apoſtolica Sedis Legatis . . . non ſolum timorem non incutiet &c.* Littera A. Arnoldum ſignificari , non dubito ; quem diximus Sedis eſſe Apoſtolicæ Legatum . Sed illi addendus Epicoſpus Conſorranenſis , ſive Conſerananſis Navarrus Dacq , quem Legatum fuiſſe Sanmarthani docent . Ex eodem Petro (5) , *miſit Dominus Papa , unum de Collateralibus ſuis Clericis Milonem nomine , virum utique vita honeſtum , ſcientia præclarum , ſacundia diſertum* . Miſſus eſt autem , ut apud eundem (6) ſequitur , *cum dicto M. Milone clericus quidam Magiſter Theodifiſus nomine , Canonicus Januensis , qui ſapedicto M. Miloni aſſiſſeret , & ipſum in expediendo fidei negotio adjuvaret* . Additur ; *Iſte Theodifiſus vir multa ſcientiæ , vir conſtantiæ mirabilis , vir eximia bonitatis , qui bene ſe habuit in negotio Jeſu Chriſti* . Milonis hujus Acta extant inter Innocentii III. litteras , magno noſtræ hiſtoriæ bono (7) . Cifterciensis tamen Abbas Legatus , adhuc memoratur cum Comes Monſfortis militiæ princeps electus eſt (8) ; Theodifiſus vero , cum Comiti Raimundo Roma , quò profeſtus fuerat , redeunti purgatio indiſta eſt criminum duorum , hæreſeos , & necis Petro de Caſtronovo Pontificis Legato oblata . Miſſas tamen de eo litteras a Pontifice Epicoſpo Regienſi in Provincia , & M. Theodifiſo , ibidem Petrus (9) reſert : uterque etiam nominatur , cum obſidio Minerbæ habebatur (10) cumque purgatio eſt indiſta (11) . Arnoldi poſtea jam Narbonenſis Epicoſpi legationis ſæpius

(1) Cap. 3. (2) L. all.

(3) Petr. cap. 6. (4) Cap. 8.

(5) Cap. 9. (6) Cap. 10. (7) Tom.

ex recens. Baluzii pag. 365.

(8) Petr. cap. 17. (9) Cap. 33.

(10) Petr. cap. 37. (11) Cap. 39.

sepius (1) mentio fit, præsertim cum Rex Aragonum postulata illa pro Comite Tolosano & Fuxi aliisque Albigenensium fautoribus proposuit. Post hunc *Magister Petrus Beneventanus Cardinalis Apostolica Sedis Legatus missus a D. Papa*; occurrit apud Petrum (2) & Guillelmum. Eundem postea (3) memorat Petrus; vocaturque Petrus S. Marix in Aquiro Diaconus Cardinalis in litteris Innocentii, quas ibidem recitat. Petrus hic est in Gallica Historia celebris, vocatur vero a Vallicernensi *Legatus sapiens, & discretus*: Comites enim Fuxensem, & Convenarum aliosque reconciliavit (4) *recipiens ab eis non solum juratoriam cautionem standi mandato Ecclesie, sed etiam quadam castra fortissima; quæ adhuc remanserant hostibus*. Anno 1214. Concilium habuisse apud Montempeffulanum, Petrus (5), Bernardus Guidonis (6) aliique testes sunt. Anno superiore, ut apud eundem Petrum legitur (7) *misit Dominus Papa Legatum suum in Francia Magistrum Robertum de Corceone, Anglicum natione, cum multis paribus litterarum, & indulgentiarum, ut sollicitè prædicaret, & prædicari faceret pro succursu terre Hierosolymitana*. Additque, in eo ipsum vehementer instituisse; sed *Prædicatores quoque illos, qui laborabant pro negotio fidei contra Hæreticos sapeditos, eidem negotio abstulit, & fecit eos pro terra sancta negotio prædicare; & ita, quantum ad humanum iudicium, quasi in abolitionem venit negotii fidei contra Hæreticos pestilentes*. Nihilominus id etiam promovisse constat; *fuit enim in obsidione Cassanoli, ut idem habet (8), & laborabat prout poterat, utpote homo bonæ voluntatis ad expugnationem Castri*. Cum tamen id inter præcipuas saltem muneris illi crediti partes non esset, ut hic atque alibi (9) innuitur, vix videtur inter Legatos hos nostros numerandus, etsi aliter Raynaldus decernat. A. 1217. Legatum fuisse Bertrandum Cardinalem ab Honorio III, missum Bernardus Guidonis (10) testatur; atque adfuisse cum Tolosa obsideretur. Hunc quoque memorat Petrus (11), & Guillelmus (12). Alio enim Robertus amandatus fuerat, comes scilicet Cruce-signatorum, qui in Orientem proficiscebantur. Atque illis, cum Legatus is ab Honorio postulatus esset, respondet Honorius, se Legatum misisse Pelagium; hunc vero cum eloquentia valeret mittere ad Dei verbum ipsis ministrandum (13).

G 2

Car-

(1) V. Petr. cap. 66. cap. 73.

(2) Cap. 77. (3) Cap. 82.

(4) V. Petr. Cap. 77.

(5) Cap. 81. (6) In V. Innocen.

pag. 424. (7) Cap. 70. (8) Cap. 79.

(9) Cap. 78. (10) In V. Honorii pag. 568. & 569. & in Comit. Tolos.

pag. 42. (11) Cap. 77. (12) C. 30.

(13) Honor. l. 3. ep. 1.

Cardinalem tit. S. Stephani in Monte Caelio fuisse, ex iisdem constat, eumque alii Curson, alii Curtonum vocant (1). Robertus de Corceone vocatur in C. Parisiensi a. 1212. celebrato (2). Bertrandus, Cardinalis erat tit. S. Georgii in Velabro. A. D. 1221. ait Bernardus Guidonis (3), *mittitur Legatus a Sede Apostolica ad partes Albigenfes & Tolosan* Corradus Cisterciensis Ordinis Cardinalis Episcopus Portuensis: ejusdem Legati meminit Cæsarius (4); Guillelmus quoque (5), narrat eum in subsidium Castri de Penna venisse. Non multo post, anno scilicet 1224: ut Bernardus significat (6), *missus est Legatus ad partes Albigenfes & Tolosan Dominus Romanus S. Angeli Diaconus Cardinalis*: ita in V. Honorii; idemque descriptis verbis Guillelmi de Podio (7) ita eum laudat; *vir magna discretionis acceptus Deo & hominibus atque sufficiens tantis negotiis pertractandis, qui cum Dei auxilio induxit Regem, ut servatum sibi negotium, imperatū sub aliis, ipse assumeret agendum*, Ludovicum scilicet VIII. Ludovico vero Legatum semper adstitisse iidem narrant. Ab eo missus est qui Albigenſium res curaret Abbas Grandis Sylvæ. Sic enim Guillelmus (8), & ex eo Bernardus (9); *Interea venerabilis Abbas Grandisylvæ Dominus Helias Garini venit de Francia auctoritate Legati, pacem offerens Tolosan*. Legatus vero ipse Concilium Tolosæ celebravit (10); *ne autem videretur Legatus, sicut erat vir circumspēctus & providus, omittere aliqua de contingētibz, mandavit inquisitionem fieri contra suspēctos de Hæretica pravitate*, ait Guillelmus (11); addens Legatum Romam revertisse, secum Acta omnia asportasse. Anno D. 1230. procurante consilio Prælatorum, Venerabilis Pater Dominus Clarus Episcopus Carcaffonæ accedens ad Sedem Apostolicam Legatum obtinuit missi ad negotium pacis & Fidei prosequendum virum magnæ probitatis & providentiæ Episcopum Tornacensem; Sequitur apud Gullielmum (12) eundem, ex quo sua, ut moris habet, Bernardus (13). Iidem hujus curam & sollicitudinem narrant. Erat vero hic Walterus de Marvis, qui eam Sedem acceperat a. 1219. tenuitque ad a. 1251. Verum ante ejus obitum, ut subdit Guillelmus (14) (quæ ad a. 1234. refert Bernardus (15)). Exonerato in illis diebus onere legationis Episcopo Tornacensi, subrogatur ei Legatus Venerabilis Pater D. Jo. Archiepiscopus Vien-

(1) V. Ciaccon. tom. 2. pag. 36.

(2) Tom. 6. p. 2. Hard. col. 1999.

(3) In V. Honorii pag. 569.

(4) Cap. 27. dist. 5. (5) Cap. 34.

(6) In V. Honorii III. pag. 569,

(7) Cap. 34. (8) Cap. 39.

(9) V. Gregorii IX. pag. 573.

(10) Guillelm. cap. 40. (11) Ibid.

(12) Cap. 41. (13) In V. Gregor.

pag. 573. (14) Cap. 43. (15) Pag. 574.

Viennensis, nimirum Joannes de Burnino, cujus laudes epitaphio ejus expressas Sammarthani retulere (1). Denique, ut ex Gulielmo (2), & Bernardo (3) habemus: eodem Archiepiscopo *Viennensi* a Legationis officio remoto, mittitur Legatus de latere Summi Pontificis Episcopus Prænstinus in Romana Ecclesia Cardinalis. Bernardus autem id ad a. 1237. referre videtur. Fuit ergo hic Jacobus de Pecoraria dictus, Monachus olim Cisterciensis & Monasterii SS. Vincentii & Anastasii ad aquas Salvias Abbas.

VII. Nunc de iis dicendum quibus prædicatio commissa. Legatos ipsos Petrum de Castronovo & Radulfum hoc etiam munere functos, ex Petro Vallicernensi constat (4), qui narrat *Snasum est Tolosanis sepe, & multum, ut hæresim abjurarent, ut hæreticos relegarent*; atque his ut diximus Arnoldum etiam Abbatem Cisterciensem adjungit (5). De iisdem postea (6) Petro scilicet de Castronovo & F. Radulpho; *qui fuerant Prædicationis in terra prænotata Principes, & Magistri*. Cæsarius; *Missi sunt*, inquit (7), *Abbates ordinis nostri cum quibusdam Episcopis, qui zizania vastro catholica prædicationis eradicarent: sed obsistente bimine inimico, qui hæc seminaverat modicum profecerunt ibi*. Hic tamen credo conjungi quæ ad posteriora tempora pertinent. Quin etiam, an continuò Abbates hi venerint, & quo anno venerint, aut etiam semel an bis, ad fidem Catholicam concionibus tuendam restituendamque in his regionibus venerint; hoc enimvero non adeo facile judicatu est. Verum tota hæc res fuscæ ac diligenter ab aliis, & in recentissimis Annalibus Ordinis Prædicatorum explicata est (8). Nobis quidem, si Petrum ipsum Vallicernensem sequimur, Abbates illi serius aliquanto, idest habità jam in Monte Regali disputatione advenisse videntur; *Celebrata disputatione*, ait Petrus (9) *in Monte Regali, dum adhuc essent Prædicatores nostri apud Montem Regalem, & circumquaque verbum Dei, & salutis monita seminarent mendicarent ostiatim panem suum, supervenit vir venerabilis Abbas Cistercii Arnaudus nomine a partibus Franciæ, Abbates XII. habens secum, qui totius viri Religionis, viri perfectæ & sanctæ scientiæ, viri incomparabilis sanctitatis, juxta numerum Sanctissimorum Apostolorum, Abbate decimotertio, duodecim advenerunt; parati de ea, quæ in ipsis erat Fide & spe omni disputanti reddere rationem. Et hi omnes cum pluribus monachis quos secum adduxerant, omnem sessantes humili-*

(1) Gall. Christ. tom. 1. pag. 804.
vet. edit. (2) Cap. 43. (3) Pag. 574.

(4) Cap. 1. (5) Cap. 3. (6) Cap. 9.

(7) Cap. 21. dist. 5. (8) Ad a. 1205.
pag. 146. & 1207. pag. 170.

(9) Cap. 5.

militem, juxta exemplar quod eis ostensum erat in monte, idest, quod audierant de Episcopo Oxoniense, pedites procedebant. Statim ab Abbate Cisterciense longe lateque singuli dispersi; & assignati sunt unicuique termini proprii, per quos discurrendo predicationi insisterent, disputationibus insudarent. Nec tamen nego Arnoldum Abatem fuisse antea, atque aliquos cum illo. Atque ita explico, quod Guillelmus de Podio, antequam narret disputationem ad Montem Regalem habitam, refert Didacum Oxoniensem & S. Dominicum, aggregatis illis Abbatibus Ordinis Cisterciensis, & aliis bonis viris disputationes habuisse. Nisi malimus, hæc ad posteriora quæ narrat esse referenda. Non enim initio præsertim historiæ suæ Guillelmus temporum rationem sequitur exacte. Levis etiam de numero illorum controversia esse potest. Nam Robertus Autissiodorensis ad a. 1207. iisdemque verbis Guillelmus de Nangis (1) xiv. universim Abates numerare videntur: De consilio Innocentii Papæ Cisterciensis Abbas, aliique circiter xiii. ejusdem Ordinis Abbates delegantur, viri probabiles omnes sapientia, facundia præinstructi, & parati ad satisfactionem omni poscenti reddendam de fide, & pro fide etiam animas ponere non verentes. Egressi igitur de Cistercio mense Maio (Robertus Martio) per Ararim labuntur in Rodanum modicis expensis, equitaturis nullis, ut per omnia viros Evangelicos se probarent. Hæc illi ad annum, ut dixi 1207. addentes, tres menses operam suam posuisse: Per tres itaque menses, urbibus, villis, & Oppidis, multo labore, & insidiis appetiti paucos revocant, paucos fideles repertos de fide certius instruunt, & confirmant. Verum Guillelmus biennium eoque amplius durasse Predicationem testatur (2); Continuato itaque biennio, & amplius hoc labore cum accensum ignem per hanc viam extinguere non valeret benedicti Dei pugiles, attendentes quod res ista altiori consilio indigeret, clamare ad Sedem Apostolicam sunt coacti, & ut capta predicatione remaneret, de ordinandis perpetuis Predicatoribus, est provisum inspirante Domino: & hac de causa sub Beato Episcopo Domino Fulcone Ordo Predicatorum principaliter est exorsus; quorum Vexillifer B. Dominicus prælationem suscepit pariter, & laborem. Hæc Guillelmus qui tunc vivebat, & rerum ipsarum erat spectator, & testis. Ceterum biennium illud arbitrator ad B. Dominici Prædicationem pertinere, menses illos paucos, ad Abbatum Cisterciensium Prædicationem. Biennium hoc S. Dominico adscribit Bernardus Guidonis in V. Innocen-

(1) Tom. xi. Spicileg. Dacher. vet. edit. pag. 485. (2) Cap. 10.

nocentii (1); *Ordinem siquidem fratrum Prædicatorum incepit S. Dominicus in partibus Tolosanæ, ubi contra Hæreticos, verbo, exemplo exorsus est quasi biennio ante prædicare sub A. D. 1203. Pontificatus D. Innocentii Pape A. VI. a primo exordio computando quo S. Dominicus Tolosam pervenit cum D. Dydaco Episcopo Oxomensi in Marchicis, seu in Daciam proficiscens, & hospitem suum ab Hæretica pravitate convertit prima nocte, qua Tolosa hospitio sunt recepti sub anno D. prætaxato 1203. Ceterum Bernardus ipse in libello seu tractatu Magistrorum Ordinis Prædicatorum, quem Martene dedit (2), ab a. 1205. quo apud Montem Pessulanum XII. Abates Cistercienses S. Dominicus invenit, biennium computat: quod item Nicolaus Trivettus (3) atque alii faciunt. Petrus Vallicernensis, etsi de S. Dominico ferme tacet, de Didaco tamen loquens narransque ad Montem Pessulanum, primos illos dumtaxat Romani Pontificis Legatos invenisse, nequaquam his postremis consentire videtur. Sed res tota ita in Annalibus, diligenter pertractata est, ut nihil hic addendum videatur. Diutius vero in Albigenensibus debellandis permanisse S. Dominicum, constat ex eo quod a. 1213. interfuerit prælio quo Aragoniæ Rex interemptus est; atque ita in Vita illa Innocentii legitur: *Interim autem dum bellum Domini gerebatur VII. Episcopi qui convenerant, & tres Abates.... cum suis Clericis, & aliquibus Religiosis, inter quos aderat Religiosus Dei amicus Frater Dominicus Canonicus Oxoniensis, postmodum Fratrum Prædicatorum Ordinis institutor, Ecclesiam intraverunt more Moysi in bello Josue, levantes manus in cælum, deprecantes Dominum pro servis suis, qui se mortis imminentis periculo pro ejus nomine ac fide exponebant. Atque hic inodus S. Dominicum compellendi, non esse Guidonis illud ipsius opus indicare mihi omnino videtur. Cum S. Dominico, Prædicationi instituisse Oxomensen Episcopum, cum quo ille venerat, ex dictis liquet; & breviter Guillelmus de Podio narrat (4): In ipsis quoque diebus Dominus Deus ipse qui sagittas electas in Providentia sua conservat pharetra, duos de Hispania ad hoc opus produxit electos pugiles Dominum Didacum Episcopum Oxomensen, & Religiosum virum, sanctum postea declaratum socium ejus Dominicum. Duo ergo isti mittentes manus ad fortia &c. Quæ disputantibus Hæreticis Didacus ingesserit, postea idem narrat (5).**

C A-

(1) Pag. 481. (2) Tom. 6. collect. veti. edit. (4) Cap. 8. (5) Ibid. & pag. 398. (3) Tom. 8. Spicil. Dach. cap. 9.

De Colloquiis, Conciliis, Bellis, quæ sunt cum Albigenſibus habita, & inſtitutis adverſus Hæreticos Judiciis.

I. **Q**Uæ ad Hæreticos revincendos argumenta ex Eccleſiaſi uſu, & Chriſtiana diſciplina adhiberi ſolent, ea cum Albigenſibus adhibita ſunt omnia. Petrus, quem ſæpius laudavimus Vallicernenſis (1) narrat Colloquium, ſeu diſputationem habitam ab Oxomenſi Epifcopo, & Monachis Ciſterciensibus in Caſtro quodam Carmano cum Hæretico Theodorico ſeu Guillelmo. Guillelmus, & plures habitas eſſe diſputationes ſignificat, & unam apud Viridem folium. Itaque poſt ea verba, quæ nuper ejus attulimus; *Duo ergo iſti mirantes manus ad fortia aggregatis illis Abbatibus Ordinis Ciſterciens, & aliis bonis viris, ſuperſtitionem Hæreticorum, in altitudine ſatana gloriantium, non pompoſa, aut equeſtri multitudine, ſed calle pedeſtrico, ad indiſtas diſputationes de Caſtro in Caſtrum nudis plantis, & pedibus ambulabant: fuitque una de primis congreſſionibus apud Viridem-folium, ubi Hæreſarcha pluri mi, ſcilicet Pontius Jordani, & Arnaldus Ariſati, & alii affuerunt.* Sæpius inſtitutas hujusmodi diſputationes, ſignificat Petrus quoque, narrans quam S. Dominicus (2) *vir totius ſanctitatis* cum Hæretico habuerat, in ſcripta relatis *auctoritatibus*, quas produxerat; quod ſcriptum, cum ter in flammæ projectum eſſet, nuſquam eſt combuſtum. Hanc vero rem admirabilem, & Bollandiſtæ, & Ordinis Prædicatorum Annales ſæpe perſequuntur. Celeberrima inter has diſputationes habita eſt in Monte Regali, ad quam omnes Hæreſarchas conveniſſe ſcribit idem Petrus (3). Eam inter plurimas diſputationes, quas in diverſis locis habuerunt cum Hæreticis, ſolemnioſiorem appellat Guillelmus (4); cui inquit, *interfuernnt prædicti noſtri pugiles, & Venerabilis vir Petrus de Caſtello-novo Legatus, & Collega ſuus Magiſter Radulphus ex parte ſua, & plures alii boni viri; & ex parte altera Hæreſarcha Arnaldus Othonis, Guilhabertus de Caſtris, Benediſtus de Termino, Pontius Jordani, & multi alii.* Atque in his, quæ produximus locis, animadvertes, opinor; quam ſæpe Hæreſarcha nomen illud occurrat; quod confirmat vocis hujus uſum, quem ſuperius ſignificavimus. Petrus huic diſputationi aliam ſubneſcit, quam habitam dicit adverſus Vval-

den-

(1) Cap.3. (2) Cap.7. (3) Cap.3. (4) Cap.9.

denſes (1), apud *Apamias in territorio Toſano*, cum jam Abba-
tes illi XII. Ciſterciennes adveniſſent. Sed hanc Guillelmus (2)
ante diſputationem in Monte Regali collocat: quod quidem id
declarat, de quo ſuperius admonuimus, rationem eum temporis,
aut non exacte aſſecutum, aut negligere in ſcribendo voluiſſe.
Deinde ſubjicit in Hiſtoria ſua Petrus (3) Concilium habitum
apud Montilum, *M. Milo*, inquit, cum collega ſuo *M. Theodoſio*
ad partes Provincia perrexit, veniensque ad quoddam Caſtrum,
quod Montilum nuncupatur convocavit Archiepiſcopos, & Epiſ-
copos quamplures; qui cum ad eum veniſſent, quaſiuit ab eis di-
ligenter, qualiter procedendum eſſet in negotio pacis & fidei, præ-
cipue in ſaſto Comitum Toſani: voluit etiam ut ſinguli Prælati
ſuper certis capitulis, de quibus eum Abbas (Arnoldus) inſtru-
xerat, ſua ei traderent conſilia ſcripta, & ſigillata. Factum eſt,
ut præcepit; & quod auditu eſt mirabile, omnia tam Abbatis
quam Prælatorum conſilia ſine diſſenſione aliqua convenerunt.
Montilienſe hoc Concilium in ceterorum Conciliorum nume-
rum retulere Coſſartius, Harduinus &c., atque annum ei af-
ſignarunt 1209. quod optime eſſe factum probat Cl. P. Man-
ſi (4). Harduinus vero (5) Coſſartium ſecutus huic præmittit
anno 1207. Concilium, habitum anno ſuperiori incerto loco;
ex Vincentio nimirum Bellovacenſi ſcribente (6); Miſſi ſunt
ab Innocentio Papa, XII. Abbates Ciſterciensis Ordinis cum uno
Apoſtolica Sedis Legato in terram Albigenſiam, ut fidem Catho-
licam prædicantes hæretica venena pro viribus expulſarent. Qui
convocato Archiepiſcoporum, & Epiſcoporum, aliorumque in par-
tibus illis Eccleſiæ Prælatorum Concilio conquirebant inter ſe
quonam modo commodius id, cujus gratia venerant, executioni
mandarent. Illis autem ſuper hac deliberatione ſollicitis Ven. Di-
dacus Oxomenſis Epiſcopus ſupervenit. . . . Hoc autem fuit ejus,
ſpiritu Divino ſuggerente, conſilium, ut abiecta pompa ſuperſui
apparatus. . . . veram atque Evangelicam in ſe prætenderent pau-
perſtatem. Neminem præter Auctorem Geſtorum S. Dominici
memoraſſe hoc Concilium, Coſſartius admonuit. Vereor ego,
ut ex Montilienſi Concilio, ubi pariter quaſitum eſt qualiter
procedendum eſſet in negotio pacis & fidei extiterit hoc alterum
Concilium, quod privatum tantum colloquium videtur ſigui-
ficare Petrus Vallicernenſis (7); atque ita tempora ſint reſ-
que conſuſæ.

H

II. Sed

(1) Cap. 6. (2) Cap. 8.

(3) Cap. XI. (4) Ad a. 1208. Ray.

(5) Tom. 6. part. 2. col. 1975. edit. Pariſ.

(6) Spec. Hiſt. lib. 29. cap. 93.

Maldi tom. 1. pag. 273. edit. Luc.

(7) Cap. 3.

II. Sed locus hic sese offert, ut ante hoc tempus, quæ in Albigenſium negotio Concilia ſint habita, exquiramus. Exquirimus autem non quæcumque contra Catharos, ſeu novos quoslibet Manichæos celebrata ſunt (id vero diligentiffime eruditiffimeque præſtitit Cl. P. Thomas Auguſtinus Ricchiniuſ, Concilia recensens omnia, quibus Catharorum ſeu Manichæorum Hæreſis proſcripta eſt (1)), ſed quæ eos maxime damnaſſe videntur, qui Albigenſes dicti ſunt, jamque in his partibus lociſque infederant; vel ex his in alienas partes jam immigrarant. Si Albigenſes Hæretici ſunt Publicani; jam a. 1160. de iis aſtum in Oxoniienſi Concilio. Nam ad eum an. Guilielmus Neubrigenſis, cujus locum ſuperius indicavimus; *iſdem diebus erronei quidam venerunt in Angliam ex eorum, ut creditur, genere, quos vulgo Publicanos vocant . . . quibuſdā curioſe indagantibus, quod peregrina eſſent ſectæ, deprehenſi, ten-tique ſunt in cuſtodia publica. Rex vero nolens eos indiſcuſſos vel dimittere, vel punire, Epiſcopale præcipit Oxonia Concilium celebrari. Ubi dum ſolemniter de regione conveniretur &c.* Triennio poſt celebratum eſt Turonenſe Concilium, de quo ſuſe ad eum annum ideſt 1163. Baroniuſ (2) Aſta omnia, & Canones ſancitos producens. Retulit autem quædam & in Hiſtoriam ſuam Guillelmus Neubrigenſis (3), atque inter cetera hunc Canonem. *A partibus Tolofæ (4) damnanda Hæreſis dudum emerſit; quæ more cancri paulatim ſe ad vicina loca diſfundens, per Gaſconiam & alias Provincias, quam plurimos jam infeſcit &c.* In Vulgaribus Conciliorum collectionibus (5) tituluſ præfigitur huic Canoni; *Ut cunçli Albigenſium Hæreticorum conſortium fugiant.* Celeberrimum eſt Conciliũ Lumbarienſe, quod Biniuſ inſcripſit, *Concilium Gallicanum adverſus Albigenſes*; alii (6) *adverſus Hæreticos qui Boni homines vocantur*; quod nimirum ita ſe illi nominarent, ut diximus. Sententiam contra eos pronuntiavit Lodoveuſis Epiſcopuſ: addidit tamen, ſe id facere, *juſſu, & mandato Albienſis Epiſcopi Aſſefforumque ejus*; Albienſis vero Epiſcopuſ eam confirmans; *Sententiam, ait, quam nunc protulit Gaucelinuſ Epiſcopuſ Ludovenſis, ego confirmo & laudo, atque meo juſſu dato eſt, & commoneo milites de Lumbers, quatenus non manuteneant eos.* Erat enim Lumbers in Albienſi Diœceſi, ut diximus: quare

habu-

(1) Diſſert. 1. cap. 8. in Prolegom. ad Monet. (2) Num. 3. (3) Lib. 2. cap. 4. (4) Ita Neubrig. edit. Antuerp. 1567. pag. 133. apud Baron. &

antiqu. coll. 1. tit. 6. n. 10. in partibus.

(5) V. Hard. tom. 6. p. 2. col. 1597.

(6) Hard. ib. col. 1642.

habitum dicitur *in praesentia fere totius populi Albiensis, & de Lumbers*, sive ut in ejusdem fine, *in praesentia populorum Castrorum scilicet de Lumbers & Albi*; Subscriptiones vero apponuntur etiam Trincavelli, Vicecomitis scilicet Biterrensis, Constantiae uxoris Comitis Raimundi Tolosani, Sicardi Vicecomitis Lauracensis sive Lantrocensis. Vulgò dicitur in hoc Concilio primum esse auditum *Hæreticorum Albigensum* nomen. Ego tamen nisi in titulo a Binio appposito, qui modo etiam sublatu est, eos non reperio; & si tituli placeant, vidimus antea in titulo Turonensis Canonis apparere. Hovedenus qui totius ferme Concilii Acta Historiae suae inseruit, titulum fecit (1), ut antea diximus, *Herefis Arriana, ejusque damnatio*. An. 1178. aliud Concilium Tolosae habitum a Petro Cardinali tit. S. Chrysgoni (ubi Bituricensis & Narbonensis Archiepiscopi; Reginaldus Batonicensis, & Jo. Pictaviensis Episcopi, & Henricus Abbas Clarevallensis) recenset Cl. Ricchinius. Colloquium potius illud quoddam, ut idem vir doctus vocat, quam Concilium videtur (2). De eo ad eum annum Hovedenus (3). Secutum est a. sequenti Lateranense Oecumenicum, in quo cap. 27. quod est de Hæreticis, damnati, qui in Gasconia, Albigensio, & partibus Tolosanis, & aliis locis Catharorum, sive Paterinorum, sive Publicanorum nomine inveniuntur, quos Albigenes interpretari multos, superius monuimus. Illud quoque Hovedenus in annales suos retulit. A. 1184. ut Sigonius & Pagius censent, vel a. 1185. Veronense Concilium habitum est (etsi illud inter Concilia nec Cossartius, nec Harduinus numerariunt). In eo decretum contra Hæreticos latum, quod inter Lucii III. epistolas laudati Cossartius, & Harduinus collocarunt (4); damnat vero *Catharos & Patarinos, & eos qui se Humiliatos, vel Pauperes de Lugduno falso nomine mentiuntur, Passaginos, Josefinos, Arnaldistas, & universos qui de Sacramento Corporis & Sanguinis D. N. J. C. vel de Baptismo, seu peccatorum remissione aut de matrimonio, vel reliquis Ecclesiasticis Sacramentis aliter sentire aut docere non metuunt, quum Sacrosancta Romana Ecclesia prædicat & observat*. Non dubito Catharos Tolosanos, sive Albigenes hæc ferire; nondum tamen inter tot nomina nomen Albigensum apparet. A. 1195. Prælati præsertim Provinciae Narbonensis de mandato *Magistri Michaelis Venerabilis Apostolica Sedis Legati*, (ut ibidem dicitur

H 2

tur

(1) Pag. 555. (2) V. pag. 373. tom. 1. pag. 1090. (4) Hard. tom. 6. Script. Tuiysden. (3) V. & Giaccon. p. 2. col. 1878.

tur (1)) *apud Montempeffulanum pro celebrando Concilio convenire*. Legatus ergo omnes Hæreticos, Aragonenses, familias quæ minata dicuntur &c. de consensu omnium sub anathemate posuit . . . In fine quoque omnium, addidit, ut, quia in pluribus locis Provincia Narbonensis Hæretici sunt, in Consilio Episcopi & Episcoporum sit, qualiter pro eorum, quæ statuta sunt transgressione interdicta debeant premulgari, ne occasione generalis, & diutini interdicti hæreticis occasio pateat ad simplices Catholica fidei supplantandos. Secutum est Concilium Senonenſe anno D. 1198., in quo ex Roberto in Chr. Antislodorenſi, Hæresis Populicana damnata. Extant etiam Innocentii III. litteræ quibus causa Decaui Nivernensis, hæresis ejus notati committitur Michaeli Archiepiscopo Senonenſi (2). A. 1201. ex Roberto in Chronico Antif. Eurandus miles, quem Henricus Nivernensis Comes terra sua præfecerat . . . Hæresis illius, quam Bulgarorum vocant, coram Legato arguitur & dies ei præfigitur de objecta Hæresi publice se purgandi. Legatus Parisius Concilium convocat, in quo assidentibus cum Legato Archiepiscopis & Episcopis Regni, Parisiensibusque Magistris, Eurandus statuitur &c. Atque hic nimirum creditur esse miles ille & hæreticus pessimus in Parisiensi Concilio coram Octaviano Cardinale & Apostolica Sedis Legato de Hæresi condemnatus, qui postea ad partes se transfugit Narbonenses, & cum quo Oxomontis Episcopus in Castro Carmano disputavit, ut initio diximus. Repugnat tamen nomen. Nam Petrus Vallicernensis Theodoricum, ait, faciebat se vocari, cum Guillelmus antea vocaretur. Sed ad ipsam Conventionem sive Colloquiorum, quæ cum Albigenſibus habita sunt historiam, & in ejus Hæreseos monumentis occurrunt, redeundum est. Omittimus vero, quod Colloquium Carcaſſonæ habitum a. 1203. inter Catharos Vvaldenseſque Hæreticos, & Carcaſſonæ Episcopum Legatosque Apostolicos coram Petro Aragonum Rege refert Percinus; quod ad Albigenſes ipsos non ita propius spectet.

III. Postquam Biterræ & Carcaſſona expugnatæ sunt, fuit inter Prælatos, & Barones tractatus habitus per Legatum, ait Guillelmus de Podio (3), quis terram acquisitam mereretur, & insisteret acquirendæ; quod oblatum cum qui majores erant in exercitu recusassent, inventus est Deo devotus & strenuus Simon Comes Montisfortis qui multis devictis Prælatorum precibus & Baronum, quod cum ceteris primo recusaverat acceptavit, dicens quod defectu unius Campionis nequaquam Dei negotium remaneret.

(1) Coll. Hard. t. 6. p. 2. col. 1933. (2) Ib. col. 1947. (3) Cap. 14.

ret. De eodem colloquio Petrus (1), & Bernardus (2), qui anno consignat 1209. Cum Comes Raimundus de terris suis dejectus, Romam, venisset, *tentans si quomodo posset restitui terræ suæ*, ut idem Petrus ait (3); Pontifex ne cum in desperationem ageret Purgationem indixit: *Interea*, ait Petrus, *M. Milo convocavit apud Avenionensem Provinciam Concilium Prælatorum, in quo Concilio excommunicati fuerunt & expositi Cives Tholosani, pro eo quod ea, quæ Legato & Crucesignatis promiserant de expulsiōe Hæreticorum, contempserant adimplere. Comes etiam Tolosanus in prædicto Concilio excommunicatus fuit, sub conditione tamen, si abjurata pedagia denuo accipere attemptaret.* Habitum esse hoc Concilium a. 1210. Cossartius probat, & diversum esse ab alio Avenionensi Concilio, quo multa constituta & decreta sunt, quod quidem a. 1209. celebratum vult: atque in illo quidem una cum Milonis nomine, nomen legitur Hugonis Regiensis, qui ipse quoque Papæ Legatus appellatur. Inter cætera vero contra Hæreticos hoc quoque sancitum (4) *quod quilibet Episcopus cives suos, comites, Castellanos, milites, & alios Parochianos suos, de quibus viderit expedire per censuram Ecclesiasticam, si opus fuerit, jurare compeilat, sicut illi de Montepeffulano juraverunt, præcipue circa exterminandos Hæreticos.* Eodem a. cum Comes Tolosanus obtinisset ut purgatio duorum illorum criminum sibi indiceretur; *convocatis in villa S. Ægidii ab Episcopo Regiensi M. Theodisio Archiepiscopis & Episcopis, & aliis pluribus Ecclesiarum Prælati; Comes etiam affuit Tolosanus, conatus si posset quoquomodo purgare se de morte Legati, & crimine Hæreseos.* Purgatio tamen admissa non fuit, quod mandata quæ sibi fuerant, juraveratque se præstituturum non perfecisset. Imo *comuni consilio, & assensu Prælatorum, propter multas & multum rationabiles causas iterum excommunicatus fuit in eo loco nequissimus Tolosanus, & omnes fautores, & adjutores ejusdem.* Hæc ex Petro (5). Excommunicationem probavit Innocentius litteris ad Arelatensem Episcopum, ubi tamen cum dicatur sententia lata ab Uticensi Episcopo, Regiensi legendum esse puto. Illo eodem a. 1210. Conventus habitus est Narbonensis. Huic colloquio *affuerunt Utricensis Episcopus & Venerabilis Abbas Cistercii, ait Petrus (6), ... affuit & prædicto colloquio Magister Theodisius, & multi alii viri sapientes & boni.* Additque, *Tractatum fuit in prædicto colloquio de Comite Tolosæ, & facta fuisset ei magna gratia & copiosa misericordia*

(1) Cap. 17. (2) V. Innoc. p. 481.

(5) Cap. 39. (6) Cap. 43.

(3) Cap. 33. (4) Cap. 2.

dia, si idem Comes sanis consiliis acquiescere voluisset. Id enim largiebantur, ut, modo Hæreticos e terris suis expelleret, liceret ei quæcumque amiserat recuperare. Nihil tamen ab eo impetratum constat: imo suspicor, etsi Petrus taceat, anathema, quo implicatus jam fuerat, confirmatum: nam Innocentius III. in litteris datis ad Arelatensem Episcopum Laterani xvii. Kal. Maii Pontif. a. xiv., sententiam ait adversus eum promulgatam a Venerabili Episcopo Uticensi & dilecto filio Cisterciensi Abbate. Cossartius interpretatur de sententia in villa S. Egidii lata: quod vero eam tulerit Regiensis Episcopus & Theodisius, nomina corrigenda illa putat. Sed audacior mihi quidem correctio huiusmodi videtur, maloque, ut dixi, de Narbonensi hac sententia, ubi Judicum nomina conveniunt optime, interpretari. A. 1212. mense Novembri, ut apud eundem Vallicernensem legitur (1) convocavit nobilis Comes Montisfortis Episcopos, & nobiles terræ suæ apud Castrum Apamiarum celebraturus colloquium generale. Causa autem colloquii hujus ipsa fuit, ut Comes noster, in terra, quam acquiserat Sanctæque R. E. subjagaverat, institui faceret bonos mores, hæretica spurcitia procul pulsa, quæ tota corruperat terram illam. Addit ad consuetudines illas statuendas electos esse xii. viros, ex quibus iv. erant Ecclesiastici. Juraverunt vero cum ipse, tum milites sui eas servaturos. Præterea redacta sunt in scriptum, sigillo etiam Comitum, & omnium Episcoporum qui ibi plures erant, firmata, & munita. Anno insequenti celebre Concilium celebratum est apud Vaurum, quod idem Petrus fuscè describit (2): nam assignata fuit communi assensu dies & locus inter Tolosam, & Vaurum, ubi colloquium celebrari deberet. Rex Aragonum die tertio, cum a loco colloquii recessisset, Tolosamque venisset postulata quædam scripsit pro Tolosano & Fuxensi, & Convenarum Comitibus, & Gastone de Bearno, ad quem PP. responderunt litteris, quarum est inscriptio, Illustri & dilectæ P. Dei gratia Regi Aragonum, Comiti Barchinonensi Concilium apud Vaurum salutem & sinceram in Domino dilectionem. Cum nihil Rex impetrasset, appellasse ad Sedem Apostolicam, idem narrat. In eo pariter Concilio actum, an purgatio quam Pontifex Comiti Tolosano concesserat recipienda esset, negatumque eam admittere oportere, ex Innocentii litteris Cossartius decernit. A. 1213. cum celebris victoria a Catholicis, Castro quod Murellum vocant ab obsidione liberato, relata esset, scripsere qui ibi erant congregati Episcopi & Abbates Synodicam, quam

& Re-

& Petrus Vallicernenſis (1) & Mattheus Pariſius (2) recitant; epiſtolæ vero ſe ita ſubſcribunt, *Nos Tolofanus, Nemaufenſis. Uticenſis, Biterrenſis, Agatenſis, & Convenarum Epifcopi*; & de Claraco, Villa magna, & S. Tiberii Abbates, qui mandata Venerabilis Patris Narbonenſis Archiepiſcopi Apoſtolice Sedis Legati veneramus, & de pace ac concordia tractare cum ſummâ diligentia ſummoque ſtudio nitbamur. A. 1215. Concilium habitum apud Montempeſſulanum; Convenerunt apud Montempeſſulanum Archiepiſcopi, & Epifcopi vocati a Magiſtro Petro Beneventano Apoſtolice Sedis Legato ad Concilium, ut de his quæ pacis erant, & Fidei idem Legatus ſecundum Prælatorum Concilium ordinaret, ait Petrus (3). Convenerunt autem ad illud Concilium quinque Archiepiſcopi, videlicet Narbonenſis, Auxitanus, Ebrejunenſis, Arclatenſis, Aqueſis. Puerunt Epifcopi xxviii. pluresque de Baronibus terræ ibi affuerunt. Pergit narrare, eſſe in eo concilio deliberatum, *cui melius & utilis ad honorem Dei, & ſanctæ matris Eccleſiæ, & pacem terræ, ad expugnandam vel expurgandam ſpurcitiâ Hæreticorum, concedi, & assignari debeat Tolofa quam Comes Tolofanus tenuit, & alia terræ, quas occupaverunt exercitus Chriſtianorum Crucesignatorum.* Conſtitutum vero, ut concederentur Comiti Montisfortis: miſſus ideo eſt Romam Ebrejunenſis Archiepiſcopus Legatus, cum litteris, in quibus ſupplicabant Prælati omnes Domino Papæ inſantiſſime, ut nobilem Comitum Montisfortis, quem unanimiter elegerant, concederet eis in terra Dominum, & Monarcham. Reſpondit Innocentius, ſcripſitque litteras, quibus terram eam omnem commendabat Comiti Montisfortis cuſtodiendam, donec in Concilio Generali, quod in Kalendis Novembris illius anni Romæ convocaverat, de terris prædictis plenius ordinaret. Extant nunc quoque litteræ Innocentii Comiti Montisfortis, quibus id conceditur. Id vero factum a Legato, habito alio conventu Carcaſſonæ; Quadam igitur die, inquit Petrus (4), convocavit Legatus ad ſe in domum Epifcopi Carcaſſonenſis Epifcopos qui aderant, Ludovicum, & Comitem Montisfortis, & nobiles qui erant cum Ludovico (Ludovico VIII. Rege Franciæ); Quibus omnibus congregatis Legatus juxta formam mandati Apoſtolici, commendavit Comiti terram uſque ad Concilium Generale. In eodem Concilio, quod habitum diximus apud Montempeſſulanum, multa de Eccleſiaſtica diſciplina atque Hæreticis ſtatuta; ad reformandam, ut ait Petrus Legatus in epiſtola ad Arch. Narbonenſem (5), & confirmandam fidem Catholi-

(1) Cap. 73.

(2) Ad 2. 1213.

(3) Tom. 6. p. 2. coll. Hard. col.

(4) Cap. 21.

(5) Ib. pag. 657.

2044.

*ibolicam locis, in quibus omnino defecit, vel periclitari videtur; subditque; non enim convenit Sancta Ecclesia, aut Christianitati, sanctum Christi negotium contra Albigenfes, & Tolofanos Hæreticos tot & tantis divinis promotum miraculis, imperfectum post terga relinquere, cum jam sit per Dei Gratiam in portu debite consummationis. A. eodem 1215. celebratum est Concilium Occumenicum Lateranense iv. Venisse ad illud Comitem utrumque Tolofanum, & Comitem Fuxi, Petrus testatur (1). ut nimirum terras suas recuperarent; Simon vero Comes Montisfortis Guidonem fratrem misit. Guillelmus de Podio narrat (2) Tolofanum Comitem cum filio illò venisse de Anglia cum quodam mercatore sub specie servientis; affuisse etiam Petrum Bermundi, occasione uxoris primogenita Comitis Tolofani, quam habuit in uxorem; si contingeret terram adjudicari eis, ut primogenito postulabat. Secus tamen evenit. Nam ut idem addit; fuitque terra adjudicata Comiti Montisfortis, privato inde per sententiam Comite Tolofano, & fuit traditum Castrum Narbonense eidem Comiti Simoni, & juratum ei a civibus atque Burgenfibus Tolofanis, & ipse nominatus, & habitus pro Comite Tolofano, & a notariis ponebatur Comes in publicis instrumentis. Petrus, fuisse in eo Concilio aliquos etiam de Prælatiis, qui Comiti Tolofano faverent; Papam vero pro majori parte, & faviori illud decrevisse, tradit. Sententia hæc extat in Spicilegio d'Acheriano (3); in ea Raimundo Comiti Tolofano conceditur, ut de proventibus terræ, pro sustentatione sua, quadringentas marcas percipiat annuatim, quamdiu curaverit humiliter obedire; adjicitur; uxor vero ipsius Comitis, soror quondam Regis Arragonum, cui ab omnibus laudabile testimonium perbibetur, quod sit mulier honesta & catholica, terras ad suum dotali-
tium pertinentes integre habeat, & quiete; ita tamen ut eas sic ad mandatum Ecclesiæ faciat custodiri, quod per ipsas negotium pacis & Fidei non valeat perturbari, vel pro illis secundum Apostolicæ Sedis arbitrium recompensationem accipiat competentem. Diximus a. 1221. missum Legatum Corradum Cisterciensem: Guillelmus verò scribit (4); Ejusdem Legati tempore, sumptis regibus sub spe pacis, duo fuere colloquia permiffa ad tractandum: unum apud Sanctum Florum castrum Arvernæ; & aliud Senonis Burgundiæ Metropoli civitate; tamen pacis effectus in vento est secutus; nondum enim peccata erant completa Amorraeorum, Nescio, an Senonense colloquium illud: fuerit, quod indictum ibi
esse*

(1) Cap. 83. (2) Cap. 106. (3) Tom. 7. pag. 310. vet. edit. (4) Cap. 34.

esse narrat Matthæus Paris, scribens (1) ad a. 1223. *Circa dies istos Hæretici Albigenſes conſtituerunt ſibi Antipapam in finibus Bulgarorum Croatia & Dalmatia nomine Bartholomæum. In quibus partibus error ille adeo invaluit, ut etiam Episcopos & alios multos regionum illarum ad ſuam allexerit pravitatem: contra quem C. Portuenſis Episcopus & in partibus illis Apoſtolica Sedis Legatus Rothomagenſi Archiepiſcopo ſcripſit in hæc verba. Litteras ipſas recitat, in quibus hæc inter cetera de Antichriſto; Ille homo perditus qui extollitur ſuper omne quod colitur aut dicitur Deus, jam habet perfidia ſua præambulum Hæreſiarcham quem Hæretici Albigenſes Papam ſuum appellant habitantem in finibus Bulgarorum Croatia; & Dalmatia juxta Hungarorum nationem. Ad eum confluunt Hæretici Albigenſes, ut ad eorum conſulta reſpondeat. Etenim de Carcaſona oriundus vices illius Antipapæ gerens Bartholomæus hæreticorum Episcopus, ſuneſtam ei exhibendo reverentiam, ſedem & locum conceſſit in villa, quæ Porlos appellatur, & ſe ipſum tranſtulit in partes Tboloſanas. Ille Bartholomæus in litterarum ſuarum undique diſcurrentium tenore ſe in primo ſalutationis alloquio intitulat in hunc modum, Bartholomæus ſervus ſervorum ſanctæ fidei, tali ſalutem. Ipſe etiam inter alias enormitates creat Episcopos & Eccleſias perfide ordinare contendit. Duos hic Corradus diſtinguere videtur Papam Albigenſium habitantem in villa Porlos, & Bartholomæum degentem Carcaſſonæ, quos confudit Pariſius. Sequitur Corradus, Episcopos rogans eiſque præcipiens, quatenus veniat ſenonis in octavis Apoſtolorum Petri & Pauli proxime futuris, ubi & alii Prælati Franciæ, favente domino, congregabuntur, parati conſilium dare in negotio prædicto, & cum aliis, qui ibidem aderunt providere ſuper negotio Albigenſi. Quamvis enim, Guillelmus ad id factum ſignificet dumtaxat, ut pax curaretur, tamen & aliud hoc eſſe potuit, quod narrare ipſe neglexit, vel de Bartholomæo actum non fuit, quod, ut idem Pariſius addit; Hunc ſumultum mors prædicti Antipapæ celeriter terminavit. Meminit hujus Concilii & Guillelmus Brito (2), & Rigoldus, & alii. A. D. 1224. Ludovicus Rex Franciæ III. Nonas apud Pariſis parlamentum generale tenuit, in quo Honorius Papa Indulgentiam, quæ in Lateranenſi Concilio contra Albigenſes Hæreticos fuerat inſtituta, auctoritate propria ad tempus revocavit, & Raimundum Comitem Toloſanum fide catholicam approbavit: ita legitur in fragmento Hiſtorico apud du Cheſnium (3). De eo*

I

nihil

(1) Pag. 317. edit. Londin. a. 1640.

(3) Tom. 5. pag. 285.

(2) Lib. xi. 1. Philipp.

nihil ceteri Historici. Nescio an hoc indicare voluerit Spondanus, testatus, habere Annales Fuxenses & Francorum, dum in expeditione esset Ludovicus, Legatum habuisse conventum Prælatorum ac Procerum, qui Comitem Fuxensem absolvit. De Comite tamen Fuxensi loquitur; nec locus convenit *apud S. Jo. de Virginibus prope Fuxum*, nec tempus a. 1226. quo nimirum jam expeditionem suscepit Ludovicus. In Turonensi Chronico a. 1226. duo narrantur Parisiensia Concilia l. in quo Legatus auctoritate Domini Papæ Raimundum Comitem Tolosanum suorumque complices excommunicavit, & terram illius, tamquam damnati Hæretici Ludovico Regi Francia & Heredibus ejus in perpetuum confirmavit: Amalricus enim ei cesserat, ut diximus, & hic quoque traditur. Additur vero delegatos esse, qui crucem assumendam contra Hæreticos predicarent, & excepto voto peregrinationis Hierosolymitana, eos ab omnibus aliis votis, necnon & delictis absolverent. Regi vero a Legato promissa ad quinquennium anno quolibet centum millia librarum super decimarum reddituum & proventuum Clericorum. De altero Conventu 14. Cal. April. Ludovicus Rex apud Parisios concilium convocavit. Ibiq; multa cum Legato Episcopis & Baronibus tractans de negotio Albigenfi, universis & singulis regni sui, qui ei debebant exercitum, mandavit per litteras & precepit ut 14. Dominica post Resurrectionem, in occursum ejus cum armis debitis apud Bituricas convenirent. A. 1227. habitum est Concilium Narbonense, cujus Acta laudatus Catelus edidit. In eo, capite præfettim xvii. Albigenes perstringuntur: jubetur enim ut Raimundus, junior, Comes Fuxensis, & Trincavellus Vicecomes Biterrensis, & præfettim illi de Limoso & alii, qui cum Ludovico Regi jurassent, postmodum averfi sunt ab Ecclesia, eorumque adjutores candelis accensis, & pulsatis campanis denuntiarentur excommunicati. Ex Gulielmo de Podio (1) Helias Garini Abbas Grandis Silvæ cum venisset auctoritate Legati pacem oblaturus Tolosanis, miscentur Colloquia circa Vasegiam; & quod sit in Franciam eundem ordinatur. Et locus ad conveniendum primo fuit Meldis in Bria Civitate Comitris Campaniæ assignatus: adfueruntque tam jussi quam spontanei Archiepiscopus ejusque suffraganei Provincia Narbonensis; veneruntque illuc Comes Tolosanus, & alii viri, & cives Tolosa.... eratque ibi Legatus pluresque alii Prælati qui fuerant evocati, ubi tractando pacis modum, diebus pluribus est moratum. Deinde profecti sunt Parisios, ut in præsentia Regis deberent omnia consumari; omnibusque ad calcem dictis & sigillatis, re-

conciliatus fuit Comes in die Parasceves ; & qui cum eo erant excommunicationis sententia innodati . Tractatum tunc factum refert Catelus (1) . Sunt & Statuta S. Ludovici IX. apud eundem Narbonensibus inscripta (2) . Idem Gulielmus deinde (3), ubi Tolosæ urbis reconciliationem narravit per M. Petrum de Collomedio gerentem Legati vices, Concilium refert Tolosæ habitum a Legato eodem an. idest 1229. Idemque Legatus ibidem Tolosæ post astatem Concilium celebravit cui interfuerunt Narbonensis Burdigalensis, Anxitanensis Archiepiscopi, Episcopi, multi alii Prælati . Item adfuerunt Comes Tolosanus, & alii Comites præter Fuxensem ; Barones, & Senescallus Carcassona & Consules Tolosani duo, unus de Civitate, & alius de Burgo, qui statuta pacis in totius universitatis animam juraverunt : & tam Comes quam ceteri illud approbaverunt, & fecerunt ; & idem fecit postea tota terra . Statuta præterea in eo Concilio Conciliorum Collectores retulere . Præter cætera sancitum de Hæreticis hoc Canone X. ut Hæretici vestiti redeuntes ad Catholicam Ecclesiam in detestatione veteris erroris duas cruces portent de cætero altius præeinentes alterius coloris, quam sint vestes eorum, unam a dextris, & alteram a sinistris . In Concilio Biterrensi an. 1233. can. 4. qui id non faciunt decernitur, ut pro Hæreticis habeantur, & bona eorum confiscentur . An. 1229. pariter, ut eodem loco habet Guillelmus, cum Legatus Rhodanum transivisset, Aurasia civitate Cisalpina cum Archiepiscopis, Episcopis & Prælati suum Concilium celebravit, & litteras penitentiarum quas ordinaverat contra suspectos, quos Tolosæ per inquisitionem invenerat, remisit Episcopo Tolosano de Castro Mornais ubi erat . Quas Episcopus Tolosanus reversus, vocatis eis, in Ecclesia S. Jacobi publicavit . A. 1232. habitus est conventus Melodunensis, quem ex eodem Guillelmo referemus (4) . Cum ergo Tolosanus Comes Parisiensibus decretis minus exacte hæere videretur ; Legatus vocatis secum venerabili Archiepiscopo Narbonensi, & quibusdam suis Episcopis Suffraganeis ipsum vocatum a Rege coram eo convenit super pluribus articulis in pace Parisiensis expressis minus vere, sicut decuerat, atque debuerat, observatis ; fuitque ordinatum finaliter, quod idem Comes omnia emendaret ad cognitionem Episcopi Tolosani, & unius militis, quem rex ad hæc tractanda & agenda cum eodem Episcopo destinaret : solutoque colloquio apud Melodunum habito, Episcopus præveniens, reformationis articulos ordinavit . Addit, mi-

(1) Pag. 333. (2) Pag. 340. Vide Script. Duchesn. pag. 810.
& Ordinationes &c. Ludovici IX. to. 5. (3) Cap. 40. (4) Cap. 41.

Item illum electum Ægidium de Flaviaco, qui cum venisset Tolosam, expositi sunt omnes articuli Comiti Tolosano; ex quibus Comes formavit statuta sua, & ea in presentia Legati, & plurium in Claustro S. Stephani Tolosæ in communi colloquio publicavit. Hinc ergo Colloquium alterum Tolosanum habemus. Statuta vero illa Catelus vulgavit (1). Paulo post subdit Guillelmus; Item circa illud tempus Dominus Legatus apud Biterrim Concilium celebravit. Extant nomine Romani Legati Canones hujus Concilii xxvi. (2) in quorum primo præcipitur, ut Hæretici, & eorum credentes, fautores, receptatores & defensores singulis diebus dominicis excommunicentur. Postremum Concilium facimus Narbonense, in quo Fidei Inquisitoribus leges quædam positæ. Capitula quæ in Conciliorum collectionibus extant (3), a Petro Narbonensi, Jo. Arelatensi, Raimundo Aquis Archiepiscopis, ceterisque Prælati inscribuntur, *Dilectis & fidelibus in Christo filiis Ordinis Prædicatorum fratribus, Inquisitoribus Hæreticorum per memoratas, & circumjacentes provincias constitutis*. De anno nihil discerni potest.

IV. Colloquiis & disputationibus atque Conciliis aliud argumentum accessit ad Albigensem Hæresim extirpandam multo vehementius, ut adversus eos armis bellisque ageretur. Summus Pontifex, ait Petrus Vallicernensis (4), ut ad extirpandam partem hæreticam fideles populos efficeret promptiores generales miserat litteras, ad omnes Prælatos, Comites, & Barones, & universum populum in Regno Franciæ constitutum, monens efficaciter, & exhortans, ut festinarent ad vindicandam in Narbonensi Provincia injuriam Crucifixi, scientes remissionem omnium peccaminum a Deo, ejusque Vicario universis indultam, qui Orthodoxæ Fidei zelo succensi ad opus se accingerent hujus pietatis, dummodo contriti essent pariter & confessi. Quid plura? publicatur ista Indulgentia in Francia; armat se multitudo magna Fidelium signo Crucis. Nostri tamen instituti non est hæc narrare, qui non Historiam sed dissertationem scribimus: itaque ea dumtaxat quæ animadversione digna videntur, attingimus. Eam expeditionem libro hac de re edito P. Langlois (5) executus est; aliique diligentissime. Primò quidem nunc factum videtur, ut interposita Pontificis Romani auctoritate, & Thesauro Ecclesiæ resignato, bellum indiceretur contra Hæretici-

(1) Ibid. (2) Tom. 7. Hard. col. 208. (3) Ib. col. 251.

(4) Cap. 10. (5) Histoire des Croisades &c.

reticos . Atque hinc forte Guillelmus (1) ; *Cum jam Hæresis excrevisset , magnatibus terra consentientibus , quod non tam studiosos in se posset accendere , quam armatam manum militia exercere , desinantur in Franciam , qua semper consuevit gerere bella Dominica , ad Regem & Barones , & plebem viri idonei : Indulgentiam auctoritate Apostolica predicare ceperunt contra Hæreticos , qua concedi transfretantibus in Terra Sancta subsidium consuevit .* Etsi verò Francia hic tantum appelletur ; & re vera extent apud ipsum Petrum Vallicernensem Innocentii litteræ (2) Comitibus , Baronibus , & universis militibus per Narbonensem , Arelatensem , Ebrédunensem , Aquensem , & Viennensem Provinciam confluentis , inscriptæ ; item inter ipsius Innocentii epistolæ aliæ Episcopis (3) harum Provinciarum , nominatim vero Lugdunensi (4) , necnon Philippo Francorum Regi (5) ; nihilominus idem factum etiam in Alemannia , Calabria (6) testatur . Anno , ait , 1210. *predicata est crux contra Albigenes in tota Alemannia , & Francia , & ascenderunt contra eos anno sequenti de Alemannia Lupoldus Dux Austria , Engelbertus tunc Præpositus postea Archiepiscopus Colonienfis , & frater ejus Adolphus Comes de Monte , Villemus Comes Juliacenfis , & alii multi diversæ conditionis , & dignitatis . Simile actum est in Francia , in Normannia , atque Picavia .* Inter hos etiam fuisse Comitem de Barro superius diximus . Idem ex aliis AA. Broverus lib.xv. Annalium Trevirensium tradit . Postea id factum opera Guillelmi Archiepiscopi Paris. & Jacobi de Vitriaco , Petrus adnotavit (7) ; *Tempore illo Guillelmus Ven. Archid. Paris. & quiaem alius Magister Jacobus de Vitriaco , de mandato & ad preces Episcopi Uticensis , quem Dominus Papa pro negotio Fidei contra Hæreticos Legatum præfecerat . . . zelo Fidei succensit Franciam imò & Alemanniam circumcuntes tota hyeme illa incredibilem fidelium multitudinem ad Christi militiam signo crucis in pectoribus signaverunt : Quæ verba postrema digna animadversione sunt . Nam hoc illi peculiare habuisse videntur Crucesignati contra Albigenes , ut Crucem deferrent in pectore .* Petrus Vallicernensis (8) ; *quamplurimi nobiles & ignobiles contra hostes crucis armaverant se in pectoribus crucis signo .* Itaque consulto videtur dixisse Robertus de Monte in supplemento Sigeberti ad an. 1208. *Multi in Gallia crucis in pectoribus acceperunt pugnaturi contra Albigenes .* Ac præ-

1 3 terea

(1) Cap. 10. (2) Cap. 8.

(5) Ib. ep. 28. (6) Dist. 5. cap. 21.

(3) Ex recept. Baleus. lib. XI. ep. 16. tom. 2. pag. 147. (4) Ibid. ep. 27.

(7) Cap. 85. (8) Cap. 13.

terea crucem illam assutam vestibus habuerunt : quare Petrus Vallicernensis (1) refert aliquando accidisse, quod combusta tota cappa, sola illa particula in qua crux assuta erat remansit integra, & penitus incombusta. Idem innuit alibi (2); unus ex adversariis jactu balista sagittam in quemdam de nostris dirigens percussit eum valide in pectore, in loco, in quo Crucis signum affixum erat. Gretserus adnotavit (3) Crucesignatos pro Palestina expeditione aut in fronte, aut dextera in scapula, Crucis signum deferre consuevisse; Itaque Robertus Monachus de Boamundo; Cum requireret quod signum gestarent peregrinationis, didicit, quod aut in fronte aut in scapulis dextris signum ferebant fuisse Crucis. Addi aliis testimoniis potest, quod Martinus Sanutus (4) S. Ludovicum IX. inducit Parisiensi Episcopo dicentem; Domine Episcope ego vos requiro, ut Crucem ultramarinam mox humeris imponere debeatis. Atque hinc & plurimis aliis exemplis constat; nobilioribus præsertim viris Crucem hanc aut ab Episcopis, aut a R. P. Legatis solemniter ceremonia datam fuisse. Comes ipse Tolosanus apud Petrum Vallicernensem (5) Crucem accipit a Legato. Cæremonias ritulque, quibus id fieret exponit Gretserus (6). Hic dumtaxat observandum, aliud ab eo fuisse, cum novus miles initiabatur. Ritus quo id fieret, etsi in Vita S. Ludovici IX. sæpius exponitur: nam & fratrem Carolum, & Philippum filium milites fecit, tamen nescio an ullibi disertius, quam apud Vallicernensem exponatur, in Amalrico Simonis Montisfortis filio (7); Christianissimus autem Comes voluit & rogavit Aurelianensem Episcopum, ut filium suum Christi militem faceret, & ipsemet traderet ei cingulum militare... Ipsa autem die nativitatis S. Jo. Vener. Aurel. Episcopus induit se Pontificalibus indumentis celebraturus in papilionem quodam Missæ solemnitate. Convenerunt autem tam clerici quam milites ad audiendam Missam; astante igitur Episcopo ante altare & Missam celebrante, apprehendens Comes Almaricus primogenitum suum per dexteram, & Comitissa per sinistram accesserunt ad Altare & obtulerunt illum Domino, rogantes Episcopum, ut facerent eum militem ad servitium J. C. Quid plura? statim Aurelianensis, & Autostodorensis Episcopi flexis genibus ante altare, cinxerunt puerum cingulo militari, incipientes cum devotione maxima; Veni creator spiritus; ... Hoc modo & ordine sapeditus puer cum magna solemnitate factus est novus miles. Prefixum nu-

me-

(1) Cap. 53. (2) Cap. 34.

(3) Tom. 5. de Cruce lib. 1. cap. 2.
(tom. 3. pag. 73. edit. Ratisb. 1734.)

(4) Lib. 3. part. 12. cap. 1.

(5) Cap. 13. (6) L. all.

(7) Cap. 8.

merum *xv.* dierum Crucesignatis alibi diximus . Non omit-
tendum hic dicere de *Confratria magna facia Tolosa*, & *Cruce-*
signata contra Hereticos, & *usurarios manifestus*, ut habet titulus
Capitis *xv.* Historiæ Guillelmi, qui eam sic exponit; *Venera-*
bili itaque Patre Fulcone Episcopo curam gerente vigilem, quod
omnes ejus cives Tolosani, ista quæ extraneis concedebatur *Indul-*
gentia non carerent, utque per hanc devotionem eos *Ecclesia ag-*
gregaret, atque facilius per eos expugnaret *Hereticam pravita-*
tem, & *ferrorem extingueret usurarum*, cum Dei auxilio, ju-
vante Legato, obtinuit Tolosa, magnam fieri *confratriam*, *con-*
fratres omnes consignans Domino signo Crucis, in qua fuit tota
fere civitas præter paucos; & de Burgo aliqui consenserunt. Alia
de ea narrat. Sed hinc colligimus, ad Tolosanos, quod contra
eos nimirum arma præcipue sumerentur, nequaquam esse mis-
sos qui Cruce-signatos milites conscriberent. Deinde etsi nulla
hac in re S. Dominici mentio, vel ab ipso Guillelmo, vel ab
aliis veteribus scriptoribus facta; nihilominus sunt, atque non
sine magnis quidem rationibus, ajunt Annales O. P. (1) qui hac
fuisse Tertiæ Ordinis Prædicatorum initia arbitrentur. Argumenta
ibi proferuntur, atque etiam nonnulli ex recentioribus doctissi-
mi viri, qui id verisimile judicarunt, aut verum esse consen-
serunt, ut Guillelmus Cuperus, & qui amplissimæ Senatoris
Veneti dignitati, ac reliquis innumeris laudibus hoc quoque
adjungit, ut editis præclaris ingenii sui & doctrinæ monumentis
benemereri de Historia voluerit, Flaminio Cornelius.

V. De tempore quo conscripti sunt Cruce-signati con-
sentimus iisdem diligentissimis Annalium Scriptoribus, ex In-
nocentii litteris plane constare A. 1208. id fieri cœpisse, cui
anno idem consignat Guillelmus Nangius, & Albericus: sed
quoniam nonnisi sequenti hi in Galliam Narhonensem irrupe-
runt, annisque sequentibus in aliis Europæ Provinciis delectus
rursus habitus Cruce-signatorum; hinc aliis alios annis idem
tribuisse. Anno 1209. prima Cruce-signatorum egregia facino-
ra, & victoriæ de Urbe Biterrensi, & Carcassonenfi. Hæc ve-
luti Epochæ prima. Altera esse videtur prima Tolosæ obsidio
a. 1211. quam Capite *lv.* Petrus Vallicernenfis describit Tertia
obsidio altera, sive Simonis Comitis Montisfortis obitus in ipsa
obsidione Tolosæ, quam prius expugnatam recuperaverat Comes
Tolosanus. Hic desinit Historiam suam Petrus Vallicernenfis
anno nimirum 1218. Scriptor est antiquior non solum Guillel-
mo, qui reliqua persecutus est, sed Cæsario. Nam Cæsarius,
narrat

narrat, Raimundum Tolosanum in Tolosam se transfuisse, de qua inquit, *usque huc e pueris vexare & impugnare non cessat; ac cecide; Et sicut hoc anno Elinus Corradus Episcopus Portuensis, & Cardinalis contra Avienjes Legatus missus scripsit Capitulo Cisterciensis &c.* Corradus, ut vidimus, Legatus missus est a. 1221. Itaque eo anno circiter hæc scripsisse videtur Catarius. . Alia quædam epocha statui potest in morte Comitis Raimundi quam a. 1222. collocat Guillelmus. Denique eo tempore, quo idem Guillelmus ait Inquisitionem Hæreticorum commissam FF. Ordinis Prædicatorum. Atque ipse quidem Historiæ finem suæ imponit, narrans Philippum Franciæ Regem, venisse ad partes Tolosanas, captumque Comitem Fuxi duxisse in Franciam a. 1277. Nec silendum vero est, Expeditiones hæc admirabilibus rebus promotas. Frequentissimæ hæc sunt, præteritæ in Petri Vallicernensis Historia (1), nec vero ipsarum frequentia suspectas eas facit; si ad ipsas Palæstinas expeditiones convertamus animum, in quibus eadem fuerunt porro frequentissimæ. Aliud fuit humanæ artis subsidium, machinæ ipsæ bellicæ, quæ in hac præcipue Historia occurrunt exactissime descriptæ, Catus, Mangonellus, Petraja &c. (2). Atque hos quidem Historicos nostros si Carolus de Aquino, aliique, qui de huiusmodi rebus scripserunt, consuluisse, juvari plurimum potuissent. Sed præcipuum, ut debebant, subsidium positum in precibus ad Deum fuis, iidem Historici testantur. Petrus Mosayci obsidionem narrans (3) *Cum fieret autem insultus iste, Episcopus Carcassona, & ego per exercitum discurreramus nostros exhortantes. Archiepiscopus autem Rhemensis, & Tullensis, & Albiensis Episcopi, & Guillelmus Archidiaconus Parisiensis, Abbas etiam Mosayci cum quibusdam Monachis, reliquusque clerus exercitus, in Montis descensu ante Castrum stabant, induti vestibus albis, & nudis pedibus tenentes ante se Crucem, cum Reliquiis sanctorum, voce altissima & devotissima cantabant, Veni creator spiritus, divinum auxilium flagitantes. Et cum Cassonolium aggredierentur (4); Episcopus autem Carcassona & Clerici qui erant in exercitu cum eo convenerunt in locum eminentiorem prope Castrum clamaturi in calum, & pro nostris pugnantiibus oraturi. . Interea Clerici nostri, Veni creator spiritus, cum devotione maxima decantabant.* Discimus autem ex his locis ea potissimum prece usos, ut Spiritum Sanctum, decantato ejus hymno, in-

voca-

(1) Cap. 22. cap. 34. cap. 38. c. 53. &c. Murator. pag. 568. 571. &c.
 (2) V. Petri cap. 37. cap. 41. cap. 42. (3) Cap. 63. pag. 621.
 cap. 56. cap. 62. & Bernard. Guid. 2p. (4) Cap. 79. pag. 650.

vocarent . Nec Clerici solum , sed Comes ipse Montisfortis asiduus erat in precibus . Juvabit hic aliquid referre quod Petrus ipse narrat , & veteris ritus , qui tunc quoque perflaret , vestigia repræsentat . Cum esset in campo Murelli contra Aragonum Regem pugnaturus , Cum intraret munitionem Castri , ut se armaret , & transfret per ante Basilicam suam , subito intraspexit & vidit Uticensem Episcopum celebrantem Missam , & dicebant , Dominus vobiscum , post Evangelium ad offerendam ; statim cucurrit Comes Christianissimus , & flexis in terram genibus , & junctis manibus ante Episcopum dixit ei ; do vobis & offero animam meam & corpus meum Post hæc intrans munitionem armis se munivit , rediensque iterum ad Episcopum in prænotata Basilica , denuo obtulit se ei & arma sua (1) . Dixi hic extare vestigia antiquissimi ritus , qui tunc perduraret , oblationum scilicet a populo in Missa factarum . Testis est Innocentius III. dierte id narrans (2) ; Dum cantatur offertorium Sacerdos accipit oblationes a populo vel hostias a Ministris . Vetus Scriptor Vitæ S. Elisabethæ Portugalliæ Reginæ quæ hoc sæculo vivebat (3) ; Ad audiendam Missam quotidianam accedebat Regina magna cum humilitate flexis genibus coram Sacerdote qui Missam celebrabat , osculans ejus manus & offerens munus suum ante altare , ab ea solitum offerri in qualibet die , quam oblationem augebat secundum qualitatem festivitatis . Id nimirum significare illa Comitissæ nostræ , sui armorumque oblatio videtur .

VI. Postremum facimus (non tempore ; nam temporis rationem non habemus hoc loco , sed ordine nostro quodam dicendi) argumentum ad Hæresem Albigenisum excindendam Inquisitionis Tribunal , quod & antea constitutum est , & perpetuo commissum Ordini Prædicatorum indicat Guillelmus scribens (4) . In diebus autem Legationis ejusdem Episcopi Tornacensis per Summum Pontificem commissæ est Fratribus Ordinis Prædicatorum Inquisitio in his terris contra Hæreticos facienda . Anonymus Cartusienis de Religionum origine , id ad summum ejus Ordinis decus refert . Itaque inducit filii personam loquentem (4) : Unum est in quo Ordo iste videtur præcellere , quod videlicet ipsius professoribus & solis Inquisitio Fidei committitur , non aliis cujuscumque gradus conditionis vel Ordinis . Ita ille qui vivebat sæculo xv. Nec vero præterierat alia quæ eum Ordinem ornant . Hic Ordo venerabilis mirabiliter dila-

(1) Cap. 77. (2) Lib. 2. de Sacr. (3) Cap. 43. (4) Tom. 6. Collect. Miss. cap. 53. (5) Apud. Bolland. Martene pag. 70. num. 48. (6) Cap. 43.

ailatus est, & plurimum fructificavit Christo & nobis, animas lucrando & ad veram fidem ducendo, hæresesque destruendo ac ubique Hæreticos persequendo. Ordo iste quasi innumeros habuit laudabiles ac omni laude dignissimos patres ac doctores, egregiosque Prædicatores, quamplures etiam in summo apice locatos, quorum deinde nonnullos numerat, Sed dici hic a nobis potest quod illo antiquior, & quem sæpius nominavimus Guillelmus de Podio, ubi S. Dominicum ejusque Ordinem laudavit (1), super quo non interest meam narrationem proseguere, cum per Historiam vita sua, & Ordinis ubique dilatati evidentiam, sit jam volentibus atque nolentibus manifestum, verumque, secundum quod dicit B. Apostolus, oportuisse Hæreses esse in nostris temporibus, sive regionibus, ut Ordo beatus, non tam apud nos, quam apud totum mundum fructuosus & publicus appareret. Similia sunt Honorii III. & Gregorii IX. verba (2); Quoniam abundavit iniquitas & refrigescit charitas plurimorum, Ordinem fratrum Prædicatorum, sicut credimus, Dominus suscitavit, qui non quæ sua sunt sed quæ Christi querentes, tam contra profligandas hæreses quam contra pestes alias mortiferas extirpandas, se dedicaverunt Evangelizationi Verbi Dei in abjectione voluntaria paupertatis. Idem Honorius III. in litteris S. Dominico sociisque ejus datis VII. Kal. Febr. a. 1217. (3); Sic velut servi fideles talenta vobis credita erigentes, ut eadem reportetis Domino geminata; sic sicut invicti Christi Athleta scuto Fidei & galea salutis armati, non timentes eos qui corpus possunt occidere, verbum Dei, quod est penetrabilius omni gladio ancipiti magnanimiter contra Fidei exaritis inimicos. Verum itaque expertus est Honorius quod in somnis Innocentius III. viderat. S. Dominicum humeris suis (quod item de S. Francisco narratur) Lateranensem Ecclesiam, sustentare. Atque id quidem visum, ut nonnulli antiqui taceant, vere Innocentio oblatum esse, aliorum auctoritate satis est certum; rem vero significatam certissimam, Historia ostendit. Sed nec de hoc longius differendum est, nec de Inquisitione ipsa de qua accuratissime, & ab aliis, & in Annalibus recens editis disputatum est. More nostro, qui nonnulla quæ huc faciunt animadvertenda ducimus, hic Inquisitionis occasione adversus Hæreticos, explicamus, quod facere supra omisimus, quid rei sint Hæretici vestiti, qui in Conciliis hujus temporis aliisque monumentis occurrunt. Et Du Cangius (4) quidem Hæreticos interpretatur qui Hæresis sunt convicti, opponunturque aliis, qui

Cre-

(1) Cap. 10. (2) Bullar. O. P. tom. I. p. 28. 1. 1. & 29. (3) Ib. Const. 3.

(4) Glossar.

Credentes nuncupabantur, quod suspicio eorum dumtaxat emanasset. Rem ita se habuisse non nego; sed nominis causam etiamnum quæro; cur hujusmodi hæretici *vestiti* vocarentur. Causam me reperisse puto in eo, quem sæpius nominavimus Albigenſium historiæ Scriptorem diligentissimum, Petrum Monachum Cœnobii Vallium Cernaii. Nam de Comite Tolosano narrat (1), *Primo dicendum, quod quasi a primis incunabulis semper Hæreticos dilexit & fovet, & eos in terra sua habens, quibuscumque modis potuit, honoravit, usque hodie etiam, sicut asseritur, ubicumque pergit, Hæreticos sub communi habitu secum ducit, ut si ipsum mori contingerit, inter manus ipsorum moriatur: & paulo post; Quo factò, de superabundanti duas Hæreticos in veste communi secum adduxit, ut si forte mori eum contingeret, inter manus ipsorum moreretur. Quid illud est in veste communi? Erant ergo Hæreticorum vestes propriæ, quas Hæreticos illos suos induere volebat Comes, ut Catholicum se mentiretur, & promissis quæ Romano Pontifici fecerat, stare videretur. Hoc mihi ex recitatis Petri verbis plane liquere videtur; atque illud quoque, quid *Hæretici* essent *vestiti*, quos Concilia Tolosanum, Narbonense, Biterrense, aliaque nominant.*

..(1) Cap. 4.

F I N I S.

I M P R I M A T U R ,

Si videbitur Reverendissimo Patri Magistro Sacri Palatii Apostolici .

*F. M. de Rubeis Patriarcha
Constantinop. Vicefg.*

I M P R I M A T U R .

Fr. Joseph Augustinus Orfi Ordinis Prædicatorum , Sacri Palatii Apostolici Magister .

